



14-27. B. 45

Martij. van He



ANNVLI ASTRONOMI-


CI, INSTRVMENTI CVM CER-
tissimi, tùm commodissimi, vsus, ex
variis authoribus, Petro Beaufardo,
Gemma Frisio, Ioãne Dryandro, Bo-
neto Hebræo, Burchardo Mytho-
bio, Orontio Finæo, vna cum Me-
teoroscopio per Ioãnē Regiomon-
tanum, & Annulo non vniuersali
M. T. authore.

*C. D. C. De Vitis S. Agatha
Signe*



transyberim
LVTETIAE,

*Apud Gulielmum Cauellat, in pingui gallina,
ex aduerso Collegij Cameracensis.*



1558

CVM PRIVILEGIO REGIS,

INTRODUCTION

The following is a list of the contents of the book, arranged in alphabetical order of the authors' names. The list is intended to give a general idea of the scope and extent of the work, and to show the relation of the various parts to each other. The list is not intended to be a complete index of the contents, but rather a guide to the reader's attention.

1. The first part of the book is devoted to a general introduction to the subject, and to a discussion of the various methods of investigation.

INTRODUCTION



GVLIELMVS CAVELLA-
tius Typographus Lectori S.

Nostrum semper cōsiliū
fuit, vt emittendis in lu-
cem lectissimis quibusq;
rerum Mathematicarum
scriptoribus, præclara di-
scientium studia, pro no-
stra virili parte, & adiu-
uentur & prouehantur.

Cū ergo intelligerē egregiā esse Annuli Astro-
nomici, qui tamen à paucis in vsum adhiberetur,
cōmendationē, equidem facere non potui, quin
conquisitos vndiq; & diligēter autores, qui præ-
stantissimi huius organi rationē literarū moni-
mentis prodiderunt, breui complecterer enchi-
ridio: quo quicquid variē & sparsim à permultis
de eodem genere vsquam traditū cōperimus, id
simul & semel studiosus quisq; à nobis accipiat.
Nam, vt de organi laude nōnihil admoneam, in-
ter omnia quæ faciliē circumferuntur, rei Astro-
nomicæ instrumēta, vix aliud reperiās quod fru-
ctuum vbertate atq; copia cum Annulo Astro-

A ij



nomico contendere posse videatur. Tanta est præterea huius organi in rerum, præsertim Astronomicarum usu, certitudo, ut cum eo ne Astrolabium quidem sit conferendum. Nam & paucissimis, & ad cæli rationem accuratissimè compositis partibus cōstat, armillis, inquam, cælestes circulos, velut in globo quopiam, aptissimo situ referentibus. Quid de commoditate dicam, qua omnia facile vincit? Porro Beaufardi tractationem aliis præponēdam censui, quod is omnium postremus propositam Annuli rationem, omnium copiosissimè, ut par erat, exposuisse videatur. Vnicam verò longitudinis & latitudinis insigniorum quorundam locorum tabulam, quæ à singulis autoribus eadem ferè libris singulis inserta fuerat, ad Enchiridij huius calcem, adscribendam idcirco curavi, ne inani & otiosa repetitione chartarum numerus augeretur. Vale, nōsque tuo favore ad graviora, quæ semper conamur, accende. Lutetiæ 14. Cal. Maij, 1557.

REVEREN-



REVERENDISS. ATQVE

ILLVSTRISS. PATRI, AC DOMINO, D. Hieronymo Daudino, Tit. S. Matthæi, S. Romanæ Ecclesiæ presbytero, Cardinali Imolensi nuncupato, summi Pontificis Legato à latere, Petrus Beaufardus S. D.



LEGANS, nec minus eruditum cēsetur Platonis dictum, τὸν δὲν αἰὶ παρὲν ἔχει. Quo tametsi naturæ idææ geometrica constare ratione significatum vidcatur, sunt qui opinentur (quibus ipse quoque astipulor) diuinum Platonem voluisse, hanc mundi idæam mira sapientia Deum formasse, perpetuo motu ciuisse, & mortalium oculis spectandam dedisse. Quod si verum sit, vtinam hoc Platonis diuerbium, omnes qui Christum professi sumus inculcaremus sæpius: nihil enim fore putarem, quod nos futuræ immortalitatis nostræ æ-

quæ redderet memores. Quis enim mortalium obsecro, usque adco ferreus, aut sine sensu ullo, qui cœlum quandoque suspiciens, stellas, lumina, concinnam pulcherrimamq; mundi fabricam intuens, in admirationem abductus, statim de sua immortalitate futura haud cogitet? quo nihil prius esse potest, aut saltem debet: id nanque mente sæpius volvere, fœlicitatis proculdubio munus est. Quare & nos decet Dei imitatione ac Salomonis exemplo, αὐτὸς ὁ θεὸς ἡμῶν. hic enim huiusmodi disciplinam diuinitus se edoctum esse, Sapientiæ capite septimo declarat. Quod ut commodè fiat, aliquid oculis obiciatur necesse est, quò facilius ac certius naturæ idæā imitari possimus, sensibus nostris, alioquin crassioribus nihil acturi. Varia quamobrem instrumenta excogitavit mortalium industria, quibus naturæ idæa hominum oculis scitè conspici posset: quorum certius aptiusq; nullum annulo, quæ astronomicum dicunt, esse arbitror, quo haud secus atque in illa, diuino ingenio Archimedes, sphaera, cœli motus magna cum voluptate conspici & observari queunt: ut hac etiam ratione μακρὸς κόσμος ἡμῶν haud immerito dicatur, qui minima re vastam cœli machinam exprimere, eandemq; quocunque locorum profiscatur, minimo negotio circumferre queat. Quod ut maximum est, ita Dei munus esse, nullus est qui ambigat: sunt quandoquidem hæc omnia

& notum quædam, ex quibus tanquam visibi-
 libus rebus, Dei notio mortalibus innotescit, quem-
 admodum ad Romanos D. Paulus testificatur.
 Cum igitur superioribus diebus, huius instrumenti,
 Annuli inquam Astronomici, usum cōscripsissem,
 de Mecœnate, cui eundem dedicare commode pos-
 sem, sollicitus esse cœpi: atqui hic quò plures occur-
 rebant, eò maiori in dubio versabatur animus. Nec
 sanè immerito, cum Mecœnas idoneus totius operæ
 vnicus ac desideratus videatur scopus: Nunc verò,
 celebri nominis tui fama, Pater amplissime, (quam
 paucis dieb⁹, sed multis virtutibus excitasti) addu-
 ctus, tum mihi, tum omnib⁹ patronis meis me satisfac-
 turū, certò scio, cum tibi, cui omnes omnē laudē
 & probitatis & rerū gerendarū prudentiæ tribuant,
 dedicarim. Neque enim Bruxellis tantum, sed per
 omnes has regiones, & apud nos etiam in studiorū
 otio latentes homines, rumor hic, maxima cum tua
 dignitate, percrebrescit, non te magis beatissimo &
 sanctissimo Domino nostro Papæ, ac gloriosissimo
 & inuictissimo Cesari gratum charumque impri-
 mis esse, quàm sint tibi studiosi probique homines.
 Audimus vbiq; vno ore prædicari tuam in ne-
 gotiis prudentem probitatem, in colloquiis grauem
 comitatem: in iis expediendis quæ ad legati Aposto-
 lici munus pertinent, integritatē & liberalitatem:
 in sacris faciendis religionem: maxima sanè homi-

num admiratione: ita ut omnes ciuitates, omnia oppida, ad te vñū videndum colendūmq; (optimi videlicet exempli Pastore Patrēmq;) confluāt. Sed tuas virtutes hic recensere velle, fortassis incommodum foret: mihi praesertim, cui Attici lepōris minus sit, aut plus dicendi inopia, quā postulet tua virtutum copia. Ne igitur quod sibi alicubi Cicero de Pompeiana virtute vsu venisse cōmemorat (facilius videlicet principium, quā finē inuenisse) idem hic mihi contingat, abstinendū censui: hoc tantum dixisse sufficiat, quod satis ostendat hoc grauissimum quo fungeris ad Carolum ꝑ. Imperatore Pontificiae legationis munus, quibus virtutibus quāque authoritate sis. Adde quod suis dedicationibus nōnulli hac in re nō tantum nimij, verum etiam subtili garrulitate importuni, ac molesti esse solēt. Nec mirum: verā quandoquidem virtutes per se aliquin laudat & satis, nulla commendatione, tantum abest ut fucatis adulationibus indigeant. Quare vbiq; nēdūm hīc, (ut sic dicam) παρασσει oportet. Quò verò hoc quicquid sit muneris, tuae dignitati foret gratius, ac tuū huc desideratū aduentum, me gratulari ostenderē magis: visum haud inutile fuit, si libello instrumentū (quod ipse quanta potui industria fabricaram) adderetur, quo sine, libellus ipse rei aliquin minus esset habiturus. Quod non vno tantū loco, verum etiam quouis orbis tractu, vsui su-

, cui futurum est: quóque te, vbiunque etiam ter-
 rarum egeris, magna ratione, vt ex præcedentibus
 constat, oblectare queas: ac in eodem cæli typum,
 cum interdiu, tum noctu semper conspicias, licet.
 Adeò, vt si diuini Platonis verbis vtendum sit,
 ài ποικίλην tua Amplitudo vbiq̃ue locorum pos-
 sit. Quod vt pulcherrimum, ita à munere tuo præ-
 clarissimo minime alienum censeo. Expedi nan-
 que, imo decet omnes mortales, nedum his conue-
 nit, quos ecclesiæ suæ Christus præesse dedit, eò aspi-
 cere sæpius, quò vita defuncti quandoque migratu-
 ri sunt: vt quò accedere, nisi ab anima corpore dis-
 soluto minimè possint, eò sensim industria quadam
 ac oculorum acie, & mente tandem pertingere stu-
 deant. Sed hic ne hortator videar, vbi auditorem
 me præbere postularet ratio: neque idem quod aliis
 vitio dari prius dixi, mihi minus putasse videar,
 mihi temperandum, & finem vnà imponendum
 censeo. Accipe igitur arrhæ loco, & amplectere
 quæso, tui Beausardi lucubrationum primitias, quæ
 adeo non liberant, vt obstrictiorem etiam reddant
 debitori: cuiusmodi me futurum haud senties spe-
 ro, modo vita pacatior, & Deo dante diuturnior
 contingat. Interim Vale, & tui Beausardi memi-
 neris obsecro, Cardinalium decus ornatissimum.
 Louanij, 7. Calendis Iulias, Anno 1553.

ANN. ASTRONOMICI VSVS
PETRVS BEAVSAR-
DVS STUDIOSO LECTORI

S. D.



*I*nter varia Matheseos instrumenta, quibus cœli motus observantur & calculantur, ea equidem meo iudicio, si quid iudico, semper visa fuere certissima & vsui aptissima, quæ tali industria ac arte confecta sunt, ut cœli, cuius veluti simiæ habentur, figuram ac typum referant. Circularis nanque motus observatio, instrumentis si fiat haud sphaericis, præterquam quòd suspitione non caret, etiam instrumentorum fabrica suo errore haud destituitur. Sphaericum enim in planum certe et sine omni errore transferre, omnium difficillimum, imo impossibile arbitrar. Quæ enim obsecro (fabricantis lapsus mittens) rectæ lineæ ad curuam ratio est? nam hætenus inuenta tametsi proxima, nondum exquisita, nedum vera aut certa esse potest. Qua de re cum huiusmodi esse videã annullũ, quem astronomicum vocat, cuius vsum scripsere Bonetus de Latis, Hebræus medicus, Burchardus Mithobius, ac noster candidissimus Gemma, omniumque postremo Ioannes Dryander: & postrema fabrica ab eorum interpretatione nonnihil variet: idque studiosos sanè adolescentes subinde perplexos habeat,

Vbi ad

Vbi ad aliquem locum deuentum est, quem vident à veteri fabrica haud parum differre : nolui profecto meam operam, si hac in re quid præstare possim, ipsis studiosis denegatum iri. Præsertim cum minime ignorem, quâvis precibus apud me quidam subinde institerint, ut quæ hac de re capita mihi conscripseram, eaque paucissima, sibi communicarem: quod equidem ultro ac lubens feci. Quos ut vidi diligenti cura hæc transscribere sæpius, communi studiosorū vtilitati consulens, modum excogitare cœpi, quo multos scribendi onere leuans, omnibus prodesse eadem opera possem: si nimirum quæ domi apud me latebant, paucis adiectis prælo committens, in lucem prodire sinerem. Huc enim vergit ut ingenue fatear, meus sincerus conatus, ut communi, præsertim Matheſeos studiosorum, vtilitati proprium commodum, Medicæ artis præcipuum studium, seria negotia, quibus occupor, imo verius distrahor quotidie, innumera, etiam cum rerum mearum maximo dispendio, omnia inquam illi post habenda censeam: veterum exemplo eò adductus, qui omne bonum quò communius, eò melius esse iudicarunt. In hoc enim totus sum, ut quod studio, labore, & diligentia consequor, id totum in communem studiosorum adolescentum vsum conferam: cuius rei testes mihi esse desiderem, qui meas publicas prælectiones frequentarunt sæpius. Cœpi

igitur, ne ab instituto digrediar longius, astronomi annuli, instrumenti longe certissimi ac commodissimi, quantum tulit mei ingenioli tenuitas, vsus conscribere. Non quòd huius me inuentorem prædicem (cùm ante annos non paucos Bonetus Hebraeus medicus & alij cum subsequenti, vt ex precedentibus constat. eadem de re scripserint) aut ingenij maiori dexteritate præditus, commodius quàm illi præstare aliquid ipse possim: ac propterea, quòd absit, palmam hìc mihi dari cupiam (quid enim obsecro, vt ceteros mittam, nostro Gemma candidius aut ornatius inuenias?) sed, vt quemadmodum initio dixi, postremæ fabricæ, omnium (meo quidem iudicio) cõmodissimæ, ac certissimæ studio-sa iuuentus vsus accommodare posset. Nam horum eadem tametsi ratio maneat: propter fabricæ diuersitatem, vtendi modus non nihil discriminis habet. Idquæ primo intuitu percipi non ita vel animaduerti potest: quòd eò ingenij acumine omnes hand esse putem, vt cuiusvis praxeos rationem semper in promptu habeant: atque his equidem meas qualescunque lucubrationunculas lucis quid alluturas spero, quibus nostrum Gemmam ita referre studui, vt eorum quæ ipse habet, nihil mutauerim, nisi fabricæ diuersitate id necessariò postulante. Multa nanque sincere ex eo, quasi verbotenus, excerpta videas. Idque propterea feci lubentius, quòd

eius luculenta scripta ab omnibus studiosis merito
probari & magno amplecti studio sciam. Libel-
lum autem bipartiens, priori astronomicos vsus, al-
tera parte geometricas dimensiones cōplexus sum.
Adicci insuper nonnulla quæ apud alios nusquam
inuenias. Quibus bene cœptis si Deus annuerit, &
vita pacatior tranquilliorque contigerit, seriis nego-
tiis minime obstantibus, si quando per otium inte-
grum fuerit, conabor equidem studiosorum in gra-
tiam, huic instrumento longe plures accommodare
vsus: tametsi, vt dicere cœpi, maximo rerum mea-
rum dispendio id perficiendum esset. Tuum igitur
interea temporis erit, candide lector, (si voles, quod
Græcis in proverbio est, ἰσὺν ἰσὺν ἐμπέρεται) lucubra-
tionum mearum primitias hilari fronte excipere,
& obuiis vlnis obnixè amplecti. Quod si percepe-
ro, operam dabo ac adnitar sedulo, vt meum
erga te animum olim ipse vicissim sen-
tias. His vale, ac meis quæso labo-
ribus sincere vttere.

ANN. ASTRONOMICI VSVS
ARGVMENTVM CAPITA
OMNIA PRIORIS PARTIS
cōplectens, authore Fran-
cisco Hymanno Gan-
denſi P. L.

FVndamenta ſuo prima doctiſſimus author
Fronte operi victura iacit, certasque micanti
Diſſecat in partes fabricatam ex ære figuram.
Ex qua deinde docet Solarem in ſigna ferente
Perluſtrare gradum, & ſpaciis diſcernere terras,
Aequales lucente die Lectoribus horas,
Stelligerique plagas mundi, Phœboque remoto
Exhibet horarum documenta fidelia, monſtrans
Obſervare polos, inque Vtram ſidera partem
Declinent, alius quota ſit regionibus hora,
Occiduumque ortumque horis diſtinguere ſolem,
Metiri noctem varia ratione diemque,
Horæque quot punctis Solis ſeparetur ab ortu,
Occasûve, horæ quæ ſint, quas ſacra Mathēſis
Nomen iniquarum, propter diſcrimen, habere
Inſit: adhæc facili methodo perquirere Solis
Stellarumque altos, ſuperato limite cœli,
Aſcenſus, triſtus quanuis obduxerit illud
Temperies, tum poſſe gradus cuiusque, pererrat
Orbita quos Solus, vera internalla notare,
Atque aliquot ſtellis ſpatia, æquatore relicto,
Facta.

*Faëta. Sed & si Sol medio, vel stella supremo
 Scanderit astra gradu, sibi finitore subaëto
 Climata scrutari, medio quouisque diei
 Momento Solisque locum mensisque dietem
 Nouisse: & quanuis turbauerit æthera nubes,
 Posse tamen medium recte deprehendere quauis
 Tempestate diem, quod & ipsum linea ducta
 Indicat. Vtique scias, quo puncto limitis ortum
 Et lapsum capiant Sol quauis signaque luce,
 Consule præsentem, lector studiose, libellum.*

CAPITVM, QVÆ HOC

LIBELLO CONTINENTVR,

Index.

Prioris partis capita.

PArtium declaratio Cap. I.
Solis in Signifero locum vel gradum inuenire

Cap. II.
Loci latitudinem quomodo inuenias Cap. III.

Horas æquales interdiu, & mundi plagas, cum aliis nonnullis, addiscere Cap. II.

Nocturnæ horæ inuentio Cap. V.

Poli situm, & vtram in partem stellæ declinent, obseruare Cap. VI.

Quota in alio tractu hora sit perscrutari Cap. VII.

De Solis ortu & occasu, quantitatemque diei ac no-

INDEX.

<i>Etis capienda</i>	Cap. VIII.
<i>Ortus & occasus horam alia ratione inuestigare</i>	Cap. IX.
<i>De Planetarum seu inæqualibus horis</i>	Cap. X.
<i>Ab ortu vel occasu Solis, quota hora sit inuestigare</i>	Cap. XI.
<i>De Solis & stellarum altitudine</i>	Cap. XII.
<i>Solis & stellarum altitudines cœlo nubilo ac quolibet tempore inquirere</i>	Cap. XIII.
<i>Cuiuslibet gradus Eclipticæ declinationem supputare</i>	Cap. XIII.
<i>Aliquot stellarū declinationes inuenire</i>	Cap. XV.
<i>Solis meridiana vel stellarum maxima altitudinis observata, locorum latitudines indagare</i>	Cap. XVI.
<i>Solis locum & mensis diem venari</i>	Cap. XVII.
<i>Idem meridiana Solis observata altitudine etiam indagare</i>	Cap. XVIII.
<i>Idem diei quauis hora inquirere</i>	Cap. XIX.
<i>Solis etiam minime conspicui meridianam altitudinem quolibet tempore obtinere</i>	Cap. XX.
<i>Meridianam lineam plano inscribere</i>	Cap. XXI.
<i>Quo horis puncto Sol vel stella quolibet die oriatur & occidat</i>	Cap. XXII.

FINIS INDICIS.



ANNVLI ASTRONO- MICI VSVS.

*Quòd omnium commodissimè ære annulus fabri-
cetur, & pauci Matheseos studiosi ærarij sint,
non tamen sine studij huius aliquo dispendio
eius fabricam omittentes, à partium explicatio-
ne meritò auspicandum duximus.*

PARTIVM ANNVLI declaratio.

Caput primum.



*Nnuli quatuor omnē hunc
nostrum vsum præstant:
quorum extimus, qui reli-
quos inclusos habet, meri-
diani vices præbet. Voca-
mus autem meridianum
circulum, qui missus per
mundi verticem vtrunque, & capitis punctum
(quod Zenith Arabes vocant) nostris imminet*

*Meridia-
ni defini-
tio.*

Verticibus: quòd, cum ad illum ex ortu ascendens
 Sol peruenierit, mediæ diei indicium sit. In hoc af-
 fixi sunt duo interiores annuli, simul in modum
 vnius coniuncti. Atque puncta duo, circum quæ
 hi mouentur, Poli siue Cardines mundi, à nonnul-
 lis Vertices appellantur: Alterum scilicet quod cir-
 ca ansum est, arcticus borealis, vel septentriona-
 lis: alterum antarcticus, quasi arctico oppositus,
 austrinus vel meridionalis polus dicitur. Est verò
 hic annulus, vt quiuus sphaeræ circulus, primaria
 sectione in partes æquas 4 diuisus: quarum vna
 tantum sua laterali superficie, deinceps in 90 par-
 ticulas, quas trito nomine gradus mathematici vo-
 cant, dissecta est, decadum (vt plerunque fit) tan-
 tum ascriptis numeris. sunt autem hi gradus la-
 titudinum, qui poli eleuationum gradibus vbiq̃ue
 locorum pares sunt. Sed nos, non quòd inani cu-
 riositate moti, superstitiosi hac in re esse cupiamus,
 verum commoditatis ac discretionis gratia, zodia-
 ci particulas, gradus: æquatoris, tempora: aliorum
 circulorum segmenta, partes appellabimus, quod
 etiam in sequentibus perpetuò obseruare studebi-
 mus. Secundus annulus, qui cum primo instrumē-
 to complicato, vnum constituit, æquatorem re-
 fert seu æquinoctialem circulum, qui mediū orbis
 circulus est, ab vtróque polorum mundi æquali-
 ter distans. Hic, vt primus, in quatuor quadran-

tes diuifus est, quolibet lateralis superfaciei rursus in 90 tempora difsecto, quorum denaquina singulis respondent horis: ita fit vt horæ bis exurgant 12, initium à meridie & media nocte fumentes, vt cuius inspicienti manifestum est: atque illa ipsa tempora seu gradus, signis in annuli exteriori superfacie notatis, inseruiunt. Partes verò quæ interiori eiusdem superfaciei insculptæ sunt inæquales, mensium dies sunt, literis primariis affcriptis id significantibus: à Ianuarij Calendis, quibus vigesimus primus Capricorni gradus respondet, supputationis initio facto. Est præterea vna huius annuli vel prius dicti meridiani quarta, sua laterali superfacie in bis duodecim partes inæquales distributa: quæ rursus in alias inæquales particulas plures vel pauciores, prout instrumenti capacitas fert, difsectæ sunt, scalæ Geometricæ partes dictæ, quarum vsus in dimensionibus est. Tertius duplex est: nam ita quarto cohæret, vt cum eo annulum vnum conficiat: in cuius exteriori superfacie, quarundam cælo hærentium stellarum (quas fixas vocant) nomina scalpæ videas, cum declinationibus & numerorum notis, horis nocturnis, vt in sequentibus patebit, inseruientibus: in huius quoque superfaciei medio, linea ducta est, horas cum diurnas tum nocturnas indicans, quam ho-

Scala geo-
metrica.

Horatia
linea.

P. BEAUSARDI ANNULI

rariam subinde appellabimus. Lateralium verò
superficierum altera horas bis duodecim, noctur-
nas inquam, cum partibus circuli continet: nam
quæ in æquatore signantur, interdiu vsui sunt.
Altera verò declinationes signorum cum eorun-
dem characteribus habet: septentrionalium qui-
dem ♈ Arietis, ♉ Tauri, ♊ Geminorum decli-
nationes, ab æquatore borealem polum versus sup-
putando: ♋ Cancræ, ♌ Leonis, ♍ Virginis, à po-
lo versus æquatorem descendendo: Australium ve-
rò, ♎ Libræ, ♏ Scorpj, ♐ Sagittarij, ab æqua-
tore descendendo: ♑ Capricorni, ♒ Aquarij,
♓ Piscium, à polo antarctico æquatorem versus
numerando: singulorum spatijs (ni obstitit de-
clinationis angustia) per trigenas aut denas qui-
nas partes distributis, ac dictorum spatiorum sin-
gulis, signis binis inseruiantibus. Binorum quan-
doquidem similium declinationes pares sunt, ♈
Arietis nimirum & ♍ Virginis, ♎ Libræ, ac
♓ Piscium: quaternorum verò dissimilium, nec
minus æquales sunt, ♈ Arietis, ♍ Virginis,
♎ Libræ, & ♓ Piscium: de cæteris idem esto
iudicium. Huius etiam superficiei medietas alte-
ra, in partes bis 90 distributa est, quæ declina-
tionibus & alijs vsibus accommodandæ sunt.
Atque hunc annulum, cuius modò partes re-
censuimus, meridianum versatilem, volubilem,

Meridia-
nus mobi-
lis.

scu

seu mobilem vocemus licet. Quartus tandem, dioptras seu tabellas duas cum foraminibus, & partibus prominentibus iisdem respondentibus ex diametro oppositis, quas pinnas, pinnulas, seu pinnacidia vocant, deferens, tertio sic inclusus, ut cum eo vnum prorsus constituat, signorum ac stellarum ascensiones rectæ sphaeræ, per gradus singulos sua laterali superficie continet: in cuius interiori superficie signa notata sunt, spatiis (ut plerunque fit) per quinos gradus aut partes distributis. Sunt præterea hic numerorum notæ, alterius annuli notis, meridiani nimirum mobilis, respondentes: stellarum ascensiones rectæ sphaeræ, seu Zodiaci gradus, quibus stellæ in recta sphaera cooriuntur, indicantes: quæ nocturnis horis accommodandæ sunt. Deest nunc instrumento, ut omni perfectione constet, ansula ad quamvis latitudinem perducenda, ac duabus cochleis figenda, qua fili loco utimur: & hæc, præterquam quod vsui commodissima est, etiam omni casus periculo instrumentum liberat. Atque hæc est omnium quæ vnquam fuere, variæ tamen, annuli fabrica cum certissima tum commodissima, & ea qua hac tempestate utimur. Verùm dictis armillis si quintus annulus accedat, qui horizontis vice fungatur, cuiusmodi nonnullos videre licuit. Utque est, quem magna industria ac soler-

Quartus
annulus
pinnaci-
dia defe-
rens voca-
tur.

P. BEAUSARDI ANNVLII

ti opera his proximis annis, Carolo quinto Imperatori inuictissimo & matheſeos ſtudioſiſſimo, confecit noſter Gerardus Mercator, Rupelmundanus, Vir, quo fabricæ instrumentorum, ut cum omnium pace dixerim, hac tempeſtate nulum peritiorum nouerim) non me Hercule dicere poſſim, huiusmodi instrumentum quot uſus præſtare queat: adeo ut uſum certitudine (taceo multitudinem) cum aſtrolabio certare facile dixeris.

DE ANNVLII VSV,

primūque de loci Solis inuentione.

Cap. II.



Vnc, quod fœlix fauſtūque ſit, instrumenti uſum auſpicemur. Quum ergo anni horarūque dimēſio omnis, à ſole pendeat (tum enim annus eſt, cum periodico ſuo curſu, Sol orbem ſignorum percurrerit: dies verò, cum ab ortu per meridiem, occaſum, ac mediam noctem, in eundem denuo reueuerit) neceſſaria prorsus Solis motus cognitio cenſetur, quem obtinebis eo qui ſequitur modo. In æquatoris interiori ſuperficie, ſculpta ſunt menſium nomina cum reſpondentibus diebus, menſium primariis

marius literis tantum assculptis. Solus igitur locum seu gradum die aliquo inuestigaturus, quare in eadem superficie mensem eiusque diem: quo facto, diligenter perspice in eiusdem laterali superficie gradum eiusque partem. qui quotus cuiusque signi sit, facile exterior annuli superficies indicabit: atque is est quem oblato die Sol in Ecliptica occupat, cum quo cœlum etiam mediat. Exemplo fortassis rem lucidius capies. Scire libet, duodeuigesimo Martij die quem locum Sol teneat. Quæro igitur in æquatoris dicta superficie signatum diem: cui video in laterali superficie respondere sex gradus cum besse quasi γ Arietis. Dico igitur, Solem meridie dicti diei, cœli fastigium attingere cum 40. quasi scrupulo septimi gradus γ Arietis. Annus tamen si fuerit iatercalaris seu bisextilis, semper oblato dici, post elapsam duodevigesimam Februarij, cum is mensis tum undetriginta diebus constet, vnus adiiciendus est: Adeo vt si eius locum habere cupiam Calendis Martij, id cum sexto nonas agam necesse est: si secundo die desiderem, cum tertio perficiundum est. idque ad finem vsque anni perpetuò obseruandum est. Si verò quis annus futurus sit bisextilis, aut quotus post bisextum, certus esse cupias: annorum numerum post Christum natum per quatuor distribue. si nihil diuisione facta, residui sit, annus præsens bisextilis

P. BEAUSARDI ANNVLII

est: *sin* aliquid fuerit, quotus post bisextum annus sit, quod residuum est indicat. Nam si tria, tertius: si 2, secundus: *sin* verò vnum, primus post bisextum annus est: partitionis numero, quot post Christum natum elapsi anni bisextiles sint, semper indicante. Idem quoque minori negotio obtineas licet, si chiliadibus ac centuriis reiectis, decadas cum monadibus per quaternarium partiaris: at utroque opereris modo, colliges 1552. bisextilem fuisse, fluentem verò 1553. nimirum, primum post bisextum.

LOCI LATITVDI-
nem quomodo inuenias.

Cap. III.



Nnulus hic quidem noster, toti non solum Europæ, sed vniuerso orbi inseruit, obseruata tamen vniuscuiusque regionis à medio orbe, quæ poli eleuationi æqualis est, latitudine, quam definiunt meridiani arcum, capitis vertice & æquatore interceptum. Sed cum hinc non omnium regionum aut locorum latitudines ascripserimus (id enim igentis esset voluminis) nec in promptu semper sint, præsertim vbi in regionem incognitam quis deuenit: vtile visum fuit artem ascribere, qua quiuis loci eius

Latitudi-
nis finitio.

ci eius in quo, agit latitudinem ipse experiatur, quæ sic habet. Promoue dioptram alteram intimi annuli ad oblatis diei Solis declinationem, quam in meridiani mobilis laterali superficie scalptam diximus: ut nimirum dioptræ promouens pars (quam pinnacidium capite primo appellauimus) quam fieri potest exactissime, Solis declinationi seu gradui respondeat. Deinde observa Solem Meridianum adamussim tenentem: & omnibus explicatis armillis, mobilem meridianum volue, ut horaria linea exteriorem eiusdem superficiem mediam secans, circa duodecimam horam æquatoris collocetur. hinc filo meridiano alligato, instrumentum libere suspendatur, & quod Solis declinationem tenet, pinnacidium eidem obiciatur: filum verò quod nunc meridiano alligandum diximus, susque deque moveatur, quousque Solis radius vtriusque dioptræ foramen transeat. tunc demum filum ipsum, quo annulum suspensum tenes, regionis latitudinē poli altitudini inibi æqualem, certa indicabit ratione. Atque ibi perpetuò, cum diei horæ vel noctis, aut mundi plagæ inuestigandæ sunt, ansula, de qua primo capite, figenda est, ut eiusdem medium, latitudinis termino perfectè respondeat, donec in aliud clima, aut regionem magis australem vel arctoam te contuleris: ibi enim rursus ex tabella in fine huic libello apposita, artēve modò præscripta, regionis

latitudo inquirenda est. Tametsi autem meridi-
diei mentionem fecerimus tantum, licet tamen
idem experiri & aliis antemeridianis siue pome-
ridianis horis. Collocato enim, ut modo dixi-
mus, meridiano mobili ad horam diei propo-
sitam, qua id inuestigare libet, ac dimissis accu-
rate Solis radiis per dioptræ foramen, donec ipsi op-
positum transeant: eadem ratione ac via quibus
prius, ipso filo in certam situs latitudinem dedu-
cêris. Quod si statim, ut ferè usu venit, So-
lis radij per alterius tabellæ foramen missi, obie-
ctæ foramen non omnino transeant: ligandum
est filum sursum deorsum ve, sæpiusque tentan-
dum donec succedat. Quo verò modo interdum
per Solis meridianam altitudinem, vel noctu per
Cap. 16. stellarum altitudines maximas, paulo certius ac
commodius locorum latitudines observari queant,
dicemus ubi de Solis ac stellarum altitudine in-
uestiganda egerimus. Insuper quanquam expli-
candas esse armillas hic monuerimus, idem quoque
minori negotio, iisdem complicatis, observari pos-
set, si modo quæ decimoseptimo capite dicturi su-
mus, consulere lubeat. sed Gemmam nostrum hic
referre studuimus.

HORAM

ASTRONOMICI VSVS. 6
HORAM ÆQVALEM IN-
terdiu, & mundi plagas cum
aliis nonnullis addiscere.

Cap. IIII.



Va via in regionis latitudinem venire possis, præcedenti capite ostendimus. hac igitur cognita, ansulæque ei probè affixa: quota sit diei hora, & plenè scias, paucis accipito. Altero pinnacidio, ad Solis declinationem oblato diei, accurratè perducto, post armillis explicatis, annulòque è manu vel re quapiam libere suspenso, dictòque pinnacidio Soli obiecto: meridianum mobilem attolito vel deprimito, donec solaris radius vtriusque tabellæ foramen transeat. statim linea horaria, in æquatoris laterali superficie, horam atque adeo eius partem in temporibus, quorum singula quaternis horæ minutis respondent, absolute ostendet. His absolutis, annulòque immoto permanente, non horam tantum nactus es, verumetiam mundi plagas obtines, ostendit quandoquidem instrumenti meridianus, tui situs meridianum, qua de re septentrionem & austrum: vtra verò parte hunc, vtra illum, etiam puero notum est. Verum seu æquinoctialem ortū, hora sexta antemeridiana: occasū verū, hora sexta pomeridiana illi opposita, digito quasi cōmonstrat.

Cum tamen difficile haud sit, ducta in plano meridiana linea (cuius describendi modum capite 21. trademus) reliquos mundi cardines assignare (si enim hanc alia ad rectos angulos linea recta dispescat, indicabit altera quidem extremitate ortum, altera occasum verum) Illud tamen, cum horam venaris, minime negligendum, eam meridiani mobilis partem, quam dioptra solis locum tenens occupat, in orientali annuli parte, si dato momento meridianum Sol prætergressus haud sit, collocandam esse: contrà in occidua, modò idem meridianum relinquens in occasum prolabatur. Quod ex umbris vel Solis altitudine (de qua in sequentibus) addisces facile. Si enim hæc augeatur, vel illæ decrescant, nondum meridiem esse: sin contrà hæc minuatur, vel illæ crescant, Solem meridianum reliquisse, indicant. Quare in meridiani collo- catione sedulus esto: alioquin non in plagis modò, verum etiam horis erres necesse est. Id autem inde accidit, quòd binis horis à meridie æqualiter distan- tibus, vel 12. simul constituentibus, eadem Solis altitudo habeatur, nimirum nona & tertia, deci- ma & secunda, undecima & prima: de similibus idem esto iudicium. Licebit quoque alia ratione, num tempus antemeridianum an pomeridianum sit, addiscere. Hora enim, quo diximus modo in- uenta, annulus aliquantisper sic seruetur, volubili meri-

meridiano nequaquam moto: post Solis radius per superioris tabellæ foramen missus, si ab alterius foramine deorsum vergat, nondum meridiem esse: sin idem foramen superet, cœli fastigium Solem attigisse, tempusque pomeridianum esse, haud ambigas. Præterea vnius hoc loco te admonitum cupimus studiosè Lector, vbi horam inueneris, instrumento permanente immoto, omnes armillas sui cœli circulis, singulas singulis adamussim respondere. Poteris igitur minimo negotio illos cœlo inscribere, ac variorum punctorum situs deprehendere. quæ procul dubio astronomiæ studiosis multum emolumenti adferunt.

HORÆ NOCTURNÆ inuentio. Cap. V.



Solis esse, horarum interuallis tempus distinguere, dubium opinor esse nemini: atqui huius præsentiam cum nox denegeret, stellarum adminiculo noctu agamus oportet, quod interdum, radiante Sole, perficimus. Vt igitur nos hac re commodè expediamus, stellæ cuiusdam fixæ habenda cognitio est, quæ solis vices absentis subeat: hanc ab Astronomo quopiam discat necesse est, qui huius alioquin ignarus est. ex descriptione enim nuda, difficilis

fuerit cognitio. Attamen nostro ne defuisse officio videamur, talem unius, quæ in hunc usum omnium fixarum nobis accommodissima est, descriptionem accipe. Stella est, primæ (ut vocant) magnitudinis (cuiusmodi 15. ab astrologis, à nonnullis 15. numerantur) hoc est, maximæ quantitatis inter 15 vel 16. fixas stellas, distans ab æquatore partibus quasi 45. Hircum authores vocant, lucida, rubicunda, nunquam se submergens sub nostrum finitorem. Cum Sol fuerit in undecimo Sagittarij gradu (quod nostro sæculo nono Decembris Calendis accidit) ipsa noctis hora duodecima circa capitis verticem conspicitur. Quare si tum temporis à stella arctico mundi polo proxima, extrema inquam caudæ vrsæ minoris, recta visu processeris meridiem versus, ipsa visui prima occurret. Haud secus, si cum Luna in Geminis constiterit, ab hac versus eandem polarem stellam visu progressus fueris: prima rursus occurret lucida Hirci stella, Capella veteribus dicta. Quod si hanc fortassis comode nouisse haud possis, alterius descriptionem accipito. Eiusdem est magnitudinis stella ad arctos partibus 35. cum besse quasi declinans, lucida ac candida, quam Fidiculam antiquitas, Lyram vulgus appellat, in nostro tractu superius hemisphaerium vix relinquens, utpote 3. partibus cum triente tantum sese demergens. Cum Cancrī quintum gradum sol tenuerit, decimo-

decimoquinto nimirum Calendas Iulias, ipsa noctis duodecima hora sub meridiano consistens, partibus 69. cum besse supra nostrum finientem sese attollit: quare tum temporis à polo rectà meridiem versus linea ducta, per Fidiculam necessariò mittitur. In eius igitur cognitionem facile deuenies, si stellæ altitudinem (de qua in sequentibus) annulo ceperis. Haud secus, à Luna circa quintum Capricorni vagante, ad polum missa linea stellam intercipit. quam igitur in protracta linea splendidam conspexeris, Fidiculam esse concludito. His igitur vel alia quapiam, cuius nomen in volubilis meridiani exteriori superficie sculptum sit, cognita, quæque supra finitorem oblato tempore conspiciatur: pinnularum altera ad stellæ nomen seu declinationem in eodem meridiano perducatur, ut eidem perquam directè respondeat: Et armillis omnibus explicatis, annuloque secundum loci ab æquatore distantiam seu latitudinem, è manu vel re quapiam liberè suspensò, voluendus mobilis meridianus, ut dioptra prædicta eam annuli partem teneat, quam nota stella oblato tempore in cælo occupat, orientalem nimirum vel occidentalem. His factis, eademque dioptra stellæ obiecta, sursum deorsum ve meridianus voluatur, quousque dicta stella per tabellarum latera oculo directè occurrat: dein notetur hora eiusque pars, quæ

Cap. 12.

mobilis meridiani linea horaria, ut capite proximo
 diximus, in equatore indicat. Hæc autem cum
 vera non sit (solis est enim horas distinguere) quæ-
 rendæ est alia per stellæ ipsius à sole distantiam, eo
 quo dicemus modo. Considera quis numerus, ei-
 dem stellæ in exteriori meridiani mobilis superfi-
 cie, ascribatur: hunc in superficie interiori annuli
 pinnulas deferentis quære: cui in laterali superficie
 gradus respondens notetur eorum, quos (ubi de an-
 nuli partium declaratione egimus) ascensionum
 spheræ rectæ diximus: isque ad horam prius in-
 ventam ac eiusdem partem, in meridiani mobilis
 laterali superficie, intimum annulum sensim cir-
 cumgirando, perducatur tandem ad solis locum
 seu gradum in hoc annulo te conferas: qui horam
 veram in meridiani mobilis laterali superficie, at-
 que adeo eius partem plenè ostenderet. Exemplari
 discursu quæ volumus, quòd plura quàm difficilio-
 ra sint, rectius fortassis capies. Libet igitur Decem-
 bris idibus, quibus Capricorni primum gradum Sol
 occupat, post eiusdem occasum horam nocturnam
 inuestigare. Oculos igitur circumferens, Capellam
 cœli fastigium nondum attigisse video. Quare om-
 nibus armillis explicatis, eiusdem declinatione al-
 terum pinnacidium adducens, curo ut idem an-
 nuli orientalem partem occupet: & instrumento
 ex situs latitudine liberè pendente, mobilem meri-
 dianum

dianum deprimō vel attollo, quousque per tabellarum latera, dictam stellam visu notare queam: & horas in æquatore vndecim comperio, huic numerum stellæ ascriptum, 4. nimirum, in superficie annuli tabellas deferentis interiori inueniens, eundem paulatim circumgiro, vt ducta à numero lineæ, horæ vndecimæ, in meridiani mobilis laterali superficie, absolutè respondeat: in qua etiam Capricorni primus gradus, superficiæ interiori annuli tabellas deferentis insculptus, veram noctis horam nonam cum 45. scrupulis quasi elapsam apertè indicat.

POLI SITVM, ET VTRAM
in partem stellæ declinent,
obseruare. Cap. VI.



Onuimus capite quarto, hora diurna inuenta & instrumento minime moto, omnes eius armillas suis cœli circulis adamussim subiici ac respondere. Eadem prorsus ratio est, vbi noctu horam inuenieris, cum eodem momento cœli typum annulus referat, ac eiusdem veluti simia habeatur: quare huius arcticus polus, cardinis cœli locum certa ratione indicat. recta igitur ab oculo, per vtrunque annuli polum, ad cœlum perducta linea, arcticum

mundi polum ostendit. Haud secus ab oculo missa, ductæ nunc lineæ parallela, eadem prorsus ratione, idem cœli punctum notat. Facile igitur, ni geometriæ plane rudis, dictum cœli punctum visu assequeris: à quo tertiæ magnitudinis lucida stella, caudæ minoris vrsæ extrema, partibus 4. cum scrupulis 9: altera obscurior, quartæ magnitudinis, minus distans, 50. scrupulis, hoc nostro sæculo, vix abesse fertur. Præterea cum tui instrumenti æquatoris adminiculo, cœlo æquatorem inscribere queas, de stellarum declinationibus discernes facile: quas nanque in lateralis æquatoris plana superficie, monophthalma inspectione deprehenderis, nullam declinationem sortiri: quas supra, ad arctos: quas infra eandem superficiem conspexeris, meridiem versus declinare non est quod dubites. sed de his plura in sequentibus dicturi.

QVOTA IN ALIO TRACTU hora sit, perscrutari.

Cap. VII.



Vuat nonnunquam, hora diurna nocturnæve inuenta, nouisse quota, in alio loco longitudine differente, hora sit: vt stellarum ac syderum aspectus, luminum eclipses, & similia, omnibus longitudinibus, accommodari queant. Si igitur libeat inuenta hora,

ra, dato momento ad quemuis alium situm, qui à tuo longitudine differat, horam addiscere, sic agito. Minorem duorum locorū longitudinem à maiori subducito, & residua tempora in horas conuertito, diuisione per 15 facta: residuo (si quod fuerit) per 4 multiplicato: proueniunt enim horarum scrupula. quòd si præterea temporū scrupula se offerant, diuisione per 15 facta, redduntur horarum minuta. quæ omnia simul ex tui loci horis subducito, modò alterum longitudine superet, vel eodem orientatior fuerit, horis adiectis 12. si auferri nequeant: vel horis inuentis adiecto, modò alter tuum longitudine vincat, vel tuus altero occidentatior existat. hoc aut illo modo quicquid se offerat, horam alterius regionis eodem temporis momēto ostendit. Verum quotiescunque horarum numerus 12. exceſſerit, residuum, 12. reiectis, pro horis seruetur: nisi horæ 24. numerentur, ut in Italia & quibusdā Germaniæ locis vsuuenit. Exēplo rem ipsam apertā reddere conabor. Duo sunt loca sub diuersis meridianis sita, Louaniū inquā distās ab insulis Fortunatis (vnde longitudinis initium) tēporibus 27. scrupulis 8: Toletum habens longitudinis tēpora quasi 10. quæ ex priori longitudine subducta, tēpora 17, scrupula 8 relinquit. His (utpote diuisionē per 15 haud admittētibz) reiectis, tēpora per 15 partior, vnitāte pro diuisorio numero collecta: tēpora verò residua 2 per 4

multiplico, sicq; colligo vnā horā cum 8 scrupulis, longitudinis differentiam in tempus conuersam, semper ex horis Louanij inuentis subducendam: Adeo vt si Louanij inuenta hora tertia sit, eodem temporis momento Toleti hora prima cum 52. scrupulis esse dicatur. ac ita in cæteris.

DE SOLIS ORTV ET
occasu, quantitatēque diei ac
noctis capienda.
Cap. VIII.



Solis ortum appellamus tempus, quo ipse antipodibus nostris occidens, supra finientem nostrum emergit: sic contrā occasum, quo idem sub nostrum horizonta sese demergens, antipodibus oritur. Qua de re vt commodè nos expediremus, horizonte opus esset: quem cū pauci annuli habeant, aliquid oculis subiiciamus, quod eius vice fungatur necesse est. Omnibus igitur armillis complicatis diligenter, cura vt pinnacidium vtrunque ab ansulæ medio æqualiter, vel circuli quadrante remoueatur: hinc aspice per vtriusque dioptræ latera signum aliquod remotissimum. quò enim longius distiterit, eò certior operandi modus. Quod vt notaueris, alterum pinnacidium ad Solis locum, quem oblato die in

die in ecliptica tenet, perducito: & armillis explicatis, ac è latitudine annulo liberè suspēso, eadēmq; pinnula in oriētali annuli parte collocata, ac signo conspecto obiecta, erectus sta, vt prius mobilem meridianum sūsq; déque moueas, donec visu per tabellarum latera, idem prius notatum signum assequaris, quo absoluto, linea horaria, mobilis meridiani superficiem exteriorem mediam secans, horā cum scrupulis in æquinoctiali circulo, qua Sol inferius hemisphærium relinquens supra nostrum finitorem ascendit, indicabit. Quod tempus si duplaueris, noctis quantitatem produces: qua ab horis 24 subduēta, diei artificialis quantitas relinquetur. Si etiam quo tempore occidat habere desideres, mobilem meridianum volues, vt solis locum dioptra tenens, occiduam annuli partem occupet: nec secus ac prius, per tabellarum latera notatum signum obseruabis, sicque occasus horam videbis. Aut si libeat, ortus horas prius inuentas ex 12. subduces: nam quod offendes residuum, horam etiam indicabit occasus. Hæc quia difficultatis nihil habent, exemplis hic supersedendum duximus.

ORTVS ET OCCASVS

horam alia ratione inuestigare: Cap. IX.

b iij



Enith seu capitis verticem ab omni horizon-
 tus puncto (quod eiusdem polus
 habeatur) circuli quadrante, seu parti-
 bus 90. abesse, dubium opinor esse ne-
 mini: quare tantam à Zenith aliquis punctus di-
 stantiam nactus, in finiente constituatur necesse
 est. Poteris igitur alia ratione, horam ortus &
 interitus Solis sequenti modo etiam obtinere. Al-
 tero pinnacidio, quasi horam inuestigaturus, ad So-
 lis locum perducto, & orientalem annuli partem
 tenente, omnibusque explicatis armillis, circinum
 aliquem despicere, ut interioris superficiei equino-
 Etialis quadrantem cruribus intercipiat, quem sic
 distetum serua: & cruris alterius acie, mobilis me-
 ridiani exterioris latitudinis puncto medio, quod
 Solus declinationi respondeat, accurratè inserta, &
 inibi hærente, eundem meridianum huc illuc ducito,
 quousque alterius cruris extremitas, puncto meri-
 diani (cui affigendam ansulam tertio capite mo-
 nuimus) verticale punctum, aut Zenith tui loci
 representanti, planè coniungi queat. Huius absolutus,
 mobilis meridiani horaria linea, in æquatoris la-
 terali superficie horam cum scrupulis, qua in fi-
 nitore Sol constitutus emergere incipit, plenè osten-
 det. hac inuenta, diei ac noctis quantitatem, occa-
 sus etiam horam, per caput præcedens edoctus, fa-
 cile colliges.

ASTRONOMICI VSVS. 12
 DE PLANETARVM, SEV
 inæqualibus horis. Cap. X.



*I*tem astronomi duplicem assignant:
 Naturalem, viginti & quatuor con-
 stantem horis, semper fere æqualem:
 quem definiunt, æquatoris reuolutio-
 nem circum terram, semel, cum eiusdem portione,
 arcui eclipticæ interea temporis à Sole peractò, re-
 spondente. Artificialem, duodenas complexum
 horas. Atque hic cum ab ortu Solis ad eiusdem
 occasum sumatur, illudque interstitium in omni-
 bus regionibus ab orbe medio declinantibus, di-
 uersum sit & inæquale: necesse est horas huius-
 modi, quæ diem hunc in 12 æquas partes distri-
 buunt, inæquales esse sæpius. Quæ non à mutua,
 sed dierum inæqualitate sic dictæ sunt. Nam cum
 dies noctem excedit, necesse est diei horas eadem ra-
 tione nocturnas superare. Atque huiusmodi ho-
 rus, pleraque Veterum horologia distincta fuere.
 Inuenturus ergo quota sit diei hora inæqualis:
 primò quære quantitatem diei, de qua capite pro-
 ximo diximus. Inuentam in 12. æquas par-
 tes distribue: nam ita tibi quantitas vnius ho-
 ræ inæqualis producet, qua comperta, vide
 quot sint horæ æquales elapsæ & minuta ab or-
 tu Solis ad tempus propositum, quas cum mi-

*Diei natu-
 ralis fini-
 tio.*

*Artificia-
 lis dies
 quid.*

nutis per quantitatem vnius horæ inæqualis diuide: exhibit demum hora inæqualis temporis præfiniti. Eodem modo cum nocte agendum: subducta enim diei quantitate ex horis 24, relinquitur noctis quantitas. quod tempus rursus in 12. æquas partes distribue: habebis eo modo quantitatem vnius horæ inæqualis. Vel habita diei hora inæquali, eam ex duarum æqualium quantitate aufer, restabitque horæ inæqualis nocturnæ quantitas. Cuius ratio in promptu est: quanto nanque diurna inæqualis hora, æquali maior, tanto nocturna inæqualis, æquali minor euadit. sic vt illius excessus, huius defectus habeatur: & contra vnius defectus alterius excessui vicissim respondeat. Demum tempus ab occasu Solis elapsum, per eam horæ quantitatem diuide, exhibit hora quæsita. In his autem partitionibus vtile fuerit, horas quantitatis diurnæ, ad minuta reducere: quod multiplicatione sexagenaria fieri (vt fragmentis vsuuenit astronomicis, quæ physica vocant) etiam cuius notum est. His verò horis singulis, dominatores singulos Planetarum septem, veteres attribuerunt. Atque hinc orta sunt dierum nomina ab ethnicis, primum Babylonii instituta: nam apud Latinos, veteres inquam, vix reperias. Si enim à Luna auspiciatus die Lunæ, & Planetarum singulis, horarum 24. singulas deris,

deris tum vigesima quinta, quæ sequentis diei prima est, Marti attribuenda venit. Hinc fit ut dierum nomina interrupta sint: non enim Lunæ diē, Saturni sequitur, sed Martis: hunc non Solis nec Veneris, sed Mercurij dies: atque ita deinceps. Facile igitur fuerit cuius, habita hora inæquali, eius dominatorem reperire. Prima enim hora semper Planetæ cedit, à quo dies nomen habet: dein per ordinem Planetarum inceditur, à superioribus ad inferiores: ab his rursus redeundo ad illos, donec completæ sint horæ 24. Hæc tametsi difficultatis nihil habeant, rudioribus nihilominus exemplum apponere libet. Sol igitur inferius hemisphærium relinquens, hora plene quarta oriatur sitque die Ioui sacro nona: scire cupio quota inæqualis hora sit, quisque Planetarum ei præsit. Quare horas subduco 4 ex 12, & horis octo residuis per duo multiplicatis, diei quantitatem 16 horarum produco: quæ per 60 multiplicatæ, scrupula 960 constituunt: quibus per 12 distributis, diuisorius numerus 80 scrupulorum se offert, horæ inæqualis diurnæ quantitas: per quam horas quinque ab ortu elapsas, ad scrupula 300 reductas partior: sicque colligo horam diei tertiam elapsam, cum minutis 60 horæ quartæ. Quapropter à Ioue descendens (cum is diei horæ primæ præfuerit, secundæ Mars, tertiæ Sol) Venerem dominatricem inuenio. Haud me latet

tamen, esse hac tempestate nonnullos, qui hæc Planetarum dominia ex signorum ascensionibus, quæ interdum supra horizontem emergunt, dimetiri malint, medietatis signorum ascensibus singulis, horas tribuendo singulas: ita fit ut non tantum diurnæ horæ nocturnis, verumetiam inuicem existant inæquales. Sed vtrā efficacior ratio sit dicere vellet, huius instituti cum minime videatur, aliorum esto iudicium, mihi sat est indicasse modum. Solent præterea alij tabulam vel aliud quippiam, ex quo Planetarum dominia sumuntur, hic apponere: sed res ipsa minus difficultatis habet, quam ut iis indigeat.

AB ORTV VEL OCCASU
Solis, quota hora sit, inuestigare. Cap. XI.



Quibusdam nationibus mos est, à Solis ortu in sequentem ortum horas supputare: nonnullis ab occasu. Vtrunque facili negotio habebitur. Si igitur quota ab ortu Solis hora sit, indagare libeat, quare per caput præcedens, quota hora Sol oriatur, nostra consuetudine seruata (supputationis nimirum exordio à nocte media vel meridie sumpto) secundo vide quota etiam hora sit, more inquam nostro: quæ si fuerit

si fuerit ante meridiem, ex ea subduc horas ortus
 solis: sin post meridiem fuerit, adde horas occasus
 Solis, emergent ab ortu Solis elapsæ horæ. Vt oria-
 tur in exemplum Sol, more nostro, quinta hora,
 horologij verò index horam decimam cum qua-
 drante indicet: ex quibus subduc horas quinque,
 restant quinque cum quadrante, horæ ab ortu So-
 lis elapsæ. Si verò idem horologij index tertiam po-
 meridianam commonstret, eam ab ortu decimam
 esse dico: cum eodem die septima Sol occidat, quo
 quinta hora supra nostrum finitorem ascendit.
 Hinc apud Persium legimus, quinta cum linea tã-
 gitur. Umbra. Huiusmodi quoque morem Iudæis
 fuisse horæ testantur, quorum nusquam non in sa-
 cris literis mentio est. Sic apud Matthæum & Matth. 27
 Marcum, Seruator noster exclamasse dicitur sex- Marc. 15
 ta hora. id est, si more loquamur nostro, duodeci-
 ma. Cui respondet, quod apud Lucam est, Tenebras Luc. 22
 esse factas à sexta in nonā horam. à quibus duo-
 decima nostra & tertia haud discrepant. Aposto- Act. 22
 lorū quoque princeps in Actis horæ tertiæ memi-
 nit: cui nostra nona ante meridiem respondet. Si-
 mili ratione si placet horas ab occasu trāsactas arte
 inuestigare: Primum quære horam occasus, secun-
 dū vsum nobis familiarem: deinde ratione ea-
 dem, quota noctis hora sit. quæ si rursus mediā no-
 ctem precedat, aufer hinc occasus horam: sin noctē

sequatur mediam, adde horam ortus solis, votis potieris. Ut demus Solem, nostro more, hora occidere septima, fitque iam decima hora cum semisse ante noctem mediam: 7. ex decem aufer. restat 3. cum semisse horæ, quas ab occasu Sol confecit. At si primam, post noctem mediam, horologij index significauerit, adde ortus horas, quæ quinque sunt. fient itaque horæ sex. Quibusdam etiam mos est, 24 horas numerare. Hi si ab occasu initium fecerint, & hora noctem mediam præcedat, occasus horam ex ea subducant: sin sequatur, ortus horas eidem adiiciant, quod in meridiem usque obseruent. Pomeridianis verò horis etiam dictas, & 12. præterea addant: ac his modis ab occasu elapsas horas semper colligent. Sin ab ortu cœperint, necdum meridies fuerit, ex elapsis horis ortus horam subducant: pomeridianis verò occasus horas coniungant, eoque modo in noctem usque mediam pergant, at post mediam noctem elapsis horis, occasus horas & 12 insuper addant: noscetur enim semper ab ortu verum elapsum tempus. Qui vero 12 tantum numerare consueuerunt, ij quidquid ultra 12 excreuerit, abiciant. Hac, quia faciliora, exemplo minus indigent. Qui etiam plura hac de re videre cupiet, usum folij populi Petri Apiani consulat.

DE SOLIS ET STELLARUM altitudine.

Cap. XII.



Altitudo Solis vel stellarum dicitur, nō ^{Solis vel}
 ut vulgus indicat, quantum videlicet ^{stellarum}
 à terræ centro distent (id nanque inter- ^{altitudo}
 uallum commodè vel distantiam, non ^{quid.}

altitudinem appellamus) sed quot circuli partibus,
 Sol vel stella versus nostrum verticem supra fini-
 torem eleuetur. Est enim ipsis astronomis circuli, ^{Altitudi-}
 per verticem & punctum (cuius altitudo quæri- ^{nis finitio.}
 tur) missi (horizonte & circulo eidem parallelo
 per dictum punctum trāseunte) interceptus arcus,
 desiderati puncti altitudo. Hæc paulatim augetur,

donec cœli fastigium sol vel stella attingat: quæ ^{Solis meri-}
 Solis eo tempore meridiana: stellæ verò maxima ^{diana alti-}
 altitudo dicitur. Hinc paulatim decrescit, donec in ^{tudo &}
 occasum Sol vel stella prolabatur. Quam in eum ^{stella ma-}
 qui sequitur modum, nostro annulo addisces facile. ^{xima quæ.}

Eo complicato, cura (modò fieri queat) ut partium
 latitudinis termino, parti inquam nonagesimæ, an-
 sule medium affigatur: quo absoluto, dioptrarum
 altera Soli obiciatur: eaque sensim, annulum in-
 timum circunducendo, attollatur, deprimatur ve,
 donec vtriusque foramen Solaris radius transeat.
 Hinc notentur partes quas pinnacidium indicat:
 eæ namque Solis altitudinem ostendunt. Vel, si an-

sulam remouere haud libeat, eiusdem medietate & pinnacidio conclusæ partes supputentur: quæ ex 90 subductæ, quantum dato momento finientem Sol attollatur, relinquunt. Noctū quoque si stellarum altitudines capere animus sit, haud secus agito: verum has per tabellarū latera, quòd radios non proiciant, cōspicias necesse est: alioquin idem inuestigandi modus. Quod si ei quem diximus loco, ansula commodè affigi nequeat, filum alliges licet, ansula, ne tunc suo pondere errorem operationibus inducat, ablata.

SOLIS ET STELLARVM

altitudines cœlo nubilo ac quolibet tempore inquirere.

Cap. XIII.

D*Vabus de causis accidit, Solis, Lunæ & stellarum præcedenti modo altitudines haberi nequaquam posse: vna, quòd cœlum nubilum sit, ac ob id conspici nequeant: altera, si alio quàm nunc fluente tempore, alicuius altitudinem videre desideres. Quare modum addere haud inutile visum fuit, quo omni diei hora, quantum Sol quolibet etiam tempore eleuetur, minimo negotio addiscere queas modò diei hora & Solis loco haud destituaris. Quibus cognitis (cōmoditatis gratia*

gratia ad Solis locum pinnacidiorum altero ducto) mobilis meridianus sic cōstituatur, vt eiusdem horaria linea, oblatam horam in æquatore notet, nec ab eadem dimoueat: hinc circinum accipiens, pūcto, in meridiani mobilis exterioris superficiei medio, è regione Solis gradus locato, alterius cruris acie imposita ac inibi hærente, diligenter cures, vt latitudinis terminum vel situs tui Zenith, alterum circini crus sua extremitate attingat, quem minime varians in æquatorem transferas: tēpora namque vel partes cruribus interceptas si ex 90 subduxeris, Solis altitudinem dato momento relinqui necesse est. Si verò quàm altè supra finitorē, stella oblato quouis tempore ascenderit, nouisse cupias: ad eius declinationē pinnacidium alterum perducito, & meridiani mobilis horaria linea, stellæ horam oblato tēpore indicante, vt prius, circini crura situs Zenith & stellæ declinationi exquisitè accommodans, altitudinis complementum nactus es. quo rursus ex partibus 90 ablato, stellæ altitudinem residuum ostendet. Quota verò, Solis cognita hora, eadem stellæ hora sit inuestigare, nihil difficultatis habet: si eorum, quæ quinto capite de nocturnis diximus, memineris: quo loco, vndecimam horam Capella indicante, veram Solis horam, nocturnam videlicet nonam cum scrupulis 45 offendimus, idque accidere Decembris Idibus post Solis interi-

tum. Sed nunc iuuat, lucidioris exempli gratia, Decembris Idibus hora noctis nona cum scrupulis 45. quantum supra finitorem nostrum Capella ascenderit, ratione dicta colligere. Quare pinnacidiorum alterum Capellæ declinationi adduco, & mobilem meridianum constituo, ut eiusdem horaria linea 45 scrupula decimæ horæ notet. quibus sic manentibus, puncto declinationis stellæ & latitudinis termino utrunque circini crux appono: quem ita distentum in equatorem transsero, cuiusque cruribus tempora seu partes 10. quasi intercipi video. quibus ex 90. subductis, ipsam stellam eo tempore partibus 80. quasi in nostro hemisphærio eleuatam fuisse concludo.

CVIVSLIBET GRADVS
eclipticæ declinationem
supputare.
Cap. XIII.



Commodissimum est nonnunquam partium eclipticæ & stellarum declinationes tenere: his enim cognitis, locorum latitudines, Solis vel stellæ altitudine maxima (quam meridianam vocant) etiam accepta, minimo negotio (ut secundo ab hoc capite ostendemus) inueniri possunt. Fateor equidem ex

tabulis, declinationes supputari plenius posse: sed quid si tabulæ ut plerunque vsuuenit, in promptu haud sint, & annulus haud desit? profecto cuiusvis eclipticæ partis declinationem addiscere perfacile erit. Sed eam *Matheſeos tyronibus*, in quorum gratiam has nostras lucubrationunculas potissimum in lucem dedimus, prius definiendam censeo. Ea est, arcus circuli utrunque mundi poli & declinantem partem transcuntis, qui æquatore & circulo eidem parallelo, per dictam partem misso, includitur. Eclipticæ nanque graduum & stellarum declinationes à locorum latitudinibus minime differunt. Si igitur quantum aliquis Zodiaci gradus declinet, nouisse desideres, alterum pinnacidium eidem meridiani mobilis laterali superficie inſculpto, quàm exactiſſime admoвето: oppositum nanque, in eadem meridiani superficie, declinationem quantam dictus gradus sortiatur, patefaciet. Ut detur in exemplum, duodenigesimi Arietis gradus inuestiganda declinatio, ei altero pinnacidiorum adducto, video alterum quasi partes notare 7, veram dicti gradus ad arctos declinationem. Ne tamen aliqua in re studiosis defuisse videremur, declinationum tabulam adiicere operæpretiū duximus, quantum declinationis Zodiaci quilibet gradus sortiatur ostēdente, eiusdē nonagesimo gradu (ab æquatore factō supputationis initio) par-

Declinatio
nis finitio.

tes 23 scrupula 28, declinate, cum differentiis adijciendis, si quidem dictus signiferi gradus partes 23 cum scrupulis 52 declinarit: ex qua Arithmetices studiosus, ad quavis maximam Solis declinationem (diuersis temporum intervalis variam) cuiuslibet gradus signiferi declinationem facile supputabit.

Tabula

P. BEAUSARDI ANNVLII
ALIQVOT STELLARVM
declinationes inuenire.

Cap. XV.



Tellarum quoque declinationes, quarum nomina annulo insculpta sunt, nec difficiliore negotio haberi possunt: si namque ut precedenti capite, pinnacidiorum alterum stellæ nomini, in meridiani mobilis exteriori superficie scalpto, admoueris, idē vel oppositū, quæsitam stellæ declinationem patefaciet. Ut Hirco primæ magnitudinis stellæ, de qua in præcedentibus, pinnacidiorum alterum si adduxero, videbo ab alterutro partium 45. borealem declinationem indicari. Sic eiusdem magnitudinis stellam, quæ in ore canis collocata fertur, omnium cælo hærentiū (quæ in nostrum conspectum veniunt) splendidissima & maxima, partes 15. cum dodrante meridiē versus declinare comperio. Sed in eorum gratiam, qui exquisitam operationem ubique amant, & quia huiusmodi instrumenta plerunque minora sunt, quàm ut in omnibus operandi modis scrupula admittat: aliquot insigniū stellarū declinationes continentem tabulam, adiicere placuit. Qui plurius cognoscere volet, hunc ad directionis tabularum secundum problema, Ioannis Regiomontani relegandū censeo, quo vir matheos peritissimus, stellarū declinationes supputandi modū luculenter ostēdit.

Aliquot

Cap. 5.
& 14.

Aliquot insignium cœlo hærentium
stellarum declinationes.

	Declinatio			Declinatio	
	part.	scr.		part.	scr.
<i>Cauda extrema vrsæ minoris, quam polarem dicunt.</i>	86	24			18
<i>Vrsæ maioris, extrema caudæ.</i>	57	0	<i>Orionis cingulum.</i>	1	45
<i>Cassiopee pectus.</i>	54	15		2	20
<i>Draconis,</i>	52	15	<i>Eiusdem sinister pes.</i>	9	16
<i>Medusæ,</i>	39	55	<i>Lucida hydre.</i>	5	0
<i>Herculis,</i>	15	26	<i>Virginis spica.</i>	9	45
<i>Ophiuchi,</i>	13	10	<i>Lancæ septentrionalis.</i>	7	40
<i>Hircus seu Capella.</i>	45	0	<i>Lancæ meridionalis.</i>	13	50
<i>Oloris caudæ.</i>	44	0	<i>Quæ in ore canis ma.</i>	15	47
<i>Lyra quæ & fidicula.</i>	38	40	<i>Venter cetæ.</i>	12	12
<i>Coronæ septē. lucida.</i>	28	30	<i>Fundus vasis.</i>	16	12
<i>Pegasi</i> { <i>Humerus</i> <i>Crus, (ma</i> <i>Alæ extre-</i>	13	20	<i>Sagittæ genu sinistrū.</i>	47	0
	25	30	<i>Aquarij crus.</i>	17	30
	12	45	<i>Corni dextra alæ.</i>	17	0
<i>Arcturus.</i>	22	0	<i>Scorpij aculeus.</i>	36	12
<i>Præsepe.</i>	20	30	<i>Scorpij cor.</i>	24	47
<i>Geminorū</i> { <i>Anter.</i> <i>caput.</i> { <i>Sequens.</i>	32	10	<i>Eusionis aqua. extre.</i>	33	30
	28	34		17	27
<i>Pleiadum medium.</i>	22	52	<i>Capricorni caudæ.</i>	17	55
<i>Tauri oculus.</i>	15	43	<i>Eridani extrema.</i>	40	50
<i>Leonis</i> { <i>Cor.</i> <i>Cauda.</i>	13	32			
	16	35			
<i>Quæ in Procyonis fa-</i>	6	0			
<i>more.</i>	6	20			
<i>Orionis dexter hu-</i>					
<i>merus.</i>					

P. BEAUSARDI ANNVLII
SOLIS MERIDIANA, VEL
stellarum maxima altitudine ob-
seruata, locorum latitudines
indagare. Cap. XVI.

Cap. 3.



*Olliciti initio sumus nos modum osten-
suros, quo commodius quàm eo capite
diximus, locorum latitudines inuesti-
gari possent. Id autem hucusque dis-
ferre vtile visum fuit, quòd cùm Solis & stella-
rum declinationis, tũ maximæ altitudinis (de qui-
bus his duob⁹ capitibus proximus differuimus) nul-
la fuisset habita mentio. Hoc autem (taceo astro-
nomos, quibus multorum instrumentorum vsus
nusquam esse poterit, vbi situs latitudinem igno-
rarint) quantam nautis commoditatem adferat,
proculdubio haud dicere queam: maxime cùm ad-
uersa ventorum vi marisve tempestate, vel alio
præter opinionem alioquin incòmodo, in tractum
deuecti sunt, cuius notitia, etiam omnium extre-
mo rerum periculo, carere haud possunt, quem no-
uisse tamen nequeunt latitudine ignota: cui si lon-
gitudo accedat, punctum hercule orbis quo degunt,
teneant necesse est. Sed horum ne fortassis plus sa-
tis, ad rem veniamus. Interdiu igitur situs tui la-
titudinem indagaturus, Solis meridianam altitu-
dinẽ annulo accurratè obserua, & loci quẽ eo die in
ecliptica.*

ecliptica tenet, ex præcedentibus declinationem accipe. Ea si borealis fuerit, ex meridiana prius inuenta Cap. 14. altitudine, subducta, æquatoris quo vagaris loco altitudinẽ relinquit: quam semper ex circuli quadrante si auferas, ostendit residuus numerus, Zenith ab æquatore in meridiano distantiam, loci inquam latitudinem. Sin contrà austrum versus Sol declinet, inuenta altitudini declinationem adiicias: collectum verò arcum si, ut prius, ex 90 partibus subducas, voti iterum compos factus es. Exemplaris discursus rem minimè obscuram illustrabit maxime. Sit quis ignoto loco, cuius ab æquatore distantiam habere desideret, idque tertio Aprilis Calendas accadat, quo Sol duodeuigesimum Arietis gradum cum semisse quasi occupat cœli fastigium attingens, cuius declinatio partium 7, scrupulorum 16 est: Solis verò meridie accuratè obseruatam altitudinem partium 46 scrupulorum 16 inueniat, ex qua declinationem partium 7, scrupulorum 16, utpote septentrionalem subducat: nec minus partes 39 residuas ex 90 auferat, latitudinem loci incognitam, quantam ferè Louanij experimur, 51 partium residuum ostendet. Hinc facile colliget studiosus lector, si nullam Sol declinationem sortiat, nimirum sub æquatore decurrens (quod nostra sæculo quarto Martij Idus, & duodeuigesimo quasi Octobris Calendas accidit) his diebus ex cir-

culi quadrante meridiana altitudine subducta, regionis latitudinē relinqui. Noctū verò si per stellas, in latitudinis cognitionem venire desideres, *Stella maxima altitudo quando.* nius altitudinem meridianam addiscas necesse est, quam stella obtinet, dum sub meridiano cōstituerit: cui meridionali declinatione adiecta, vel septentrionali adempta, & arcu, hoc aut illo modo, quem obtinuisti, ex 90 partibus iterū subducto, loci ignotam latitudinem nactus es. Si igitur stellæ neurō declinantis, maximam obseruatam altitudinem ex quadrante subducas, haud secus ac prius voto positus es. Hæc autem cū quantumuis etiam rudi dicta sufficiant, pluribus verbis declarare superfluum foret.

SOLIS LOCVM ET MENSIS diem venari.

Cap. XVII.

I Abito mensis die, Solis gradum inuestigare secundo capite ostendimus: quæ verò ratione Solis gradu inuento, quotius mensis dies sit cōtrā inueniri queat, nunc paucis expediemus. Omnibus igitur armillis complicatis, ac meridiani mobilis medietate signorum declinationes continente, Soli sub meridiano adamussim constituto, obiecta, & tabellarum al-

tera huc perduēta, annulōq; exsitus latitudine libere pendente, intimum hac illac paulatim circunducas, donec solaris radius vtriusque tabellæ foramen transeat. His accuratè absolutis, diligenter perpende quem gradum, Soli obiectum pinnacidium indicet, qui cuius signi sit (temporis anni ratione habita) quantumvis etiam quis rudis fuerit, facile discernet: atq; is est, quem eo die Sol in ecliptica tenēs meridiem efficit, cui in æquatoris interiori superficie, si diem respōdentem quæsieris, quotus cuiusque mensis sit, videbis facile. Exemplū rem minus intricatam rudioribus magis explicatam reddet. Solis igitur, ignota die sub meridiano adamussim constituti, in ecliptica locum, & ex eo mēsis dies quotus agatur, Louanij indagare libeat. Omnibus armillis cōplicitis & ansula quinquagesimæ primæ latitudinis parti affixa, alteroque pinnacidio (Solis gradibus in meridiani mobilis laterali superficie sculptis) adducto & Soli obiecto, cuiusq; radius per vtriusque tabellæ foramen diligētī cura acceptis, si dictū pinnacidium, 16 tauri gradum cum semisse indicarit, hūc verū id tēporis in Zodiaco Solis locum dixero: quo in æquinoctialis laterali superficie inuento, eidem in superficie interiori respondere video quartū Maij Calendar mēsis diem, quem etiā nosse studebam. Quod si quispiam fortassis obiiciat se nescire, quando sub meridiano Sol directō consti-

tuatur, is semel ac denuo id experiatur, donec maximam altitudinem obseruarit, maxima quandoquidem meridiana est. Nihilominus poterit quoque per meridei obseruationē idem experiiri: huius per annulum inuestigandi modum, eūmq; facilem capite vigesimo primo dabimus.

IDEM, MERIDIANA SOLIS obseruata altitudine, etiam indagare.

CAP. XVIII.



Va præcedenti capite complexi sumus, sola meridiana altitudine, annulo vel alioquin quadrante magno, obseruata, etiam obtineas licet. Ea nanque, Sole meridiem versus declinante, si ex latitudinis complemento subtrahatur, & residuo arcui tanquam declinationi australi, ex declinationum tabula tertio ab hoc capite posita (temporis anni ratione habita) signiferi respondens gradus quærat, is proculdubio est cum quo Sol eo die cœlum mediat: cui in æquatore pars adhærens, quotus ipsius mensis dies sit (vt præcedenti capite diximus) indicat. Sin contrà ab æquatore borealis Sol reperiatur, latitudinis complemento ex meridiana altitudine subducto, residuo arcui, vt pote boreali declinationi, haud secus ac prius, eclipticæ respondens gradus, eo die

die Solis est cum quo meridianum præterlabitur: quotus verò mensis dies querendus nunc sit, ex præcedentibus liquet. Latitudinis autem complementum vocamus, ex 90. partibus latitudinè subducta, arcum residuum. Vt 51. partes quasi latitudinis, quibus Louanij situs ab æquatore distidere fertur, si ex 90. subduxeris, 39. partium latitudinis complementum offendes. Exemplo, quæ dicta sunt cõpendiosius, forte cõmodius assequeris. Sit motu primæ sphæræ (quæ raptus vocant) Louanij ad meridiem Sol perductus: eius verò locum, & quo-to id mensis die contingat ignorem, vtrunque verò cognoscere iuuat. Eo ipso igitur momento Solis altitudo exquisitè obseruata, 22. partium cum triente deprehendatur: hæc verò, quòd latitudinis complemento (ibidem partium 39) minor existat, Solis australem declinationem arguit. Altitudine igitur ex latitudinis complemento subducta, residuum partium 16. cum besse, ex præcedenti declinationum tabula Scorpij 16. vel Aquarij 14. in meridiem tantundem declinare ostendit: verum vtrius signi gradus sumendus sit, ipsius anni tempus indicat. Nunc igitur Solis locum nactus, Scorpij decimum sextum exempli causa, cum eodem ad æquatoris lateralem superficiem me conferens, quartum Nouembris Calendas quasi comperio, notum quo hæc expertus

sum mensis diem. Poteris etiam si libeat, Sole meridie versus declinante, altitudinem cum latitudine ex partibus 90. subducere: vel ad arctos declinante, 90. partes ex altitudine cum latitudine auferre. Verum Vtro opereris modo, semper eundem declinationis arcum offendes.

IDEM QVAVIS DIEI hora inquirere. Cap. XIX.



Utplici via Solis locum, & ex eo mensis diem indagare, proximus duobus capitulis ostendimus. Sed quod Vtrūque modum diei statim tempore, meridiē videlicet, fieri oporteat, ob id habere incommoditatis quid illa videri possent, modum addere placuit, quo diei quavis hora eadem obtinere etiam queas. Hæc exploraturus, horam plenè & sine omni errore teneas oportet. Quare eam, quam solare horoscopium, potius quàm alterius horologij index ostendat, accepisse præstiterit. Hac cognita, eodem momento ad Solis declinationes altero pinnacidio ducto, omnibus etiam explicatis armillis, annulūque ex situs latitudine liberè pendente, & meridiani mobilis horaria linea cognitam horam perfectè indicante, ac prorsus ibidem hærente, pinnacidioque dicto Soli obiecto, idem, annulum intimum gradatim circumgi-

cum girando, eleuato deprimitōne, quousque solaris radius vtriusque tabellæ foramen transeat. quibus absolutis, dictum pinnacidium, quem eo die Sol in Zodiaco gradum describat, perfecte ostendet: qui cum signis duobus inseruiat, vtri attribuendus sit, ipsum anni tempus insinuat. Nunc igitur Solis gradum nactus, si mensis diem ignoraueris, eum in æquatoris interiori superficie, vtsæpe monuimus, offendes. Atqui præcedentium si memineris, quod operandi ratio obscuritatis nihil habitura sit, breuitati consulentes exemplum etiam studio omisimus: id tantum adiicientes, quod duodecimesimi Aprilis diei vndecima hora id explorare Louanij quis conatus, decimum septimum tauri gradum Solem describere experietur.

SOLIS, ETIAM MINIME

conspicui, meridianam altitudi-

nem quolibet tempore obti-

nere. Cap. XX.



It interdum vt cælo nubilo, Solis altitudo meridiæ capi haud cōmode possit: vel quod alia quàm duodecima hora, eiusdem meridianæ altitudo vsui

futura sit. Sed horum Vtrum accadat, annulo eam addisces facile. Solus igitur meridiæ eiusdem diei quam habet ex præcedentibus declinationem accipe: qua, modo australis reperiatur, ex situs tui latitudinis complemento subducta, meridianam altitudinem quæ sit diei relinquit: sin contrà ad arctos Sol declinarit, latitudinis complemento declinatione adiecta, simili ratione qua prius, quàm alte in eadem latitudine, Sol meridiæ eiusdem diei supra finientem eleuetur, quod colligitur insinuat. Hæc tametsi pauci dicta, etiam difficultate omni careant, studiosis exemplum nihilominus apponere libet. Louanij igitur quinto Calendas Iunias, qua altitudine supra finientem Sol meridiæ attollatur, inuestigaturus, per caput secundum eius locum inuentum geminorum decimum sextum, ad arctos 22. part. cum 45. scrup. quasi ex decimoquarto capite declinare reperio: quibus latitudinis complemento partium 39. adiecto, arcum 61. part. cum dodrante colligo, quibus in nostro hemisphærio eius diei meridiæ Sol sese attollit. Stellarum quoque Annullo insculptarum, idem maximas inquirendi altitudines modus est. Si nanque declinantium, boreales annulo inuentas declinationes latitudinis tuæ complemento adiicias, vel eidem meridionales adimas: qui se hoc aut illo modo arcus offeret, sub tuo meridiano stellæ elevationem ostendet.

det. Stellarum verò neutrò declinantium maximæ altitudines, latitudinis complementum æquant. Haud minus Sol si quando meridie sub æquatore decurrat, latitudinē complet. quanta igitur id temporis eius altitudo habeatur, ex 90. partibus situs latitudine subtracta, residuum indicat.

MERIDIANAM LINEAM plano inscribere. Cap. XXI.



Hec res pluribus Astronomicis negotiis magnam cōmoditatē adfert, cuius ubiq; varij extant modi. Verū quia nonnullos meridie (cuius difficilis observatio) molestos: alios, statis diei temporibus, incommodos: tertios, qui acus adminiculo magnete tactæ observātur (ob variam in diuersis tractibus à Septentrione, acus declinationem) incertos esse: quartos, longos, ac propterea tedium studiosis adferre, haud ignoro: modum addere placuit facilem, commodum, certum ac breuem, quo interdum quilibet etiā hora, id expedire in eum qui sequitur modum, nullo fere negotio queas. Altero pinnacidio ad Solis locum accurate perdueto, & armillis explicatis, meridianóq; mobili sic collocato, ut dictū pinnacidium eam mundi plagam respiciat, quam dato tempore Sol occupat: & instrumento secundū

situs ab aequatore distantiam, è re quapiam liberè pendente : versatilem meridianum eleuato deprimitóve, quousque solaris radius tabellarum foramina transeat. Hinc annulo immoto permanente, per lateralem meridiani (cui ansula affigitur) planam superficiem, quasi monophthalmus punctum in pariete, vel alioquin opposita superficie, visu notato. Quibus absolutis, ad oppositam annuli partem te conferens, per meridiani eandem superficiem, punctum priori oppositum oculo obseruato : à quo (annulo, ne impedimento nunc sit, semoto) ad prius notatum punctum filum tenuissimum extendito. Huius ductum imitatus, si in plana aliqua superficie lineam duxeris, meridianam procul dubio etiam ratione nactus es : ex qua rectissimè seu ad perpendicularum, erecti stili umbra siquando ei coincadat, sub meridianò Solem constitui arguit, quod ingentem lucem quibusdam præcedentibus capitibus adfert. Sed studiosum hic admonitum velim, nusquam quàm in cubiculo se commodiùs hæc experturum sciat, Solis radius per fenestram admissis.

QVO

QVO HORIZONTIS PVN-
cto, Sol vel stella quolibet die
oriatur & occidat.

Cap. XXII.



*T*ellae semper eodem finitoris puncto
emergere ac demergi, situs latitudine
non mutata, dubium opinor esse nemi-
ni. Solem verò ortus & interitus
punctum (quod eorundem Zenith nonnulli ap-
pellant) etiam latitudine eadem seruata, quotidie
diuersum sortiri, tantundem arbitror. Quò enim
borealis polus altiùs extollitur, eò ad arctos Sol de-
clinans, à finientis & æquatoris sectione remotior
ascendit descenditque Septentrioni vicinior. Simi-
liratione, australem declinationem nactus, emer-
gens, seque demergens, ab eadem intersecciónē
ad Austrum accedit propius. Contrà quantò ar-
cticus polus fit depressior, tantò hi ortus & occa-
sus minus variant. De altero polorum idem cen-
sendum relinquimus. atque hæc omnia, sphaera ocu-
lis obiecta, cernuntur cōmodius. Qua de re tripli-
cem ortum & occasum plerique Veterum meritò
distinxere: Aequinoctialem, quem verum etiam
dicunt, quo Sol oritur occiditque Arietem vel Li-
bram ingressus: qui eodem finitoris puncto inter po-
lum vtrunque mediò, in quouis tractu orbis con-

tingit: Aestiuum, quem Cancrī principium tenens efficit: qui & solstitialis appellatur, quod veri solstitij tempore accadat: Hybernū, quo oritur occiditque Capricorni tropicum describens: quem & brumalem semper veteribus dictum reperiās, quod media bruma contingat tametsi eundem neotericorum quidam etiam solstialem saepenumero vocent. His recte intellectis, si quantum à vero seu æquinoctiali ortu Septentrionem vel Austrum versus, Sol in finiente constitutus recedat, addiscere cupias, sic agito. Plano alicui, quod horizonti parallelum sit, vel ad libellam, (ut vocant) constituto, in quo meridiana linea ducta sit, complicatum annulum sic superponito, ut uterque mobilis meridiani polus, dictæ lineæ adamussim respondeat, nec ab eadem remoueat: omnibusque obstaculis remotis (loco enim aprico fiat necesse est) pinnacidia horsum & illorsum paulatim circumducas, polis meridianaë lineæ semper respondentibus, donec tabellarum foramina Solis radius transeat, aut per earum latera Solem ipse conspicias: sic enim in laterali meridiani mobilis superficie, quantum ab æquinoctiali ortu, Sol emergens eo die distantiam sortiatur, pinnacidiorum alterum ostendet, quam ortus amplitudinem nonnulli vocant, à parte annuli ortui respondente factō supputationis initio. Quod si quā latè à vero occasu sese demergat,

gat, nosse desideres: eo sub horizonta descendente, quæ diximus serues oportet. Verum ita res habet, ut quod horizontis partibus, emergens ab ortu æquinoctiali distiterit: totidem ab occasu verò (minimo discrimine dempto) versus eandem plagam, eodem die sese demergens cõspiciatur. Quod si contingat, Solis radios dioptrarum foramina haud penetrare, neque per earundem latera te conspiciere ipsum commode posse, signum notato quod absit longius, ac inter te & emergentem Solem constitutum, quod eius vice fungens rimeris licet. Nec dissimili ratione, stellarum ortus & interitus puncta, in finitore observabis: quod in constellationibus dignoscendis haud parum emolumentum adfert. Locorum etiam distantie in regionibus describendis, ex edito loco sic observari possent, ut facile colligeret, qui Gemmæ libellum ea de re viderit, quem Cosmographiæ Petri Apiani adiiciendum curavit. Sed cum hæc, quovis circulo (ut solet) in 360. partes distributo, cum volubili indice & tabellis duabus, omnia obtinere queas, nolumus hic æquo prolixiores esse: verum brevitatis causa, studiosis ingenius multa & varia, cum excogitata tum inuestiganda relinquimus.

Finis prioris partis.

d ij

ARGVMENTVM POSTE-
RIORIS PARTIS, AVTHORE
Francisco Hymanno Gan-
denſi, P L.

HIC variis altis pergit rationibus arces
Metiri: traditq; modos, vt ſiue per vmbraſ,
Seu numeris, vmbra de ſtyli aut gnomonis idipſum
Aut facta ſtatione vna tentaueris, vſus
Succedat, ſumptumque probet res nota laborem.
Quin & inaccessæ ſi res per flumina, foſſas,
Aut valles fuerint: poteris ſtationibus illas
Per numeros ductis metiri. idemque doceris
Et ſine præſidio numerorum. ſcilicet artem
Omnibus indoctis iſtam traditque peritis.
Tunc ab inaccessu ſi forte cacumine quæras
Quot ſpaciis abſis, verumque in monte ſitarum
Certa interſtitia & verus cognoscere fines,
Distantesque ſuis ſpaciis includere terras,
Atque profundarum menſuras diſcere aquarum,
Poſteriore iſthæc te ſingula parte libellus
Aureus inſigni & facili ratione docebit.

Poſterioris partis Capita.

- Altitudinum per vmbraſ dimenſio. Cap. I.
Idem calculorum ratione addiſcere. Cap. II.
Stili ſeu gnomonis vmbra idem inueſtigare. Cap.
III.

Vnica facta statione altitudinē dimetiri. Ca. II II.

De inaccessarum rerū altitudine capienda. Ca. V.

Sine calculorum ratione idem obtinere. Cap. V I.

Quantum altitudine inaccessa absis, dimetiri.

Cap. V I I.

Rerum edito loco sitarum longitudines inuestigare.

Cap. V I I I.

Idem faciliiori modo obtinere.

Cap. I X.

De distantiarum mensuratione.

Cap. X.

Profunditatum dimensio.

Cap. X I.




Rius Verò quàm dimensiones Geometricas aggrediamur, altius quædam esse repetenda duximus, cum ut operationes ipsæ firmitus hæreant, tum ne praxeos rationem prorsus ignoremus: hanc enim tenentes, non solum commodius, quin etiam omnes qui deinceps sequentur dimensionum modos, certius longè expediemus. Quis enim mortalium, obsecro, ingenio vsque adeo Dædalico est, qui alicuius praxeos gnarus, quod instituit commodius perfecturus non sit, praxi si ratio vel demonstratio accedat? quæ profecto si vsquam, procul dubio in Matheos disciplinis maxime Geometria est. sed ad rem. Quantitatem esse qua res aliqua quanta dicitur, Aristoteles definit. Hanc bipartitam esse, dubium nemini: intermissam vel discretā

GEOMETRICAE

*Vnam, continuam alteram. Hæc verò (illa quòd
 instituto minimè seruiat missa) tres complectitur,
 tempore excepto, dimensionum species. Præter tem-
 pus enim continuum quicquid dicitur, longum, la-
 tum, aut profundum, linea, superficies, aut corpus
 sit oportet. quorum hoc, longitudine, latitudine &
 profunditate constans, superficiebus conclusum,
 quantum sit, Stereometria edocet: superficies longa
 & lata, lineis terminata, quàm sit capax inuesti-
 gandi viam, Planimetria ostendit: linea tandem
 omnis dimensionis præter longitudinẽ expers pun-
 ctis finita, sursum deorsum ve aut in plano ducta,
 quàm sit longa, Altimetria demonstrat. Hæcque
 est ea Geometriæ pars, de qua in sequentibus ad
 finem vsque dicturi sumus: quæ quàm res alta,
 profunda aut lata sit, quantò ve intervallo distet,
 noto mensuræ genere aliquoties sumpto indicat.
 Atque in hunc usum veteres, maxime Aegyptij,
 ob Nili exundationem limites confundentem Geo-
 metriæ studiosissimi, varia instrumenta excogita-
 runt: quorum vnum quadratum est, quod geome-
 tricum vocant, instrumentum quatuor regulis æ-
 qualibus constans, quæ costæ appellantur, ad rectos
 angulos compositis, cum volubili indice, cuius duo
 latera concurrentia, in duodenas partes æquas pri-
 maria diuisione distributa sunt: quæ denuo in alias
 particulas (prout instrumenti capacitas fert) plures
 vel pau-*

vel pauciores dissectæ sunt: quib⁹ nostri annuli in-
 æquales partes, laterali meridiani vel æquatoris sibi
 perficiei insculptæ, prorsus respōdent, ac eundem cū
 illis vsū obtinent. Quod enim in æquales, minimè
 mirum, cū rectæ in circulo subtrāse lineæ partes
 æquales, in peripheriam traductæ sint, semidiame-
 tris per easdē partes ductus id significātib⁹: vt cui-
 us inspicienti notū esse poterit, si per eas quæ sunt in
 altera Astrolabij facie (quā dorsum vocant) scalæ
 inquā Geometricæ partes (sic enim eas appellant)
 lineas à cētro ad limbum imagnetur ductas. No-
 tabūtur siquidem in ambitu partes, quæ nostri an-
 nuli partibus prorsus congruent: quarum alteræ, à
 similitudine quam cū erectarū rerum vmbreis ser-
 uant, haud secus atque illæ, vmbre rectæ: alteræ,
 quod versarum rerum vmbreis respondeant, versæ
 vmbre partes dicentur. Huius recte intellectus, vnius
 operationis demonstrationem adiiciamus, ex qua
 Geometriæ studiosus, cæteros qui deinceps sequētur
 dimētionū modos, demonstrabit facile: cū in omnibus
 eadē quodāmodo sit demonstrandi ratio, quod vbiq;
 orthogonij trianguli sese offerāt. Sit igitur, domus,
 turris, aut edificij capieda altitudo e f: et accurata
 monophthalma inspectione (vt sequētib⁹ capitibus
 præcipiem⁹) per tabellarū latera altitudinis fastigio
 obseruato, pinnacidū rectæ vmbre partes 4 notet,
 dico altitudinē e f triplā habere rationē ad iterual-



lum $c d$: adeo si
hoc pedes 30 cō
tineat, turris pe
dibus 90 alta
esse dicatur,
quod sequenti
ratione demō-
strari poterit.
Triangulus nā-
que $d e f$ ortho
goni⁹ est, quod
ædificia hori-
zontis plano
ædificiorū in-
sistant. quare
rectus est qui
adest e angu-
lus, cui per
structurā æ-
qualis est $a b c$
scalæ angulus
(lucidioris enī
demōstratio-
nis gratia hic
scalæ latera
duximus) &
quia per hypo-
thesim $a b$ sca-
le latus, sem-

per parallelum altitudini $e f$ esse oportet, visus radius in rectum productus, donec plano in puncto d concurrat, parallelis lineis nimirum $a b$ & $f e$ incidens, constituet $d f e$ angulum per 29 primi elementorū Euclidis, angulo $c a b$ prorsus aequalem. Verū quia attestante 32 eiusdem, tres angulos cuiusvis trianguli duos rectos aequare necesse est, sequitur tertium $e d f$, per tertiam animi conceptionem, reliquo $a c b$ angulo prorsus cōgruere. Triangulum igitur $d e f$, equiangulum $a b c$ esse, necessariò cōcluditur. Atqui triangulorum equiangulorum angulos aequales continentia latera, analogā seu proportionalia esse, quarta propositione sexti Euclides ait. Quā igitur ratione se habet $a b$, per operationis hypothesim, partium 12, ad $b c$, operatione absoluta partium 4: eandem seruat $e f$ altitudo, ad intervallum $e d$, triplam nimirū quod demonstrandum suscepimus. Quare vt prius, si pedes 30 intervallum capiat, altitudinem 90 continere ratio postulat.

GEOMETRICAE
ALTITVDINVM PER VM-
bras dimensio.

Caput primum.



*N*unc fausto sydere prædictarum par-
cium vsum explicemus. quibus aliquid
dimensurus, fige ansulam vt eiusdẽ me-
dium, circuli quadrante à partiũ um-
bræ versæ initio, & semiperipheriã à partium re-
ctæ umbræ principio, suis cochleis vel quouis mo-
do hæreat. Idque in omnibus dimensionibus per-
petuum

petuum esto, cum ob cōmoditatem tum operationis certitudinem. nam filo hic vii, quo annulus suspendatur, præterquam quòd incōmodum ac molestum, etiam suo periculo minime caret. Radiante igitur Sole, si v̄mbrarū ratione dimetiri rerum altitudines placeat, altera dioptra ad scalæ partes perducta, annulum, cōplicatum è manu vel re quapiam suspēdito, altera solari radio obiecta: hinc intimum annulum, pinnacidium attollendo deprimendò re, huc illuc paulatim circumducas, quousque Solis radius, per tabellæ foramen missus, oppositum transeat. His absolutis, si pinnacidium alterum è duodecimæ partis regione inueniatur, tunc omnium rerum v̄mbræ suis rebus æquales sunt. qua de re, si cuiuspiam nota fuerit v̄mbra facile in altitudinis notitiam deueniet, quādoquidem pares: idque perpetuò fit cūm Solis altitudo 45 partium deprehenditur. Quòd si paritè duodecimam pinnacidii non indicet, verūm aliquā rectæ v̄mbræ partem (quod accidit Sole altius 45 partibus eleuato) eo tēpore rei altitudo suam v̄mbrā excedit, atque ipsam ea ratione, qua 12 omnes scalæ partes, notatam à pinnacidio partē superant. Si igitur primam indicet, v̄mbram duodecies accipies: si secundam, v̄mbra sexies accepta altitudinem æquat: sin tertiam v̄mbra quartæ altitudinis pars est: quòd si quartā notauerit scalæ partem, v̄mbram ter accipiens alti-

tudinem obtines. si quintā, ut altitudo innotescat,
 umbram bis & eiusdem duas quintas accipies: si
 sextam indicet, umbra altitudinis dimidium est:
 si verò septimam, umbra cum quinque septimis al-
 titudini equalis est: si autem octauam ostenderit
 partem, altitudo ad umbram sesquialteram ratio-
 nem obtinet, quare eam semel cum dimidia parte
 sumes: si nonam, umbra tertia sui parte altitudine
 minor est, quare eam semel cum tertia parte acci-
 piens altitudinem colliges: si decimam notari vi-
 deas, umbra cum quinta sui parte altitudini par
 est: si tandem undecimam, quia altitudinis ad um-
 bram tunc sesquiundecima ratio est, hanc & eius-
 dem undecimam partem sumens, altitudinem quo-
 que produces. hucusque de rectis partibus. Verum
 si per utriusque dioptræ foramen Solus radiis missus,
 partes versæ umbræ pinnacidium ostendat (quod
 fit quandocunque 45 partibus minus supra finien-
 tem Sol attollitur) indicio est, cuiusvis rei umbram
 tantò id temporis ipsa altitudine longiorem esse, quã-
 tò pauciores partes pinnula notauerit. Quoties enim
 pars tunc notata duodenario includitur, toties alti-
 tudinem umbra continet: adeo si pinnacidium v-
 nam versæ umbræ partem ostenderit, duodecuplā
 rationem ad altitudinem eiusdem umbra habeat.
 duodecima igitur umbræ parte inuenta, altitudinē
 reperiisti: si duas, umbræ sexta pars altitudinem
 æquat:

æquat: si tres, quarta: si quatuor, tertia: sic cum cæteris partibus ratione agendum. Præterea quam interdiu Sole radiante, corporū altitudines ad Vmbrarum longitudes rationem seruant, eandem quoque noctu lucente luna obtinent. Poteris igitur noctu lunæ per tabellarum latera altitudine obseruata, etiam eadem ratione idem absoluere.

IDEM CALCVLORVM ratione addiscere.

Cap. II.



*Q*uod si Arithmetices haud ignarus, regulæ proportionum adminiculo id absoluere malis, pinnacidio rectas partes ostendente, duc Vmbræ longitudinem, quouis mensuræ noto genere acceptam in 12: per partes verò quas pinnacidium, indicat, productum partire: numerus diuisorius desideratam altitudinem ostendit. Ut, demus absoluta operatione rectas partes notari 5, Vmbram verò pedes continere 50: qui per 12 multiplicatis 600 producunt: quibus per 5 diuisis, offert diuisionis numerus, 120 pedum quæsitam altitudinem. Atque hæcenus de Vmbræ rectæ partibus. At si per tabellarum foramina Solis radiis admissis, partes versas obseruari contingat: Vmbræ quantita-

GEOMETRICEA


te per notatas partes multiplicata, & producto per
 12 distributo, lōgitudinem desideratam productus
 numerus ostendet. Exemplum ne mittamus, quod
 sequitur esto. Turris aut ædificij cuiuspiam Umbra
 300 pedum sit: Sole Vtriusque dioptræ foramen
 transeunte, partes Umbrae versæ 4 obseruentur: per
 quas pedum 300 Umbra multiplicata, 1200 pro-
 ducuntur: quibus per 12 diuisis, 100 pedum ædifi-
 cij altitudo colligitur. Sed neminem latere arbitror;
 quòd planum cui Umbra superiacet, rectum cum
 altitudine angulum constituere oporteat: & si pe-
 dibus dimetiri cupias, æquale sit necesse est, aut fu-
 niculi ministerio id perficiendum. quod in sequen-
 tibus quoque perpetuo obseruari volumus: alio-
 quin operandi modo erroris aliquid hinc
 irrepere posset. atque hæc omnia
 studiosis ingenius corrigèn-
 da reliquamus.

STILI :

STILI SEV GNOMONIS

vmbra idem inuestigare.

Cap. III.



EX præcedenti capite satis perspicuum esse arbitror, nunquam vmbra equari rebus, nisi ad 45 partem altitudinis Sol ascenderit. quare si paucioribus eleuetur, vmbra rebus longiores esse: sin pluribus, breuiores. Vt enim Solis altitudo paulatim augeatur, sic vicissim decrescunt vmbrae: contra quemadmodum eiusdem altitudo diminuitur, sic rerum vmbrae pedetætim crescere deprehenduntur (quandoquidem de rerum erectarum, haud transuersarum vmbra loquimur) Hinc fit, ut vnius augmentum, alterius decremento: & vnius decrementum, alterius augmento vicissim respondeat. Ex quo nunc colligimus, in regionibus quarum latitudinis complementum cum solis declinatione maxima, 45 partes haud superat vel aequant,

Umbras rebus nunquam pares futuras, sed quam earum altitudines sint, semper longius porrigi Umbras. Contra in quibus hæc 45 partes excedunt vel æquiparant, rebus Umbras quandoque æquales esse: atque eò sæpius, quò dictæ declinationis & complementi arcus partibus 45 maior fuerit. Hinc sequitur, iis qui sub frigidis Zonis degunt, rebus Umbras æquari vix unquam: sed quibus temperatam Zonam natura dedit, aliquo anni tempore rebus Umbras, aliquando verò minime respondere. Quo enim die solis meridiana altitudo, 45 partibus minor extiterit, nulla eius hora, ad æqualem rei altitudinem Umbra decrescere poterit: verum si partes 45 meridiana altitudo excesserit, eodè die ante & post meridiem, cum re Umbram æqualem futuram haud ambigas. Postremò sub orbita solis agentes, quòd ipsum haud procul à verticali puncto perpetuò decurrentem habeant, quolibet anni die bis sibi æquales Umbras res proiicere cõspiciunt. Sed quorsum hæc obsecro? ut nimirum Umbrarum rationes, ubicunque etiam locorum agas, commodius observes. Poterit igitur quispiam quod præcedenti capite absolvimus, baculi Umbra etiam addiscere. Si enim alicui plano horizonti parallelo, stilus (quem gnomonem dicunt) $\alpha\beta\delta\epsilon$ inferatur, & radiante sole, diligenter Umbræ longitudo notetur (hæc siquidem quam ad stilum rationem obtinet, eandem

eandem oblato tempore, & quamuis vmbra, ad suam rem habere cōcludat) quare si vmbra gnomon æquet, & quævis altitudo suæ vmbre æqualis deprehendetur: sin longior, suam vmbra eadem ratione altitudo excedet. Quòd si breuior, nec secus ad suam vmbra quælibet altitudo se habebit. Hæc cum difficilia minimè sint, exemplis meritò supersedendum duximus.

VNA FACTA STATIONE
altitudinem dimetiri. Cap. IIII.



Quod de altitudinum dimensione per vmbra-
rum rationes præcedentibus capitibus


diximus, licebit quoque monophthalma inspectione addiscere. Annulo igitur è manu vel re quapià (ut primo huius partis capite monuimus) liberè suspensò, alteròque pinnacidio parti duodecimæ eiusdem scalæ admoto, accede vel recede, quousque per tabellarum latera mensurandæ rei fastigium intuearis. Quod si tunc perpendiculo ab oculo in terram demissò, locum quo constiteris (quem stationis vocant) notaris, dein quantum à re abfueris metiaris, habes eiusdem altitudinem à pũcto altitudinis, oculo adamussim seu ad libellam, ut vocant, respondente sursum: quare si distantie tuam staturam adieceris, totam rei altitudinẽ colliges. Quod si idem observes, sextæ parti versæ umbræ pinnacidio adducto: distantie dimidium cum addita statura altitudinem rursus æquabit. Si verò sextam rectæ umbræ partem pinnacidium teneat, & antè vel retrò cedas, quousque per dioptrarum latera cacumen rei oculo occurrat: distantiam bis & staturam semel accipiens, altitudinem ut prius produces. De cæteris umbra rectæ aut versæ partibus idem censendum relinquimus. At si, quocunque constiteris loco, rei altitudinem dimetiri libeat, annulum pinnulas deferentem hac illac paulatim circumducas, quousque sæpius dicto modo altitudinis cacumen videas, notesque diligenter utros scalæ partes & quot pinnacidium indicet:

quæ

quæ si vmbre recte fuerint, distantia noto mensu-
 ræ genere accepta, & in 12 ducta, productoque
 per scalæ notatas partes distributo, quæsitam alti-
 tudinem diuisorius numerus ostendet, adiecta sta-
 tura. Quod si partes versas pinnacidium ostendat,
 his per distantiam multiplicatis, productoque per
 42 diuiso, qui se offeret numerus, si staturæ adii-
 ciatur, desideratam altitudinem ostendet. Vt de-
 mus operatione absoluta versas partes notari 8,
 mensurem verò à re pedibus 240 distitisse, hos
 in 8 ducat, nascentur 1920: quibus per 12 diui-
 sis, 160 pedum ab oculo sursum quæsitam
 altitudinem deprehendet. quod si to-
 tam altitudinem habere deside-
 ret, staturam adiiciat.
 necesse est.

GEOMETRICAE
DE INACCESSARVM
rerum altitudine capienda.

Cap. V.



IN præcedentibus omnibus dimensio-
num modis, liberum ad rem mensurā-
dam aditum geometram habere oport-
uit: quòd umbræ longitudine vel di-
stantia opus sit. Sed usu venit interdum propter
fossam fluminum, vallem vel aliud alioquin im-
pedimentum, res quarum desideramus altitudes,
inacces-

fas esse: quapropter quod hactenus una statione ob-
tinuimus, duabus nunc absolvere necessitas postulat,
idque eo qui sequitur modo. Loco igitur commodo
mensor consistens, per tabellarum latera diligenti
inspectione, altitudinis summitatem obseruet, &
pinnacidio notatas partes seruet, stationisque locum
notet: hinc, prout commodum videbitur, rectissi-
mo tramite accedat vel retrocedat, nec aliter quam
prius, cum stationis locum tum scalæ partes notet.
Quæ utroque loco inuentæ, si rectæ umbræ partes
fuerint (quod rarius accidit) minorum partium nu-
mero ex maiori subducto, si intervallum duabus
stationibus inclusum, per 12 multiplicatum, nu-
mero residuo partiatur, qui se diuisione absoluta
numerus offeret, stature si adiiciatur, quæ sitam
altitudinem ostendet. Sin versæ umbræ partes ut-
traque statione obseruatæ fuerint (quod sæpius v-
suuenit) per statione priori inuentas partes, diuidā-
tur 12, & partitionis numerus seruetur. Haud se-
cus cum posterioris stationis partibus agatur, di-
uisorio numero notato: quorum minor ex maiori
subducatur, & per duarum stationum residuum,
intercapedo distribuatur: productoque demum nu-
mero statura si adiiciatur, rei desiderata altitudo
colligetur. Discursus exemplaris huiusmodi esto.
Sit altitudinis inaccessæ cacumen per tabellarum
latera diligenter obseruatum, pinnacidio versas par-

GEOMETRICEA

tes 4 notante: per quas si 12 diuidantur, 3 notā
da veniunt. altera verò statione accedens vel rece-
dens 2 partes etiam versas mensor obseruet: per
quas 12 rursus partiatur, & ex producto diuisio-
nis numero 6 nimirum, tria prius seruata ause-
rat per residuum verò ternarium, duabus statio-
nibus 240 pedum interstitium diuidat, inueniet
80: quibus si pedum 7 fortassis staturam adii-
ciat, rei altitudinem pedum 87 colliget. Quòd si
altera stationum partes rectæ, in altera versæ oc-
currant, quia vtrobique versæ, aut rectæ vmbre
partes esse oportet, ex rectis versas partes produce-
re licebit, 144 per quasuis rectæ vmbre partes di-
uisis. Nec dissimili via versæ ad rectas reducentur.
Quare si stationum altera, rectæ vmbre 6 partes
pinnacidium notauerit, eadem 24 versis partibus
respondere deprehendentur: quibus absolutis, reli-
quo haud secus ac prædiximus perficienda sunt.

SINE CALCVLORVM

ratione idem obtinere.

Cap. VI.



Varatione, quocunque etiam constite-
ris loco, duabus stationibus absolutis,
in rerum inaccessarum altitudinis co-
gnitionem deuenire possis, modo nu-

meris id perficere libeat, proximo capite ostēdimus. Verū quia non omnes Arithmetices æque periti sumus, modum addere libuit, quo facillimè altitudines huiusmodi addiscere queas, etiam calculorum rationis prorsus ignarus. Si namque in stationum altera, duodecimam scalæ partem pinnacidio tenēte, accedens vel recedens diligenter cures, ut per tabellarum latera altitudinis fastigium videas: in altera verò, rectæ umbræ sextam partem pinnacidio indicante, idem observes duabus stationibus conclusum intervallum bis acceptum, desideratam altitudinem æquabit, statura minime neglecta: nisi à puncto altitudinis, oculo adamussim respondente, sursum dimetiri malis. Nec dissimili ratione, si in stationum una duodecimam partem semper indicante pinnacidio, alterā partes octo rectas habuerit, stationum intercapedo, quod tertiæ altitudinis parti respondeat, toties accepta altitudinem æquabit. quod si 9 huiusmodi partes notari videris, stationum intervallum quater colligens, altitudinem quoque produxeris. Contrà stationum altera, per duodecimam scalæ partē absoluta: si altera partes (versas inquam) octo ostenderit, stationum intervallum bis accipiens, altitudinem obtines. Quod si 9 huiusmodi partes altera stationum observaris: interstitium tertiæ altitudinis parti quod par sit, ter etiam colligatur ut altitudinem habeas.

*Sin verò in altera, sex partes (versas dico) pin-
nacidium notauerit : stationum intercapedinem
mensus, altitudinem reperiisti. Haud secus, cum
in stationum altera, 6 rectæ umbræ partes obser-
uatae fuerint, in altera 8, sed versas partes dioptra
notante: vel vna 4 rectas partes, altera stationū
9 versas indicāte: aut umbræ versæ 6 statione v-
na, altera 4 eiusdem partes habente: vel 4 & 3
(versis inquam) partibus, duobus locis obseruatis.
Horum 4 modorum si aliquis se offerat, stationum
semper intercapedinē, desideratæ altitudini equa-
lem te nactum esse, non est quod ambigas: quorum
rationem minimo negotio collegerit, qui in geome-
trici demonstrationibus alioquin fuerit versatus.*

QUANTVM ALTITVDINE inaccessa absis, dimetiri.

Cap. VII.



N omnibus hisce dimensionum mo-
dis, duo semper nota sunt, scalæ ni-
mirum latera, quibus si tertium ac-
cedat, quartum eruere facile erit. Ve-
rum cum dictis lateribus semper al-
titudo vel nota distantia accedat, minimo nego-
tio alterutram cognitam habens, altera ignota, in
huius notitiam deuenies: quare cum duobus præ-
cedentibus capitibus, inaccessam altitudinē dime-
tiendi


tiendi modum ostenderimus, non poterit eius latere distantia. Hanc inuestigaturus, altitudinem prius addiscas oportet, idque modorum altero quos inibi recensuimus: qua inuenta, si in distantiae cognitionem venire animus sit, tabellis aptatis ut altitudinis inaccessæ fastigium, per earundem latera diligenti monophthalma inspectione observare queas: si (ut plerunque fit) versas partes pinnacidio notari videris, his per 12 multiplicatis, productoque hinc numero per altitudinem distributo, quantum ab altitudine distiteris, partitionis numerus ostendet. Exemplum istiusmodi esto. Altitudine inaccessa quæ cubitos 120 continere prius deprehensa sit, si, quanto intervallo mensur absit, quocunque etiam loco constiterit, nosse desideret: accurata per tabellarum latera inspectione absoluta, si partes versas 5 observari contingat, 120 cubitorum prius inuentam altitudinem in 12 ducat: quæ verò hinc nascuntur 1440, per 5 pinnacidio notatas partes distribuat: ostendet dimisorius numerus 288 cubitorum intervallo, cum ab altitudine hæc exploratam abfuisse. Sin partes versas (quod rarius vsuuenit) observari contingat, his per notam altitudinem multiplicatis, natòque numero per 12 distributo, ignotam distantiam dimisorius numerus etiam dabit.

GEOMETRICAE
RERVM ÆDITO LOCO
sitaram longitudes inue-
stigare. Cap. VIII.

N haëtenus ostensis dimensionum mo-
dis, id sedulo à mensore curatum oportuit, ut huiusmodi planum deligat, quod rectum angulum cum mensuranda altitudine constituat: aut eo loco consistat, ut recta, à pedibus ad altitudinis basim, linea ducta, ad rectum cum altitudine angulum concurrat, seu una suae duabus stationibus altitudinem inuestigare studeat: quod si secus habeat, facile id sua operatione corriget peritus geometra. Sed vsuuenit interdum, huic remedium adhiberi nequaquam posse: si videlicet multo, quàm mensoris oculus, æditiori loco sit mensurandæ rei inferior terminus: quod accidit cum rerum ædito loco sitarum, ut fenestrarum, statuarum, turrium, aut ædificiorum in montium cacuminibus sitorum, longitudes addiscere desiderat. Verum quia id facile ex præcedentibus quivis collegerit, breuitati studentes, hic præter exemplarem discursum nihil adiiciemus. Sit igitur, turris in montis cacumine vel ædito loco sita cuius inuestiganda altitudo detur. Duabus stationibus vel una, modo fieri queat, turris & montis simul inuenta altitudo notetur: quæ in exemplum

plum pedes 485 contineat. hinc solius montis altitudo obseruetur: quæ 127 pedum deprehendatur, his ex 485 prius inuentis pedibus subductis. 358 pedes relinqui necesse est, quibus ipso monte turris altior esse dicitur.

QVOD PROXIMO CAPITE
diximus, facilius obtinere.
Cap. IX.



Vod binis operationibus precedenti capite inuestigare declarauimus, id singulis nos absolvere posse, nunc ostensuri

GEOMETRICAЕ

sumus, duabus tamen stationibus absolutis: nam
 unica id obtinere, fieri haud potest, quod stationum
 intercapedine opus sit. Hoc igitur expediturus, al-
 terum pinnacidium ad duodecimam scalæ partem
 perducito, ac prout res postularit, accedito recedi-
 to ve, quousque per dioptrarū latera, superior men-
 surandæ longitudinis terminus oculo occurrat: &
 stationis locum, ut quarto huius partis capite mo-
 nuimus, diligentissimè notato: à quo recta versus
 re accedito, pinnacidio à duodecima parte minime
 dimoto, donec haud secus ac prius, per tabellarum
 latera, inferiorem rei terminum conspexeris. ac ibi-
 dem stationis locum obseruato: hic interuallum
 quod duabus stationibus interiacet mensus, quæsi-
 tam longitudinem inuenisti. Tamen si verò duode-
 cimæ partis tantum hinc meminerimus, poterunt
 nihilominus cum versæ tum rectæ vmbre partes
 eundem præstare vsum. Quandoquidem si eo quo
 ostendimus modo, duabus stationibus absolutis,
 sextam versæ vmbre partem teneat pinnacidium,
 stationum intercapedo ad mensuratam altitudinē
 duplam rationem obtinet: adco si pedum 20 dicta
 intercapedo deprehendatur, quam dimensus es lon-
 gitudinem, pedum esse 10 minime ambigas. Sin
 contrà, totidem rectæ vmbre partibus in vtraque
 stationum vsum fueris: quia ad desideratam longi-
 tudinem, in subdupla ratione intercapedo est, hanc
 pedum

pedum 10 inuenies, illam 20 esse certissimo concludas. Idem quoque cæteris Vmbre Vtriusque partibus assequi licebit, semper intercapedinis ratione eadem seruata ad quasitam longitudinem, quam 12 ad versas partes obtinent: vel illius ad hanc ratione habita, in qua rectæ partes se ad 12 offerrent. Verum in prædictis partibus paulo commodior ac certior operandi modus. Id nanque vsuuenire nouimus, geometricas dimensiones commodius successuras, si duodenarij ad partes pinnacidio notatas multiplex ratio, quam superpartiens aut superparticularis occurrat: insuper & certius, quo eadem duodenarij multiplex ratio minor deprehenditur.

GEOMETRICAE
DE DISTANTIARVM
mensuratione. Cap. X.



I de altitudinibus, quæ hæcenus dicta sunt, bene ceperis, nihil est quod in distantia, aut profunditatis dimensione remorari te poterit: quandoquidem ut inibi distantia vel stationum intercapedinis, ita hic altitudinis cognitione opus est: quæ eadem perpetuò rationem ad distantiam seruat, quam 12 ad recti lateris partes, aut versæ partes ad 12 obtinent. Quare si operatione facta, ut plerunque vsuuenit,
versas

versas partes notari videris, notam altitudinem per 12 multiplicato, productum verò numerum per notatas partes distribuito: sic quaesitā distantiam absoluta partitione offendes. At si umbræ partes rectæ occurrant altitudine in partes inuentas ducta, natoque hinc numero per 12 diuiso, optatam distantiam diuisionis numerus offeret. Hæc declaratione tamen si nulla indigeant, rudioribus tamen exemplum adiicere lubuit. Sit igitur quis ædificato loco, qui altitudinis cubitos 84 habeat: quantum verò hinc domus, turris, ædificium, vel aliud quippiam absit addiscere cupiat, in eum qui sequitur modum absoluet. Altera dioptra ad scalæ partes producta, ac distantia termino obiecta, & annulo liberè pendente, eum qui pinnulas defert hac illac paulatim circunducat, donec per tabellarum latera distantie terminum visu assequatur: quibus absolutis versæ partes 7 notentur. per 84 igitur cubitorum altitudinem duodenario multiplicato, 100 nascuntur: quæ si per 7 partiatur, cubitorum 144 optatam distantiam diuisionis numerus ostendet. Qui exquisitum, certum, & elegantem distantias mensurandi modum videre cupiet, nostri Gemmæ libellum, de regionum & locorum descriptionibus consulat: qui rerum maxima intervalla, etiam absque vlllo geometrico instrumento, dimetiri ibidem docet.

GEOMET. SCALAE VSVS.
PROFVNDRITATVM
dimensio. Cap. XI.



Profunditatem appellamus, quod putei aut cisternæ orificio, & suprema aquæ superficie secundum rectam lineam continetur intervalum. In cuius dimensione obscuritatis nihil deprehendes, modo hætenus dicta de altitudinibus ac distantis capiendis, recte assequutus sis. Sicuti enim in his altitudine opus est, econtrario in illis distantia: ita hic orificij latitudinem putei aut cisternæ novisse oportet: qua in 12 ducta, natóque hinc numero (quòd rectas plerunque observari hic contingat) per observatas partes distributo, desideratam profunditatem partitionis numerus ostendet. Adeò si putei, cuius orificium pedes 8 pateat, accipienda sit profunditas, annulo orificij extremitati applicato, & profunditatis termino per dioptrarum latera observato, partes 2 notari videro: pedum 8 latitudine, per 12 multiplicata, natísque hinc 96 per 2 diuisis, quòd pedes 48 sese offerant, totidem puteum profundum certa ratione conclusero.

FINIS.

V S V S

Annuli Astronomici

GEMMA FRISIO

MATHEMATICO

Authore.



CONTENTA LIBELLI.

<i>Declaratio partium.</i>	Cap. I.
<i>De usu annuli & signi inuentione quod Sol quous die occupet.</i>	Cap. II.
<i>Eleuatio poli quomodo inueniatur.</i>	Cap. III.
<i>Horæ inuentio interdiu.</i>	Cap. IIII.
<i>An sit ante meridiem an post.</i>	Cap. V.
<i>Horæ nocturnæ inuestigatio.</i>	Cap. VI.
<i>Qua ratione horæ nocturnæ facilius inueniantur.</i>	Cap. VII.
<i>De ortu Solis & quantitate diei.</i>	Cap. VIII.
<i>De horis inæqualibus siue planetarum.</i>	Cap. IX.
<i>Quota sit hora ab ortu solis vel occasu.</i>	Cap. X.
<i>Plagas mundi quomodo inuenias.</i>	Cap. XI.
<i>De altitudine Solis & stellarum.</i>	Cap. XII.
<i>Altitudinum dimensio per vmbra.</i>	Cap. XIII.
<i>De altitudine per solum visum.</i>	Cap. XIIIII.
<i>De altitudinibus rerū inaccessibilium.</i>	Cap. XV.
<i>Facilius idem.</i>	Cap. XVI.
<i>De longitudine rerū in edito sitarū.</i>	Cap. XVII.
<i>Aliter idem & facillimè.</i>	Cap. XVIII.
<i>Distantiæ dimensio.</i>	Cap. XIX.
<i>De profunditatis mensuratione.</i>	Cap. XX.

MODIS

MODIS OMNIBVS ORNATIS-

SIMO, AC VERE NOBILI DOMINO IOANNI
 Khreutter, Sereniss. Reginae Hungariae Secretatio
 Gemma Frisius s. d.

Nter multa variâque animâtium genera, quæ
 diuersissimis ac admiratione dignis effluxit
 natura dotibus, vix inuenias vir ornatissime
 aliquod quod minus suo fungatur officio at-
 que humanû genus. Quod cum à Deo Optimo Maximo
 creatû sit perfectissimû, ratione illa diuina animi parte
 præditum, qua & ea quæ recte fiunt eligeret, sectareturque;
 & ea quæ præter officium sunt, fugeret detestareturque,
 nihil minus agit, imò quasi quadâ animi proteruitate in
 contrarium abripitur ac seducitur, vbi videmus ediuetsio-
 cætera omnia animantia suum quodq; peragere sedulo
 officium quod ipsi à natura inditû est. Ciconias grata vi-
 cissitudine Ver aduentu suo nuntiare, recessu Autumnû,
 atq; interim leges certas & quasi viuendi modum (si Pli-
 nio credimus) obseruare. Philomela statis temporibus
 dulcissimis demulcet noctis horrorem cantibus. Gallos
 tempora certis distinguit interuallis. Denique nò solum
 viuentia hæc, verum etiam cuncta quibus tamen anima
 denegata est, certa quadam lege ducuntur. Tellus suos
 fructus cum fœnore reddit, Oceanus, Luna duce, certis
 statisque temporibus tellurem ambit, atque adeò omnia
 legem sibi ab æterno præscriptam obseruant, vt hic nihil
 iam desideretur nisi solus homo. Cui & si os sublime de-
 derit, cœlûmq; tueri iusserit summus ille rerum auctor,
 solus tamen ille studio vilium rerum atque abiectarum
 detentus desidet atque cessat. Verùm de horum numero

EPISTOLA.

cum non omnes censendi veniant homines, tum verò minime tuum nomen eis adnumerandum erit. Qui inter ardua perpetuâq; Principū negotia (quod nigro Cygno rarius est) omnis tamen generis artes disciplinâsque quibus animus hominis potior pars & eruditur & exornatur, tãto studio sectaris & tueris, vt te illis penitus addixisse videri possis. Quæ sanè res me adeò in tui amorē venerationemq; pertraxit, (quæ enim nō moueret) vt iã audeam etiã tanquã pulchrum quiddam facturus cū exiguo munusculo in tuum prodire cōspectū. Quod quidē mihi neque temeritati, neq; audaciæ adscribi ab aliquo vellem, tibi verò id gratum fore nō dubito, cui quicquid ab animo rectè ac syncerè proficiscitur displicere nō potest. Quod autem ad hunc nostrum annulum attinet, vt ingenue fatear (ingenui enim est inquit Plinius fateri à quo profeceris,) meum nō est omnino inuentum illud, attamen si inuentis addere, eâq; dilarare laudi ducendū sit, in his nomē profiteor meum. Annulum enim hætenus horas tantum diei & mundi quatuor regiones exhibet, ita auximus, vt iam cum quouis instrumēto cerneret mathematico. Quicquid enim longis verborū connexibus de Quadrantibus, Clindris, Astrolabiis ab aliis passim traditur, id fetè in hūc vnicum annulū congestū est. Quem vt vidi Principe dignū esse ornamētum, neq; solū ornamentū verūm etiã vtilitatē nō iniucundā præ se ferre, nō potui cōmittere quin tibi, cui omnia suo tempore agenti hæc res vsui futura videbatur, hunc nostrum quantumcunque dedicarem laborem. tu verò pro tua in nos humanitate boni nostrā consulere reuitatē, magnitudinemq; munusculi nō ex ipso, sed ex animi nostri affectu metiri velis. Vale. Ex Louanio Calēd. Feb. 1534.



VSVS ANNULI

ASTRONOMICI, PER

Gemmam Frisium.

DECLARATIO PAR-

tium. Caput primum.



R B E S quatuor omnem
hunc nostrum vsum præ-
stant. Quorum extimus,
qui scilicet alios intra hunc
vertices amplectitur, Me-
ridiani vices præbet. Vo-
camus autem Meridia-

num circulum, qui transiens per mundi verticem
vtrunq; nostris imminet capitibus, eò quòd quum
ad illum ex ortu ascendens Sol peruenerit, mediæ
diei indicium est. In hoc affixi sunt duo interiores
orbiculi simul, in modum vnius annuli coniuncti,
atque puncta ea duo super quibus hi mouentur po-
li siue vertices à Mathematicis vocantur, alterum
quidem scilicet quod circa fili alligationem est,

f iij

*Arcticus, alterum Antarcticus. Item hic orbis
 extimus diuisus est in 4 partes. Vna harum 4 par-
 tium deinceps in 90 partes. Nisi fortassis ubi
 angustia nos impediuerit, ibi enim 45 tantum ad-
 signauimus. Sunt autem hi gradus latitudinum
 siue eleuationum poli regionum. Secundus or-
 bicular, qui cum primo vnum constituit compli-
 cato annulo aequatorem refert circulum, qui est
 circulus medijs orbis aequaliter distans ab utroque
 polorum mundi. Hic diuisus est in 24 horas aequa-
 les incipientes à meridie & media nocte. Quae ve-
 rò interiori eius lateri inscribuntur, menses sunt an-
 ni in hebdomadas diuisi. Tertijs orbis cum quarto
 ita cōiunctus est, vt simul vñ orbem efficiat, hic
 etiam in nonnullis simplex est. In interiori ergo eius
 superficie primum inscripti sunt 12 anni menses,
 per quos deferitur pinnula, cum exteriorē horū duo-
 rum stilo protrudimus. E regione mensium 12 in-
 scribuntur signa Zodiaci, per quae deferitur fora-
 men simul cum pinnula per menses. Est item vna
 quarta huius pars dissecta in 90 gradus, adscriptis
 numeris denis tantum gradibus. Ex aduerso sunt
 24 partes inaequales, dimensionibus altitudinum
 & distantiarum accommodandae. Demum in la-
 tere duae affixae sunt pinnulae ex diametro oppositae
 nocturnis horis & dimensionibus aptae. Aliqui
 verò pinnulas habent mobiles.*

44

DE VSV ANNVLII, PRIMUMQUE loci Solis inuentione. Cap. II.

Quum ergo anni horarumque dimensio omnis à Sole pendeat, tum enim annus est, cum suo cursu Sol orbem signorum percurrit: dies verò, cum ab ortu in eundem ortum remeauerit, necessaria omnino cognitio motus Solis censetur. Si igitur quouis die anni locum Solis in Zodiaco deprehendere libeat, protrude stillo quouis annulum tertium, qui intra margines quarti mouetur, donec pinnula quæ intra rimam suisque deque deuoluitur, ad mensem & diem mensis propositum quam potest exactissime collocetur, tum enim simul & foramen, quod ex aduerso est, in signo constituetur in quo Sol mouetur. Verum quum circa eadem puncta, bina inscripserimus signa, binosque menses, haud facile fuerit imperitis obseruare, Vtrum signum vtri debeat attribui mensi. Quare notandum est, signa esse duplicia, Septentrionalia & australia, æstiuæ & hyberna. Septentrionalia sunt: ♈ Aries, ♉ Taurus, ♊ Gemini, ♋ Cancer, ♌ Leo, ♍ Virgo. Atque singulis horum suis adscribitur mensis, hoc ordine, Martius, Aprilis, Maius, Iunius, Iulius, Augustus. Reliqua sunt australia signa: ♎ Libra, ♏ Scorpio, ♐ Sagittarius, ♑ Capricornus, ♒ Aquarius, ♓ Pisces. Quorum menses:

September, October, Nouëber, December, Ianuarius, Februarius. Eodem modo quo mense, quóve die Sol quódvis signum ingrediatur, perquirendum erit. Si enim foramen perduxeris vsque ad signum, de quo questio est, pinnula opposita ad mensē diēq; eiusdem (quātum concedit spaciū angustia) quo Sol tale signum ingreditur, collocabitur, obseruatis rursus mensibus (vt dictum est) suo ordine. Quibus verò pinnulae sunt mobiles, his dies mensis promouendus ad notam in margine positam: tum altera pinnularum signum indicabit & gradum. Aut contrā, pinnula promota ad signum: nota, diē mensis indicabit quo Sol tale signum ingreditur, dato cuilibet mensium suo signo.

ELEVATIONEM POLI

quomodo inuenias.

Cap. III.



Annulus hic quidem noster toti non solum Europæ, sed vniuerso orbi inferuit, obseruata tamen vniuscuiusq; regionis à medio orbe latitudine, siue elevatione poli. Sed quum hic non omnium regionum aut locorum latitudinem adscripserimus, id enim ingentis esset voluminis, vtile visum fuit artem adscribere, qua quinis eius loci in quo agit, latitudinem

dinē ipse experiatur, quæ sic habet: Permove pinnulam interioris annuli ad mēsem eiūsq; diem quāmpotes exactissimē: Deinde observa solem in meridie existentē, & suspēso annulo ad manū, pone annulum interiorē, ita ut eius linea quæ exteriorē eiusdē superficiem mediam secat, circa duodecimā horam annuli secundi collocetur: foramen verò versus eam partē exterioris sit orbis, in qua filum alligatur. Demum obiecto foramine interioris annuli, Soli, si radij per eiusdem foramē immissi pinnulam oppositam quā exactissimē aspiciant, tum demū filum ipsum quo annulum suspendis, latitudinē regionis siue poli exaltationē certa indicabit ratione. Atque ibi perpetuò quum aut horæ diei, aut mundi plagæ inuestigandæ erunt, filum alligari debet, donec in aliud Veneris Clima, aut in aliam regionem magis australem aut arctoam te contuleris. Ibi enim rursus aut ex tabella hic apposita, aut ex arte præscripta latitudo regionis inquirēda erit. Quāvis autem de meridie tantūmodo mentionē fecerimus, licet tamen & idē experiri aliis horis, siue antemeridianis, siue pomeridianis. Collocato enim interiori annulo ad horam diei propositam, ac dimissis radiis Solis per foramen in oppositam pinnulā eadem via qua prius, per filiū in certā regionis latitudinē deuenitur. Quod si prima vice (ut fit) nō omnino radij solis obiectam intueantur pinnulam, ligandum erit

filum sursum deorsum ve in annulo exteriori, sepiusque tentandum donec succedat.

Quibus verò interior annulus simplex est, hi posito ipso ad horam, eousque filum sursum deorsumve mouendū, quò radius per foramē ingressus ad locum solis recte finiatur oppositum. Et qui pinnulas habent mobiles, hi in æstate pinnulam superiorem quàm sit æquator, semper Soli obuertant: hyeme verò inferiorem. Atque hæc semel monuimus ob diuersas annulorum formulas, ac deinceps semper obseruatum volumus.

HORAE INVENTIO

interdiu. Cap. IIII.



Rimò igitur pinnula interioris annuli (vt etiam in præcedēti via docuimus) quàm potest diligentissimè ad mensem diemque anni propositū stilo permoueatur. Secundo filum ad latitudinem regionis in annulo exteriori alligetur, quam quidem aut ex tabella nostra, aut ex arte iamiam demonstrata deprehendisti. Tertiò interioris annuli pars ea in qua foramen est, ad horas antemeridianas aut pomeridianas pro temporis ratione constituatur. Demum suspenso ex manu annulo, obiectoque foramine Soli, eousque interiorem orbem aut sursum
aut

aut deorsum paulatim circumducito, donec omnino radij Solis perforamē pinnulam obiectam illustrent: hoc enim factō, linea diuidens latitudinem mediam orbis interioris, horam atque adeo partes eius indicabit in orbe quem æquatorem vocamus. Quibus verò annuli diuersi sunt, hi consulant caput præcedens.

AN SIT ANTE MERIDIEM, an post. Cap. V.



Accidit autem interdum (quanuis id hominis videatur & negligentis, & nullam vitæ rationem habetis) dubitatio, an hora inuenta præcedat meridiem an sequatur. Quod non statim ex annulo deprehendi poterit, eò quod Solis eadem sit altitudo binis in horis æqualiter à meridie distantibus, vt hora prima & vndecima, secunda & decima, &c. Huius igitur dubij discussio ita facile habebitur. Inuenta hora per præcedentem, aut in horis ante-meridianis aut pomeridianis, immotus ita conseruetur annulus ad tempus. Paulo post rursus suspensō annulo ex manu, si tum radij Solis qui prius pinnulam adamussim respiciebant, eandem superent, tempus obseruatum pomeridianum iudicā: Sin ab eadem deorsum tendant, hora est ante-

meridiana. Quauis idem illud absque annuli adiumento facile ex umbra cuiusvis rei erecta percipiatur. Quum enim illa minuitur, indicio est Solem ascendere nondumque mediam elapsam esse diem. Quum verò augetur, Solem à fastigio declinare arguit, & tempus esse pomeridianum.

HORAE NOCTVRNAE inuestigatio. Cap. VI.



Erum priusquam id expediamus, habenda est cognitio stellæ cuiusdam non erratica, quæ Solis absentis vices subeat, hanc ab Astrologo quopiam ediscat necesse est, qui alioqui ignarus est. Nam ex descriptione nuda difficilis cognitio fuerit: Attamen ne nostro defuisse videamur officio, talem eius descriptionem accipe. Stella est primæ (ut vocant) magnitudinis, hoc est, maximæ quantitatis inter fixas stellas, distans ab æquatore quasi partibus 45. Hircum authores vocant, lucida, rubicunda, nunquam se submergēs sub nostrum Finitorem: quum Sol fuerit in 11. gradu Sagittarij, quod fit septimo Calendarum Decembris, ipsa noctis hora 12. circa verticem capitis videbitur, quare si tum à stella polari, quam quiuis etiā rusticus cognouit, recta visu processeris versus meridiem, ipsa primū
visui

visui occurrit. Item, si cum Luna in Geminis constiterit, à Luna versus eandem stellam polarem visui progressus fueris, prima rursus occurret Hirci stella, quam ubi semel videris, per aliarum stellarum situm necesse est memoria commèdes. Cognita igitur stella, suspende ex manu annulum, & interiorem orbem circumduc, ut superior pinnularum quas in margine apposuimus, vel si mobiles fuerint, moue eas ad 45. gradus ab æquatore, ac circumage annulum interiorem ut eam partem æquatoris occupet quam stella ipsa occupat in cælo, scilicet orientalem, vel occidentalem, quod quidem noctu facile fuerit cognitu: nam stella polaris siue nautica septentrionem semper indicat. Demum eoque deprime vel extolle orbem interiorem, donec pendente annulo ambæ pinnulæ ad ipsam stellam ab oculo videantur tendere: quo factò, observa diligenter quam horam quantamque partem eius linea media interioris annuli indicet, quod quidem absque lumine commodè non feceris. Hæc autem hora inuenta non est hora vera, quum non ipsius stellæ sed Solis officium sit horas distinguere. Necesse erit igitur per distantiam Solis à stella horam vnā colligere, quod ita fit: In interiori ambitu orbis secundi quære mensem & diem propositum, simul enim in altera eiusdem orbis superficie horas videbis, quas subducito

ex horis prius inuentis, restabit hora vera. Quòd si horæ per stellam inuenta, minores fuerint numero, adde ipsis 12. horas atque à collecto horas apud mensis diem inuentas subducito, residuum horam veram indicabit. Exempli gratia. Demus vigesima prima Decemb. stellam nobis indicasse horam primam, quia apud diem 21. Decembris inuenio horas duas, non possum eas ab vna subducere, quare addo 12. fiunt 13. hinc aufero 2. restant 11. quæ veram indicant noctis horam. Fecimus etiam annulos cum pinnulis mobilibus, per quos ex omnibus ferè stellis licet horas cognoscere cognita declinatione ipsarum, & distantia à Sole in gradibus æquatoris, sed hanc rationem in aliud tempus seruo.

QVA RATIONE HORAE nocturnæ facilius inueniantur.

Cap. VII.



Nocte serena suspende ex manu annulum facie versa in Septentrionem, & distentis omnibus orbibus annuli, verte meridianum ipsius annuli ad stellam polarem, ita vt duo poli ipsius annuli quàm possunt rectissimè ab oculo in stellam polarem vergant. Deinde circumduc pedetentim orbem interiorem versus duas stel-

Las anteriores versæ maioris, quæ secundum vulgi appellationem sunt rotæ postremæ Plaustri. Iam verò considera, quotam horam hic orbis interior indicet: ab horis inuentis subduc (vt in cap. præcedenti) horas inuentas circa mensis diem in circulo æquinoctiali, numero horarum hic relicto adiicias aut adimas 6. horas, ita tibi vera prodibit hora noctis. Hac via facilius hora inuenitur, verum illa præcedenti paulò certius.

DE ORTV SOLIS

& quantitate diei.

Cap. VIII.



Ollocata pinnula quæ inter rimulam mouetur ad mensem eiusque diem, quo hæc perdiscere animus est, vel secundum doctrinam tertij capitis, circumage interiorem orbem eousque donec latus illud quod pinnulam eam defert, sit in latere æquatoris collocatum occidentali siue pomeridiano. Deinde supputatis hinc inde ab elevatione poli siue latitudine regionis nonagenis partibus in meridiano circulo, aut supputata eadẽ latitudine ab utroque polorum versus æquatorem, alligo filum ex oppositis per medium annulum partibus. Deinde altero oculo compresso, circumage interiorem annulum, donec simul

aspicias pinnulam in linea quam filum extentum per medium annulum describit, & per medios sulcos qui in horis sextis oppositis facti sunt, oculi accies transeat. Nam in tali situ linea media annuli interioris horam indicabit qua sol oritur, quam si ex 12. subduxeris, restabit hora occasus. Hanc autem duplica, emerget quātitas diei propositi. Hæc res sine demonstratione ad oculum vix intelligi potest. At si annulus interior pinnulas habuerit mobiles, alia via ac faciliori licebit idem præstare sine filo. Clauso ergo annulo & pinnulis ad medium æquatorem locatis, filoque in polo ligato, & ex manu dependente, aspice per vtrunque pinnulam locum aliquem aut signum longè à te remotum, quod horisontis vice fungetur. Deinde positis pinnulis ex 3. cap. ad signum & mensem, collocetur pinnula superior in æstate, inferior in hyeme ad horas ante meridiem. Deinde pendente annulo per filum ex latitudine tua, circumage interiorem annulum donec oculus per vtrunque pinnulam visu transeat ad punctum, siue signum antea loco horisontis notatum, videbis enim vt antè horam ortus solis. Reliqua non variantur.

DE HORIS INAEQUALI
bus siue Planetarum. Cap. IX.

Iem Astronomi duplicem assignant, Naturalem viginti & quatuor constantem horis, semper ferè æqualem. Artificialē duodenis complexum horis. At hic quum ab ortu Solis ab eiusdem occasum sumatur, illudque interstitium in omnibus regionibus ab orbe medio declinantibus diuersum sit & inæquale, necesse est horas huiusmodi, quæ diem hūc in 12. æquas partes diuidunt, inæquales esse sæpius. Nam quum dies noctem excedit, necesse est horas diei eadem ratione horas noctis superare. Inuenturus ergo quota sit hora diei inæqualis, primò quære quantitatem diei per præmissam, inuentam diuide in 12. partes æquas, nam ita tibi quantitas vnius horæ inæqualis producet, qua cōperta vide quot sint horæ æquales elapsæ ab ortu Solis ad tempus propositum, tempus illud diuide per quantitatem vnius horæ inæqualis, exhibit demum hora inæqualis temporis præfiniti. Eodem modo per noctem agitur, subducta enim quantitate diei ex 24. horis, relinquitur quātitas noctis, quod tēpus rursus partire in 12. æquas: habebis eo modo quantitatem vnius horæ inæqualis. Vel habita hora inæquali diei, aufer eam ex duarum horarum æqualium quantitate, &

restabit quantitas horæ inæqualis nocturnæ. De-
 mum diuide tēpus elapsū ab occasu Solis per eam
 quantitatem horæ, exhibit hora quæsitā. In his au-
 tem partitionibus vtile fuerit horas quantitatis
 diei ad minu. reducere, quod quomodo fiat, etiam
 cuius notum est. His autem singulis horis singu-
 lum attribuebant veteres dominatorem ex pla-
 netis septem, atque hinc orta sunt nomina dierum
 apud ethnicos instituta. Si enim à Luna inceperis
 in die Lunæ, & cuique planetarum vnam ex 24.
 horis dederis, tum 25. quæ est prima sequentis diei
 accidet Marti. Hinc fit, vt dierum nomina sint
 interrupta: non enim post Lunæ diem sequitur Sa-
 turni, sed Martis. Post hunc non Solis neque Ve-
 neris, sed Mercurij dies, atque ita deinceps. Facile
 igitur fuerit cuius habita hora inæquali, eius do-
 minatorem reperire. Prima enim hora semper ce-
 dit planetæ à quo dies nomen habet. Deinde per or-
 dinem inceditur planetarum à superioribus ad in-
 feriores: ab his rursus redeundo ad illos donec com-
 pletæ sint 24. horæ.

QVOTA

QUOTA SIT HORA AB

ortu vel occasu Solis, qui mos Italiae ferè est. Cap. X.



Quilidam regionibus mos est, ab ortu Solis insequentem ortum horas supputare, nonnullis ab occasu: Vtrunque facili negotio habebitur. Si igitur libet indagare quota sit hora ab ortu Solis, quare per præcedens Cap. quota hora sol oriatur pro nostra consuetudine. Secundò vide quota sit etiam hora pro more nostro, quæ si fuerit ante meridiem, subduc ex illis horas ortus Solis: sin post meridiem fuerit, add: horas occasus Solis, emergent horæ elapsæ ab ortu Solis. Vt si Sol oriatur ad nostram consuetudinem hora 5. index verò indicet horam 10. Et quadrantem, subduc hinc horas 5. restant 5. cum quadrante, horæ ab ortu solis elapsæ. Hinc legimus apud Persum, quinta cum linea tangitur umbra. Simili ratione si placet horas ab occasu transactas arte inuestigare. Primum quare horam occasus secundum usum nobis familiarem, deinde pro eodem usu quota sit hora, quæ si rursus fuerit ante mediam noctem, aufer hinc horam occasus: si post mediam noctem, add: horam ortus Solis, votis potieris. Vt demus, Solem nostro more occidere hora 7. sitque iam hora 10. cum semisse ante mediam noctem, aufer 7 ex 10. restat 3.

cum semisse horæ, quas ab occasu sol confecit. At si horam primam post noctem mediam Index significauerit, adde horas ortus quæ sunt 5. fient itaque horæ 6. Quibusdam etiam mos est 24. horas numerare, ij si ab occasu initium fecerint, fueritque tempus pomeridianum, horas ab Indice notatas adiiciant cum horis ortus, quibus deinceps 12. coniungant. Sin ab ortu cœperint, ij ad horas post mediam noctem elapsas adiiciant & 12. horas, & horas occasus Solis, ita tandem colligetur verum ab ortu elapsum tempus. Qui verò 12. tantum numerant, ij quicquid ultra 12. excreuerit, abiiciant.

PLAGAS MVNDI QVOMODO inuenias. Cap. XI.



Vouis tempore quum annuli officio horam inuestigas, siue id interdiu accidat, siue noctu, annulum ex manu dependentem etiam ad Solem aut stellam directum, intrepidum seruato & fixum. Orbis enim extremus statim Austrum & Septentrionē indicat. Septentrionem quidē ad eam partē, ad quā a filo declinat polus annuli, Austrū ad oppositā, Orientem, Occidentem, & reliquas deinceps, quiuis, nisi plane rudis fuerit, facile his duobus habitis inueniet. Oriens enim & Occidens, quorum præcipua etiam

etiam cura est, per horam sextam secundi orbis denotantur. Venti autem septentrionales frigidissimi sunt, & nonnunquam sicci, nonnunquam humidi, hominibus quidem satis cōuenientes, sanguineis & iuuenibus, quum eorum conseruant naturam: Verum frigus si homini insit à natura, etiam auct. Orientales sicci sunt, interdum calidi, interdū frigidi. Australes calidi sunt, maxima ex parte humidi, interim sicci, corrumpentes aërem, fulminosi, ac insalubres. Occidentales humidi ferè sunt, partimque frigidi, partim calidi. de quibus apud Vitruuium elegantiss.


DE ALTITVDINE SOLIS & Stellarum. Cap. XII.



Altitudo Solis dicitur (nō vt vulgus iudicat, quantū scilicet à terræ centro distat) sed quot gradibus supra Finitorē eleuetur sol, vel stella versus nostrum verticem. Idq; ita facile inuenitur. Complicatum annulum filo quouis suspende, ita, vt filum in gradibus nonaginta, qui inscripti sunt annulo interiori, sursum & deorsum paulatim moueri possit. Hoc eousque faciendū, donec vmbra solis ab vna pinnularum in aliā proiciatur, tū enim filum inter gradus altitudinem Solis ostēdet. Noctu per visum ne-

cesse erit facere, quum stelle vmbra non proiciunt. Si quis igitur decimo die Martij aut decimatertia Septembris altitudinem Solis in meridie obseruatā ex nonagenis gradibus subduxerit, inueniet latitudinem regionis. At quoniam hanc superius ad omnem non solum diem, verumetiam horam inuenire docuerimus, impræsentiarum hanc viam consulto prætermittimus. Mobiles autem pinnule ante omnia promoneantur ad æquatorem medium, id quod in sequentibus perpetuum est.

ALTITVDINVM DIMENSIO per vmbra. Cap. XIII.





*I*N interiori annulo circa alterum
polorum 12. hinc-inde inscripsimus
partes inaequales, quæ dimensionibus
inservient. Lucente igitur Sole,
si per umbras placet dimetiri altitu-
dines rerum, complicatum annulum ex manu sus-
pendito per filum quod partes scalæ (sic enim voca-
mus eas) sursum deorsum ve moveri possit, & la-
tere annuli obiecto Soli, elcua eum annulum cōf-
sue quò umbra pinnulæ superioris proiciatur in
pinnulam inferiorem, & simul nota diligenter in
quam partem tum incidat filum quod annulum
letinet. Si enim in 12. parte id fuerit, tum um-
bræ omnium rerum æquales sunt suis rebus. Quare
si cupiā nota fuerit altera, facile in notitiā alterius
aueniet, quandoquidē æquales sunt. At si filiū de-
prehensum fuerit inter partes propiores pinnulæ,
quæ umbræ rectæ dicuntur, tū semper res quævis e-
recta superat umbrā suam, atq; idipsum ea ratione
quæ 12. excedūt partes in quibus fuerit filiū. Si ergo
in prima fuerit parte, umbrā duodecies accipito. In
secūda sexies. In tertia quater. In quarta ter. In
quinta bis, & insuper duas quintas partes umbræ.
In sexta bis. In septima semel, & quinq; septimas
umbræ partes. In octava semel et dimidiā. In nona
semel & tertiā umbræ partē. In decima semel &
quintā umbræ partē. In undecima tandē accipias

Umbra semel & unam eius. Undecimā partē. Aut
 breuius, si Arithmeticus fueris, multiplica Umbrae
 longitudinem per 12. productū partire per partes in
 quibus filum deprehendisti, prodibit semper altitu-
 do ipsius rei. Verū si inter partes remotiores, quas
 Umbrae versae partes vocamus (quae sunt scilicet
 ultra polum) deprehensum fuerit filum, tum Um-
 brae semper maiores sunt suis rebus, idque rursus
 eo excessu qui est 12. ad partes notatas per filum
 Hic ergo multiplica Umbrarū longitudinē per par-
 tes à filo notatas. Hinc productum diuide per 12.
 prodibit altitudo rei metiendae. Vt si filum notaue-
 rit 7. partes Umbrae rectae, Umbra autem fuerit
 210 pedum. Duc. 12. in 210. exeunt 2520. quā
 partire per 7. fiunt 360. ea est altitudo rei cuius
 Umbra 210. pedes obtinuit.

ASTRONOMICI VSVS. 53
DE ALTITVDINE PER
solum visum. Cap. XIII.



Eodem modo, quo de vmbra diximus, licet etiam solo visu procedere. Suspendo enim annulo per filum in parte duodecima scalæ, si eoque aut accesseris aut recesseris, donec fastigiũ rei metiendæ ad utrãq; pinnulam appareat: Tum si distantiam tuam dimensus fueris à remetienda, simul habebis altitudinem ipsius, ab oculo tuo sursum. At si quocum-


GEMMA ANNULI

que loco constiteris, placeat dimetiri altitudinem rei. Suspendo annulo, liga filum suisque deque per partes scalæ, donec ad utranque pinnulam appareat rei cacumen: notaque diligenter in quam partem scalæ incidat filum: Quæ si fuerit umbra rectæ (vocalus autem umbram rectam, omnes partes à pinnula vsque ad 12 reliquas, umbram versam) multiplica tum distantiam per 12. procreatum, deinde numerum diuide per partes à filo notatas, reddit rei vera altitudo ab oculo sursum. Si fuerint partes umbræ versæ, econtrà multiplica distantiam per partes notatas à filo, prouenientem hinc diuide per 12. habebis rursus altitudinis rei metiendæ quæsitam. Huic semper addenda erit altitudo oculi deorsum. Verbi gratia: Notauerit filum 8. partes umbræ versæ, sitque distantia 60. pedum, eam in 8. ducito, fiunt 480. quam si per 12. partitus fueris, exhibit altitudo rei mensurata supra tuum oculum 40. pedum.

DE AL-

ASTRONOMICI VSVS.
DE ALTITVDINIBVS
rerum inaccessibilium.
Cap. XV.

54



Accidit autem ut plurimum, ut distantia propter aliquod impedimentum ita promptè haberi non possit, quare aliter dimetiri cogimur. Atque hic in primis necessarium est, reducere partes vmbrae versæ ad partes vmbrae rectæ, quod ita fit. Multipilca in se 12. fiunt 144. quæ diuide per quasvis partes vmbrae versæ, fient eo modo tanquam partes vmbrae re-

Etæ. Iam verò accepturus altitudinem alicuius rei, consistē in plano, & suspēso annulo filum alligato sūsq̃ue dēque donec pinnulis respondeat vertex rei metiendæ, atq; partes à filo notatas scribito, locūmq̃ue stationis signato. Deinde aut accedito aut retrocedito pro loci cōmoditate quantum placet, recta tamen via ad rem metiendam. Et rursus vt prius per annulum aspicio. Tum si alicubi fuerint notatæ partes vmbre versæ, eas ad rectam reducito viam quam diximus. Metire etiam distantiam inter duo loca stationum. Subducantur ergo partes minores à maioribus, residuum pro diuisore seruato. Demum multiplicato distantiam per 12. productum per diuisorem seruatum diuidito: quod ex eiusmodi diuisione proueniet, altitudinem rei metiendæ proculdubio manifestabit ab oculo sursum. Vt fingamus filum in prima constitutione notasse 8. partes vmbre rectæ, in secunda 9. partes vmbre versæ, quæ valent 16. partes vmbre rectæ, sitq̃ue distantia inter duo loca stationum 120. pedū, Subduco 8. ex 16. restant 8, deinde duco 12. in 120. fiunt 1440 hunc numerum partior per 8. fiunt 180. quæ est altitudo rei metiendæ.

FA CI-

ASTRONOMICI VSVS.
FACILIVS IDEM.
Cap. XVI.

55


Sed ne ignari etiam Arithmetices hoc
vsu omnino frustrentur, ij quærant
duas stationes accedendo aut receden-
do, ita vt vna statione filum sit in 12.
altera in 6. vmbre rectæ, tum enim si duplau-
eris distantiam duarum stationum, emerget altitudo
rei metiendæ. Aut vna in 12. alia in 8. vmbre
rectæ, tum distantiam tripla. Aut vna in 12 al-
tera in 9 vmbre rectæ, quadrupla interstitium.
Item si vna statione habueris 12. altera 8. vmbre
versæ, tum dupla interstitium. Si vna 12 altera 6
vmbre versæ, tum spatium inter duas stationes est
æquale rei metiendæ. Idem accidit si in vna sta-
tione filum 6. vmbre rectæ, altera 8. vmbre ver-
sæ notauerit. Vel si vna fuerit 6. vmbre versæ, al-
tera 4. eiusdem. Vel 4 & 3. eiusdẽ. In his enim in-
terstitia sunt æqualia rebus mensurandis.

DE ALTITVDINE RE-
rum in ædificato sitarum.
Cap. XVII.

SI quis rerum sursum eleuatarum, vt fenestra-
rum, statuarum, turrium, aut ædificiorum in

monte positorum, aut turrium sacris ædibus super-
 positarum, longitudes perdiscere velit. Is poterit
 primò per viam præscriptam altitudinem cacumi-
 nis demetiri, deinde altitudinem basis, siue infimæ
 partis, subducta deinde altitudine minori ex alti-
 tudine maiori, restabit longitudo ipsius rei mensu-
 rata. Vt si altitudo cacuminis fuerit 300. pedum,
 imæ verò partis 200. pedum, relinquitur longitu-
 do 100. pedum.

ALITER IDEM ET
 facillimè. Cap. XVIII.



Alligato filo in duodecima parte scalæ Geometricæ, accede aut retrocede donec ambæ pinnulæ fastigio accuratissimè respondeant: signato deinceps loco stationis accede versus rem metiendam, donec rursus eadem pinnulæ basi siue infimæ parti respondeant. Quantum igitur est spatium ab hoc loco stationis ad priore, tanta est longitudo rei mensuratæ.

DISTANTIAE DIMEN- sio. Cap. XIX.

Quemadmodum autem in altitudinibus omnino opus est aliqua cognitione distantiae, ita è diuerso in distantiarum dimensionibus cognitio altitudinis necessaria est. Quæ præcognita (oportet enim ex eleuatiore loco distantias metiri) Annulum ita suspendito ex manu, ut pinnula inferior termino distantiae, superior oculo tuo respondeat. Quo factò, eleuationem oculi tui supra terminum visum duodecies multiplicato, summam per partes à filo notatas diuidito. Vltimus hic numerus distantiam rei ostendet. Qui exactiorem distantiae dimetiendæ rationem velit, is libellum nostrum de Regionum & Locorum descriptionibus consulat. Ibi enim absque aliquo instrumento longissimas etiam distantias dimetiri docemus.

GEMMAE ANNULI
DE PROFVNDITATIS
mensuratione. Cap. XX.



Altitudinis & profunditatis eadē ferē ratio est,
nā vt ibi per rationē distātiæ colligitur altitu-
do, ita etiā hic. Oportet enim ex alto despicēte distā-
tiā puncti quē aspiciit per pinnulas annuli præscire,
atq; eam nulla alia ratione quā dictū est de alti-
tudinibus, aut per 12. aut per partes notatas à filo
multiplicare, & per alterutrū diuidere pro vmbre
ratione quam filum occupat.

FINIS.

ANNVLORVM⁵⁷

TRIVM DIVERSI GE-

NERIS INSTRVMENTORVM

Astronomicorũ cõponedi ratio
vsus, atq; cũ quibuldã aliis lectu
iucũdissimis, quorũ catalogum
mox versa pagella indicabit.

PER IOAN. DRYAND. Medicum atque
Mathematicum Marpurgen.



ANNVLI DRYANDRI, RE-
CENTIS INVENTI, STRVCTVRA, AT-
que explicatio luculentissima, Vniuer-
sale instrumentum.

*Meteoroscopium Ioannis de Möte Regio ad Car-
dinalem Bessarionem.*

*Annulus Boneti Iudæi, Alexandro v. i. dicatus,
cum sua explicatione.*

*Annuli vulgaris horarij, cuius vsus ad certam re-
gionem instituitur, structura atque vsus.*

H. EOBANI HESI IN AN-
NVLM DRYANDRI COM-
mendatio.

Garrula, stelliferum mirari desinat orbem

Fama, Syracusum composuisse senem.

Vulcani clypeos, terras, Maria, astra ferentes

Adferat, inuenient forsitan & ista fidem.

Clauserit ingentem testa nucis alter Homerum,

Fine breui totam pinxerit alter humum.

Qualis quenque sui commendet fama laboris,

Nos quoque ab hac aliquod nomen habere decet.

Nam quia multiplicis cōtraēta volumina Sphæra,

Intereti digito doctè Dryander habes.

Qui non miretur, quem non inuet ista mathesis,

Hunc ego quo sapiat pectus habere negem.

ILLV-

ILLVSTRISSIMO PRINCI AC

DOMINO D. IOANNI COMITI PALATINO
Rheni, domino Bauariæ, Comitique in Spanheim, Do-
mino suo gratiosiss. S. D.



IN OMNINO SECUNDAM ANNULI MEI INSTITUERE
ADDITIONE, typographus rogauit, ut quæ an-
te hac præpropere imprimendo effudisset,
recognosceret, vel saltè, quæ prælu admiserat
vitia, corrigerem. Ego qui semper meas nugas suppressu,
quàm editu, digniores esse putauì, quæ olim tã in Ger-
mania quàm in Galliis, mathemata profitendo dictarã,
nunquã per me euulgãda esse statui, eoque consilio acquietũ
fuiſſet facilè, ni quorundã importuna atq; præpoſtera be-
neuolentia alio impulisset, qui mea, nõ sine nominis atq;
honoris mei iactura, ita fecerunt ſua, ut me, quẽ Annuli
inuentorẽ nouerant, inciuli fuco, mea aliunde mutuatu
eſſe, alieniſq; plumis prodire calumniarẽtur. Iis cõtrã, ut
me purgarẽ, audacius fateor, euagatus ſum, perſtringẽdo,
quos amãtiſſima Gallia mihi olim amicos cõciliauerat.
Verũm ut ſumus homines, à quib⁹ humani nihil eſt alie-
num, ut ille dixit, obnoxij affectibus: ita & hic errorem
meum agnoſco lubens. Verũm me eius noxæ veniã im-
petraturum ſpero, q̃ nec odio percitus, nec ſcurrili male-
uolentia ductus, mea mihi vendico. Vnus erat mihi pro-
poſitus ſcopus, ſcilicet ne quod meum eſt inuẽtum, mihi
præiperetur. Deinde ne ego, quibus Annulũ meum ex-
plicatam antehac, viris tũ probis tũ doctis, malæ fi-
dei, qui aliena mihi uſurparam, inſinularer conficere.
Tantum abeſt, ut detrahendi malo capiar, ut ſi honeſti
ratio permetteret, de meo iure lubens concedere, quàm

alios malè proscindere malim. Nec Orontius, si rectè
noui hominè, ægre feret, si ab amico erroris, sed ta-
men candidè commoneatur. Vtcunque cedat temera-
ria illa audacia prioris æditionis clarissime princeps,
tibi vnicè purgator esse volui quem vnicè mea suspi-
cere, atque meas nugas aliquid esse putare, dudum
antehac noui. Suscipe itaque quod nuper C. T. de-
dicaui de Annulo opusculum, quod nò solum recogno-
ui, sed plerisque in locis auxi. Structuram siue cõpositio-
nè Annuli apposui Boneti de Latis Hebrèi, Annuli vsus,
atq; ea quæ de hoc Annulo extant, vna cū Meteorosco-
pio Ioannis de monte Regio, Cardinali Bessarioni dedi-
catum, adiunxi, quòd viderè quosdā somniare, meum in-
uentum esse quod vel Bonetus, vel Regio mōtanus, iam
olim excusserant. Volo itaq; mea cum eorū cōferri scri-
ptis, quòd si quod ego cōmisi furtum, palàm fiat. Additus
est & alius Annulus, longè tamē meo inferior. Quoscūq;
vnquā Mathematicos de Annulis scripsisse aliquid norā,
lubens meis iungere erat animus, quò collatione meorū
cū aliis, quæ mea quæ aliorū sint calūniatores mei, tandē
noscere, vbi ob oculos posita singula viderint, queant.
De Cylindro atque Horario alio, Cōcaua vocata sphæ-
ra: item de Cosmographia, quæ petis, propediem euulga-
buntur. Vale princeps illustrissime. Data Marpurgi
Calendis Decemb. Anno 1536.

E. C. T.

Obsequētissimus Ioan. Dryander, duorū Illustris.
Principum, Treuirensis atq; Hellsia Physicus, atque
ordinarius medicinæ professor Marpurgi.

ANNULI



ANNVLI ASTRONOMICI
COMPOSITIO ATQVE VSVS PER
Ioan. Dryan. medicum atque Mathe-
maticum Marpurgen.

ANNVLI COMPOSITIO.

DATVRVS *Annuli Astro-
nomici à me primùm iam
tum reperti, vsus atque ca-
nones, partes ex quibus
Annulus hic noster con-
stet prius commōstrare ob
id operæ precium esse duxi,
quòd his ceu certissimis vsum explicādorū iactis
fundamentis, reliqua omnia tum facilius, tum e-
tiam maiore cum fructu precipiuntur.*

*Constat itaq; Annulus noster ex hisce quæ se-
quuntur partibus. Primò, duo eiusdē omnino quan-
tatis, tum figuræ Annuli qui mutuo sese compli-
cant, inque duobus quasi polis, altero superiori, al-
tero inferiori sese circumuoluunt. Hi duo annula-
res circuli, mutuo complexu, forma, figura adcoque*

IOAN. DRYANDRI ANNULI

toto compositionis artificio, sibiipsis inuicem adeo sunt æquales, vt nec ouum ouo simile sit magis. Vtriusque in spatia & gradus partitionem dicam, si prius fiducia vocatam lineam quæ dici solet, hic esse in vtroque Annulo notaueris, lineam quæ tam in hoc quàm in illo Annulo per vtrunque polum ducta terminatur. Vtrunque Annulum, mutuo complexu coherentem, vna cum eius linea fiducia qualicunque pictura adposita, exprimere conatus sum: Vide figuram.

DE INSCRIPTIONE MERIDIANI atque Æquinoctialis circuli.





Lia atque alia circularū diuisio atque tum graduum, tum horarū inscriptio, Annulos quantumuis æquales discriminat. Eligitur enim alteruter, pro circulo Meridiano, atq; eius hæc erit diuisio: Diuidatur circulus per duos polos, in æquales binos semicirculos, lineam itaq; dimetientē, utrosq; polos interfecantem, ad rectos angulos interfecato, eritque Annulus, in quatuor quadrantes. A. b. c. d. apprime diuisus. Quartam alteram, b. a. scilicet vel c. d. eius oppositam Astronomico more, in 90. gradus partire: Primò, in tria æqua spatia Quartam diuidendo: deinde quamlibet tertiam partem, in tria: rursus tandem, quamlibet in duo, & sic minimam quamque portionem in 5. diuidendo 90. erunt æquales portiones: quibuslibet decanis suos numeros adscribe, sic 10. 20. 30. 40. 50. 60. 70. 80. 90: vel quinariorum etiam si libet. Adde maiusculis literis notatum maioris explicationis gratia, QUARTA ALTITVDINIS, vel, ELEVATIONES POLARES. Eius rei figuram hic apponi vides, ab. B. initium est graduum, A. vero polus arcticus, in quem gradus 90. terminatur.

IOAN. DRYANDRI ANNULI
ÆQUINOCTIALIS
circuli diuifio.




Equinoctialem circulum diuidere, non magni est negocij: cum in 24. æquas portiones horarias (diuifionis initium, ab vtroque polo, vel clauicula quo Annuli coniunguntur, fumendo) re-ctiffime hic diuidatur circulus, cuique diuifionis notæ, suum numerum, horam quamlibet expri-mentem, apponas: sic vt in tabula hic expreffum esse vides.

A meridie

<i>A meridie ad occideris no-</i>	12	1	2	3	4	5
<i>tam sic signantur hora,</i>						
<i>Ab occi. in mediã noctem,</i>	6	7	8	9	10	11
<i>A media nocte in ortum,</i>	12	1	2	3	4	5
<i>Ab ortu ad meridiem,</i>	6	7	8	9	10	11

Notaueris, in hoc AEquinoctiali circulo ad
 vtranque signaturam sextæ ante, & sextæ post
 meridiem, cauernulam vel *queam* esse, in qua cõ-
 plicatis primis duobus Annulis, duo poli delitescunt.
 Meridiani atque Aequinoctialis priorum duorum
 circulorum expansorum, atque Fiducie vulgo vo-
 catam earundem lineam, qualicunque pictura, ico-
 nes hic appositas esse vides.

IOAN. DRYANDRI ANNULI
ZODIACI CIRCULI
diuifio.




*Um Annulum ex quatuor diuersis
cōstare circulis dixerimus, eorū ma-
iores duos primos absoluimus. Qui
duo sequūtur nō eo modo quo bini
priores explicantur, atq; diducūtur
sed perpetuò ita cohæret, atq; cōiūcti sunt, vt tertius
in quarti Annuli excauata rimula, certo mēsurā-
tionis spatio, pro solis siue altiori siue depreßiore lo-
co habendo sursum atque deorsum moueatur. De
eius Annuli modo parando, mox vbi Quarti stru-
cturam*

Eturam absoluerimus, dicam. Quartus itaque, secundum suam conuexam partem, quam tertius in cauata rimula delitescens representat, priorum duorum Annulorum complexorum, internam concavitate peripheriam inunguem vbiue sua rotunditate contingit, circūuoluiturque in his, quibus adfixus est, clauis vel polis, qui in Meridiani vtraque quarta a.d. cernuntur. Reductis iam omnibus quatuor Annulis, quo vnius Annuli forma esse appareat, infimum, quem quartum vocamus Annulum, in 4. æquos quadrantes diuide, idque rectissime absolues, si per vtroq; clauos, quibus ad Meridianū adfigitur, dimetientē lineā duxeris, eāq; ad rectos angulos interfecaueris, alia ducta dimetiēte lineā, quæ tū vbi recte operatus fueris, Meridiani alios duos clauos vel polos, quibus primi duo Annuli cōnexi sunt, rectissime interfecabit. In quarta Meridiani circuli, quā eleuationibus polaribus coaptauimus, ascēdēdo versus polū mundi declinationē solis maximā 23. gradus scilicet atque 33. minut. numerabis: ex numerationis huius fine atq; per cētū totius Annuli rectā duc lineā: ea quartū Annulū, vt par est, interfecabit. Quarti Annuli internam, concavā scilicet peripheriā, cum quatuor suis antehac diuisis quadratibus, atq; iā proximē habita diuisione declinationis solis apposita, ad mēsam vel solidū aliquod leue vel extersū, circulo trāsferas.

Quantitatem declinationis solis quæ est in quarto Annulo, notato in eadẽ circulari peripheria, posito vno pede circini in signaturam clauiculi, altero ad punctũ terminationis 13. graduum atque 33. minut. maximæ declinationis solis ducto: eadẽ distantia in reliquum mox latus eiusdem circuli imprimito. Erítque declinatio solis, tam in dextra quam in sinistra clauiculi notata. Ex declinationis vtroque puncto duc rectam lineam, quæ circulum in duobus locis, atque circuli dimetientem in vna parte interfecat. Vbi dimetiens interfecatur ad rectos angulos per lineam ductam ex punctis declinationis solis, ibi pone alterum pedem circini, reliquo in punctis declinationis Solis extenso, tali circini intercapedine ex centro intersectionis lineæ declinationis solis atque dimetiētis Annuli, duc circulum: eumque ex altero puncto declinationis circumeundo in 12. æquas portiones diuide. Aequaliter ab alterutro puncto declinationis, duo puncta distantia, linea per vniuersum paruum circulum ducta contrahes. Vbi tum hæ lineæ quarti Annuli peripheriam in paruo circulo inclusam pertigerit, notabis, eoque modo vt in peripheria habentur, ad prius preparatum Annulum circulo traduces, rectæque Zodiacum esse diuisum constat, nisi quod quibuslibet spatiis, suos characteres adsculpas, id quod figura adposita faciendum fidelius commonstrabit.

Facile



Facile est hic errare, ni rectè prospicias. Per incuriam enim, nec animo satis attento ad rem, grauioribus fortassis rebus impediti, quidā hic docent, desumptum spaciū bis (ex quarto circulo) quod declinationi Solis debetur, ad planum esse extendendum, atque ad eius quantitatis vtrunque terminum, ducendum esse circulum, qui deinceps in

signorum Zodiaci distantia spatia duodecim diuidatur, ad Annulúmque transferendum esse monent. Verùm id quàm non satisfaciat promisso negotio Sphæræ, adeoque declinationis producendæ, consideranti rationem apertum erit. Obiter itaque pro Annuli nostri iusta & nõ vitiata structura, adhibendam in hoc loco diligentiam, moneo.

De Calendario.

IX opposito puncto prioris clauiculi signorum scalam vt prius notasti, suis spacijs atque interstitijs leuiter vt post operationem deleri queat, transferas: dehinc ex adposita hic tabula, ad quem locum cuiusque signi siue initium siue intermediũ spacium, mensis quilibet apponendus sit, facile addisces.

TABV.

ASTRONOMICI VSVS. 64
 TABVLA LOCI SOLIS IN
 Calendario ex Stofflerino.

Ianuarius Februa. Martius Aprilis Maius Iunius.

	G	M	G	M	G	M	G	M	G	M	G	M
Dies	Capricornus	Aquarius.	Pisces	Aries	Taurus	Gemini						
1	20	21	21	52	20	55	21	22	20	19	19	53
2	21	22	22	52	21	54	22	20	21	16	20	50
3	22	23	23	53	22	54	23	19	22	14	21	47
4	23	25	24	54	23	53	24	17	23	11	22	44
5	24	26	25	54	24	52	25	15	24	9	23	41
6	25	27	26	55	25	52	26	14	25	5	24	38
7	26	28	27	55	26	51	27	12	26	4	25	35
8	27	29	28	56	27	51	28	10	27		26	32
9	28	31	29	56	28	50	29	8	27	9	27	29
10	29	32	Pisces		29	49	Taurus	28	6	28	26	
11	Aquarius	0	56	Aries	0	6	29	53	29	23		
12	0	33	1	56	0	48	1	5	Gemini	Cancer		
13	1	34	2	57	1	47	3	0	51	0	20	
14	2	36	3	57	2	46	3	1	1	48	1	17
15	3	37	4	57	3	45	3	59	2	45	2	14

IOAN. DRYANDRI ANNVL
TABVLA LOCI SOLIS IN
Calendario ex Stofflerino.

Ianuarius			februa.			Martius			Aprilis			Mains			Iunius.				
Dies G M G M G M G M G M G M																			
1	6	4	3	8	5	5	7	4	4	4	4	5	7	3	4	2	3	1	1
1	7	5	3	9	6	5	7	5	4	3	5	5	4	4	4	0	4	8	
1	8	6	4	0	7	5	7	6	4	2	6	5	2	5	3	7	5	5	
1	9	7	4	1	8	5	8	7	4	1	7	5	0	6	3	4	6	2	
2	0	8	4	2	9	5	8	8	4	0	8	4	8	7	3	1	6	5	9
2	1	9	4	3	10	5	8	9	3	9	9	4	6	8	2	9	7	5	9
2	2	10	4	4	11	5	8	10	3	8	10	4	3	9	2	6	8	5	3
2	3	11	4	5	12	5	8	11	3	6	11	4	1	10	2	3	9	5	0
2	4	12	4	6	13	5	7	12	3	5	12	3	9	11	2	0	10	4	7
2	5	13	4	7	14	5	7	13	3	4	13	3	6	12	1	7	11	4	4
2	6	14	4	8	15	5	7	14	3	2	14	3	4	13	1	4	12	4	2
2	7	15	4	8	16	5	6	15	3	1	15	3	2	14	1	1	13	3	9
2	8	16	4	9	17	5	6	16	3	0	16	2	9	15	8		14	3	6
2	9	17	5	0	18	5	5	17	2	8	17	2	7	16	5		15	3	3
3	0	18	5	0	19	5	5	18	2	7	18	2	4	17	2		16	3	0
3	1	19	5	1				19	2	5	19	2	2	17	5	9	17	2	7
		20	5	2				20	2	4				18	5	6			

ASTRONOMICI VSVS. 65
 TABVLA LOCI SOLIS IN
 Calendario ex Stofflerino.

Julius Augustus septēb. octob. nouemb. decemb.

G M G M G M G M G M G M

Dies	Cancer	Leo	Virgo	Libra	Scorpio	Sagittarius		
1	18 24	18 1	18 2	17 38	18 48	19 23		
2	19 21	18 58	19 1	18 38	19 49	20 24		
3	20 18	19 56	19 59	19 37	20 50	21 26		
4	21 15	20 54	20 58	20 37	21 51	22 27		
5	22 12	21 51	21 57	21 37	22 52	23 29		
6	23 9	22 49	22 56	22 37	23 53	24 30		
7	24 6	23 47	23 55	23 37	24 54	25 31		
8	25 3	24 44	24 53	24 37	25 55	26 33		
9	26 1	25 42	25 52	25 37	26 51	27 34		
10	26 58	26 40	26 51	26 37	27 56	28 36		
11	27 55	27 38	27 50	27 37	28 57	29 37		
12	28 52	28 36	28 40	28 37	29 59	Capricorn ^o		
13	29 49	29 34	29 48	29 37	Sagittari ^o	0 39		
Dies	Leo	Virgo	Libra	Scorpio	1	0	1	40
14	0 47	0 32	0 47	0 38	2	1	2	42
15	1 44	1 30	1 46	1 38	3	2	3	44
16	2 41	2 28	2 46	2 38	4	3	4	45
17	3 39	3 26	3 45	3 39	5	5	5	46
18	4 36	4 24	4 44	4 39	6	6	6	48
19	5 33	5 22	5 43	5 39	7	7	7	49

Iulius Augustus septemb. Octob. Nouemb. Deceb.

G M G M G M G M G M G M

20	6	3	1	6	2	1	6	4	3	6	4	0	8	8	8	5	1			
21	7	2	8	7	1	9	7	4	2	7	4	1	9	1	0	9	5	2		
22	8	2	5	8	1	7	8	4	1	8	4	1	10	1	1	10	5	4		
23	9	2	3	9	1	6	9	4	1	9	4	2	1	1	2	1	1	5	5	
24	10	2	0	10	1	4	10	4	0	10	4	2	1	2	1	3	1	2	5	7
25	11	1	8	11	1	2	11	4	0	11	4	3	1	3	1	5	1	3	5	8
26	12	1	5	12	1	1	12	3	9	12	4	4	1	4	1	6	1	4	5	9
27	13	1	3	13	9	1	3	3	9	13	4	4	1	5	1	7	1	6	1	
28	14	1	0	14	8	1	4	3	9	14	4	5	1	6	1	9	1	7	2	
29	15	8	5	5	6	1	5	3	8	15	4	6	1	7	2	0	1	8	3	
30	16	5	1	6	5	1	6	3	8	16	4	6	1	8	2	1	1	9	5	
31	17	3	1	7	3					17	4	7						2	0	6

Ex opposito mutuò sese tam Calendarij quàm signorum scalæ respiciunt, ut quàm facili labore adminiculo alterius, alteram Instrumento tuo insculpere queas. Signato enim Zodiaco, è regione, ad tabulæ lezes quæque puncta Calendarij mensibus pro initij sine medijs spatijs attribuenda vtrinque circa rimulam notabis. Vtriusque scalæ, ut è regione in Annulo locentur, figuram hanc adposui.

Signo.



Signorum, ut & mēſium, impoſſibile eſt in par-
 tus maxie instrumentis omnes gradus adſcri-
 bas. Initia itaque tam ſignorum quā mēſium
 adpingenda crunt. Plerunque etiam tria aut qua-
 tuor principalia ſigna, ad quorum eſtimatiōe re-
 liquorum facile fiat calculus, ut hic in adpoſito
 Annuli arcu Zodiaci. Capricornus, Aries, Libra,
 & Cancer, præcipua ſigna, reliquorum verò ſigno-
 rum ſaltem lineas eſſe notatas vides.



Notaueris, in arcu quamlibet transversam lineam, duobus attribui signis, altero ascendente sole, reliquo, ubi decrescente die sol descenderit, ut hic signorum characteres oppositi indicant.

DE TERTIO SI- ue Ultimo Annulo.

3	II	☉	4
2	8	☿	5
1	M	♄	6



LS qui in excavata rimula circumducitur, nobis vocatus tertius Annulus,

12	☒	☿	7
11	☿	♄	8
10	☿	☿	9

non multum habet negotij, ut ad structuram nostram coaptetur, Ad modum quarti Annuli, quatuor quadrantes, atque solis declinationis divisiones notatas habet. Vtrinque, ab utriusque claviculi, ut hic vides in figura, a.d. ad quantitatem declinationis solis, tertio Annulo intermedia excavatur oblonga rimula, quo aptius non impredientibus claviculus, sursum atque deorsum motus in caverna sua fieri queat. Ex reliquis divisionum duobus p̄-

Etis

Etis b.c. in altera parte tenuissimum foramen ad proiiciendum radium solis, in reliqua punctulum quoddam vel acus mensium demonstratur, vel index perficitur: Per conuexam verò mediam partem tertij Annuli, per vniuersum ambitum insculpitur linea, quæ fiduciæ vocatur, & index horarum in æquatore circulo percipiendarum: Absolutusque est & hic Annulus.


IN quarti Annuli interiori concaua planitie, notaueris, ad quantitatem spacij declinationis solis his sumptæ, quadam rimula aperiendam esse Annuli partem, quo hinc radio solis, illinc puncto ostensori mensium, ex quarto Annulo productorum, nō prohibeatur vsus atque conspectus Reliqua ex operatione Instrumentum exercendo condisces facile.

IOAN. DRYANDRI ANNVLII
RIMVLARVM TAM TER-
tij quam Quarti Annuli
formas hic poni
vides.



Aciliorem tamen, adeoque ad operationem tam diuisionis quam insculptionis numerum & linearum, viam esse putant, vbi Annuli parandi laminae in planum extensae, tam signa quam gradus inscribantur, atque diuidantur prius, dehinc circulariter coaptentur. Verum cum is modus ut est ab aliquibus traditus, dubio procul non adeo sit certus, ego non extensum in plano sed circulo suo absolutum
Anun-

Annulum perfectiori descriptionis norma absolutum iri puto. Tamen si cui visum est alieno quàm nostro vti artificio, volui ea quæ ab aliis traduntur, hic apponere.



IN hac figura, lamina futuri interioris Annuli in 15. æquales partes diuiditur: partium binæ zodiaci, reliqui binæ circa numeros, 11. 12. 13. excavationibus, attribuuntur.

IOAN. DRYANDRI ANNVLII
CANONES, QVIBVS AN-
nulus examinatur nunquid
in Compositione eius
erratum sit.

N omnibus Annulis cōmune, hoc
est, vt in suæ circumferentiæ ambi-
tu in quatuor æquos quadrantes di-
uidantur. Sic iam singulis Annulis
ad sua loca complicatis; vt vnus es-
se omnes videantur Annulus, qua forma minori-
bus existētibus Annulis, digito ad ornatum circū-
ferre solemus hūc Annulū. In hac forma examen-
tale esto. Duo poli siue clauiculi Meridianū circulū
& reliquos Annulos, primū eiusdē quantitatis cū
meridiano Aequinoctialē vocatū, deinde interio-
rem atq; minimum Annulū, quem deferentē voca-
mus, lineū culis per mediū cuiusque poli ductis, in
duas æquas partes diuidūt. Deinde iuncturarū dua-
rum Aequinoctialis circuli pūcta seu clauī, simili-
ter omnes circulos, in æquas duas partes diuidūt, sic-
que mediantibus his quatuor pūctis, omnes Annu-
li in quatuor æquas partes rectissime, nisi in structu-
ra erratū sit, diuidūtur. Errorem autem, si quis est,
certius hoc modo deprehendes. Duc in plano, vt
in mensa, vel lenigato assere, duas lineas, ad re-
ctos angulos sese in vno puncto a. scilicet interse-
cantes,

cantes, vt hic A. Dehinc circino Annuli exterioris cape maximam quantitatem, per medium vtroque pede circini extenso, dimetiendo quantitatem: hanc quantitatem diametrum circuli vocare solemus. Quam diametrum, circino non variato, ad lineam rectam aliquam in plano ductam, transferas vt hic —: cuius diametri in eadem linea medium quære, tantæque capacitæ circinum aut extendas, aut comprimas vt hic A C B. a. b. est diameter Annuli: c. a. vel c. b. est extensio circini & mediatio diametri prioris.

FIGVRA QVATVOR PLAGARVM MVNDI.

Meridies.



Iam nō variato circino, vnū pedē circini ad intersectionē prius ductarū linearū ad centrum, a. pone: reliquo vago pede circini circulum describe, qui necessario priores duas lineas in quatuor locis cōtingit. facitq; rectissimos quatuor circuli quadrantes, vt hic.

Iam Annulum, ad prius in mensa ductum circulum pone, sic ut vnum ex quatuor in Annulo notatis punctis, ad vnam lineæ & circuli intersectionem, in mensa respondeat. Si iam reliqua tria puncta in Annulo, reliquis tribus intersectionibus in mensæ circulo responderit, optime rem sese habere scito: sin aliter euenerit, erratum esse in diuisione iudica, nihilque firmi atque certi ex tali Annulo haberi posse, persuasissimum tibi habeto.

CANON PRO RECTIFICATIONE Deferentis qui interior est Annulus.



Circum uolue hunc Annulum ad quodcunque velis latus, reliquis Annulis nondum diductis. Si tum in tali rotatione, linea Libræ & Arietis, lineæ quæ per polos duarum iuncturarum Aequinoctialis circuli ducta est, præcisè responderit, minus erratum esse iudica.

PRO

PRO RECTIFICATIONE


signorum Zodiaci, in Deferentis
concauitate, descriptorum.



*Meridianum circulum in quatuor equos
quadrantes, vnà cum suis numeris,
astronomico more esse diuisum, supra
dictum est. Si iam signorum Zodiaci,
iustam posituram in Annulo explorare velis: De-
ferentem, sub Meridiani internam peripheriam,
ita moueto vt vna eadèmq̃ sit area seu planities
Annulorum omnium. Iam signaturam Cancrī,
id est, supremam lineam scalæ signorum, in gra-
dibus Meridiani circuli considera, si eam 23. gra-
dus cum 30 minutis in Meridiani quarta inter-
secare videris, absque errore lineam esse ductam
scies. Simili modo initia reliquorum duorum si-
gnorum Leonis atque Virginis eorundèmq̃ de-
curionum, iustis ab Aequinoctiali declinationi-
bus ex subiecta tabella in Meridiani quarta con-
sideratis, quæ recte vel secus sese habeant, facile
videbis.*

Descende		Ascende Grad. Min.			
Cancer	0	Gemini	0	23	30
	10		20	23	7
	20		10	22	0
	30		30	20	12
Leo	10	Taurus	20	17	47
	20		10	14	51
	30		30	11	30
Virgo	10	Aries-	20	7	50
	20		10	3	58
	30		0	0	0

TRia signa in scala signorum probe ex hac tabula reſtificata. Reliqua omnia ſigna facile ad eorum normam iuſtificabis. Exempli cauſa, vbi ab Ariete aſcendendo per ſingulos decanos progrediendo vſque in finem Geminorum veneris, eadem ratione ſigna ex alio latere deſcendentia, ſcilicet Cancer, Leo, & Virgo habebis. De Auſtralibus ſignis reſtificandis puta Libra, Scorpione, Sagittario, Capricorno, Piſcibus, Aquario, non eſt quod te maceres. Eiſdem enim ſpatiis, quibus ſupra Arietis, vel Aequinoctiorum lineam antehac Borealis notata ſunt ſigna, in his inſcribendis,



bendis , infra Aequinoctialem lineam vtimur:
Hoc est tria supra Aequinoctij lineam spatia, tri-
bus infra praecise respondent, sic Cancer, & Sa-
gittarius, Leo, & Scorpio, Virgo, & Libra, aequis
spaciis supra & infra Aequinoctialem lineam
contendunt.

Calendarij rectificationem studiosè, cum non
ita multum refert omittimus.

DE RECTIFICATIONE circuli latentis in concauitate defe- rentis, quem solis Indicem vocamus.



Ic circulus sic iustam acquireret inscri-
ptionem. Foramen, quod in eiusdem
circuli linea fiduciae transfixum esse
vides, còusque moue vt praecise ad li-
neam Aequinoctialem, quae in deferente notata

est, proueniat. Si in tali situ ex opposita parte in alio latere pinnula quæ deferentis rimulam intrat, sectionem quæ ex iuncturis primorum circularum lincuncula in omnibus circulis notata præcisè attigerit, omnia satis fideliter respondere noueris. Debet præterea fiduciæ linea, foramen ipsum pro radio solis in quarto Annulo, item & pinnulam in opposito latere, ubi calendarium est signatum, per mediam sui partem, intersecare.

S Calæ altimetra ratio cuiusque iudicio examinanda relinquitur, aliter tamen hic atque iuxta suam proportionem, à medio ad extremum, paulatim quantitate sua accrescere vides, cum in tetragono Geometrico, tã Vmbra rectæ quàm Versæ duodecim gradus sint æquales. Quod si ad quadranguli examen, quæ in Annuli quarta notatur reducere velis non magni est laboris id facere.

HACTENVS DE ANNULI

STRUCTVRA, SEQVITVR EIVS-
DEM INSTRVMENTI VSVS.

AD LEC-

AD LECTOREM IN ⁷²

ANNVLI CANONES

PROLOGVS.



NON tam ratio quàm experimentum ipsum quotidianum testatur, humanissime lector, inter instrumenta mathematices iam olim summa ingenij industria excogitata, ab solutiora ea esse, magisq; suo demonstrandi officio facere satis, quo plus ad mundi verum typum, solidam scilicet Sphæram (quam globum cœlestem alij vocant) accesserint. Quæcūque enim meteora, quocūque etiā modo excogitata instrumenta ratione exactissima, excluso omni dubitandi scrupulo ex Sphæra solida, rectissimè ad sensum posse demonstrari, quis nō videt? Adcōque intra pauculos, non dico menses, sed dies, si ad Sphære vsus accuratius respexeris, totum astronomiæ negotium, ad rudimenta maximè quod attinet, tibi facies familiare. Errare itaque mihi toto cœlo videntur, qui mathematicis artibus imbuendos, aliò quàm ad globi vsus, abducunt: quod, quæ in reliquis eiusdem artis mathematicæ instrumētis, propter infuctum atque nouum in hisce rebus philosophandi modum, intricatius longe traduntur, in

Globo, remota omni ambiguitatis obscuritate, ad oculum, vt ita dicam, certissima demonstrationis lege exhibentur. In qua re commodissimè prouehenda, tam egregie nobis nuper suam operam collocauit, huius seculi doctissimus mathematicus Ioannes Schonerus, vt hinc commendationis nactus ansam, quosque cyclicarum rerum studiosos, in tanti viri laudes prouocare, non iniquum putem. Si olim qui vnus stellæ prius incognitæ, viam monstrauit posteris, immortalitatis nomen inuenit: quanto hoc rectius, ei qui vniuersi mundi exemplar explicauit, attribuemus? Debemus itaque Schonero plura, debemus multa Ioanni Stofflerino, quorum hic planam, ille solidam Sphæram vsqueadeo vsui nostro accommodauit, vt in posterum esse, qui sibi ad secretiora studia matheseos, non patere aditum, frustra quis conqueri queat. De astrolabi siue structura, siue vsu, quæ fusissimè scripsit Stofflerus, studiosorum teruntur manibus, adeoque etiam à quibusdam præferuntur, vt reliquorum præ hoc vno instrumento Astrolabio, modicam habendam esse curâ existiment. Iis suum, per me, liberum esto iudicium, modò nobis non negent ex hac vna Sphæra solida, omnia omniū authorum astronomica instrumenta ceu radice fertilissima defluxisse. Fac astrolabij in eas rationem, Quadrantis, Cylindri, Torqueti, Concaui, Nocturnalıs vocati horologij, reliquorumque singulorum instrumentorū: lineamen-
ta atque

ta atque ductus, ad examinis rationē si conferas, unde rectius quàm ex globo ipso, qua distantia quæque, qua intercapedine, quæ recta, quæ curva, aut qualicunque tandem figurarum ductu esse debeant, deprehendas nescio. Certissimus itaque mihi, & tanquam lydius lapis, omnium instrumentorum explorandorum, vna hæc Sphæra solida, nō immerito esse videtur. Ad huius absolutissimi instrumenti copiosissimos vsus, cū nuper siue oblectandi ingenij, siue rectius exercendi causa, me consero, in Annulum astrolabicum, qui quàm proximè Globo & vsuū vbertate, & vniuersalitatē, vt ita dicā, ratione responderet, applicare animum cœpi, tandēque me, quod sectabar, reperisse spero, Annulum scilicet astrolabicum, vniuersalem propterea vocatum, quod ad archetypi sui Globi scilicet rationem, apud omnes gentes, quantacunque cœli proposita eleuatione, vsui esse possit. Id quod, paucula quædam si demas instrumenta reliquis, quos hætenus videri contigit Annulis, num ita datum sit dubito. Bis itaque me apud earūdem artium studiosos gratiam inire spero, quod scilicet vniuersale meum instrumentū facio, & quod sphæræ rationi quàm proxime iunxerim. Antē me, num quis Annulum, eo quo ego tracto modo dederit, mihi nondum quod sciam, constat: nisi quod Regij Montani ad Cardinalem Bessarionem meteoroscopion atque armillas propius etiam ad Globi rationem accedere, diuersum

tamen à meo inuento, nouimus. Boneti Annulum Alexandro VI. Pontifici dedicatum, & eum, qui interiori sua concaua planitie, Cylindri inscriptum habet horarium, & reliquos eius generis plures alios Annulos, quàm ego non imitatus sim, res ipsa plane testatur. Meum inuentum habet plicatiles circulos, Meridianum, Æquatorum atque Zodiacum, singulos sua proportione diuisos. Illorum, ea quæ promittunt, vna superficie absoluunt. Meum, ad sphære circularum modum, gratissima forma diducitur. Illorum, vno solùm circulo Annulos digito circumponūt. Quod si illis gratiam atque commendationem, esse quo digito circumferri apte queant, parit, idem inuentum meum habet, vt quod triplici illa quatuor complexorum circularū, gratissima sui forma, gestientis digitū nō modicè exornare visum sit. Verum vsus Annuli, sat scio, longe erit gravior, quàm vt hisce ludicris, quæ ad ornatum solum spectant, diutius immorandum putem. Sphæræ itaq; rationem consideranti, vsus Annuli patere latius, quàm hic penitus absolui queat, innotescit, cū bona pars vtilitatis globi, ad instrumentum nostrum commodè traduci queat. In gratiam itaque atque cōmodum astronomiæ candidatorū, paucissimis quibusdam regulis, Annuli nostri vsus obiter indicare volui, daturus aliquando, vbi plus ocij successerit, meliora adque hanc rem magis apposita. Quòd si hæc mea grata fore perspexero, dabo propediem præter

præter reliqua, Stöffleri quædam in Cosmograp-
hiam Ptolemæi, hætenus nondum euulgata,
quod sciam, rudimenta. Vale humanissime
lector, atque hunc meum laborẽ æqui bonique
consule.

PARTES EX QVIBVS AN- nulus constat, declarat.

Cap. I.



*Onstat Annulus noster ex quatuor
diuersis circulis, quorum bini priores
ita cohærent, vt vnum representare
videantur Annulum: eadem ratione
bini duo posteriores cohærent, vt vnus, cum sint
duo, esse videantur Annulus. Totius autem in-
strumenti quatuor Annuli in arctum complicati
vnum quasi constituunt Annulum. Pro suo au-
tem cuiusque vsu explicando, occurrunt prima
mox fronte, duo eiusdem tum quantitatis, tum si-
militudinis circuli.*

*Primus, Meridiano Sphære aptissimè respon-
det, in quatuor Quadras æque diuisus, quarum al-
tera (quam hic Quartam poli altitudinis, disci-
minis gratia, vocari libuit) in magnis instru-
mentis, in 50. æquas portiones, quas gradus vo-
camus, diuiditur. In paruis verò, & qui di-*


gito circumferuntur Annulis, eadem diuifio, exiguitate fpatiorum ita cogente, in triginta diftribuitur, quibufque tum diuifionis partibus, tribus cæli gradibus respondendo. Eiusdem Quarta numerus, ab Aequinoctiali circulo incipiendo in poli vſque locum, ab vno in 90. vſque progrediendo, inſtituitur. Vtimur ea Quarta pro obſeruandis polaribus eleuationibus, de qua re infra latius tractabitur.

Secundus Annulus, quem priori, quantitate atque forma ſimile eſſe diximus, Aequinoctialis eſt circulus, vſ Meridianum, in duobus oppoſitis punctis, rectiſſimè interſecat: ab interſectionum vtrinque notis, horarū lineæ atque numeri, iuſta diuifione appoſiti ſunt. Interſectionum altera, duodecimæ mediæ diei, oppoſita verò, mediæ noctis duodecimæ horæ aſſignatur. Eſtque is circulus in 24. horarū æquas portiones, pro ratione Aequatoris diuiſus.

Qui tertius eſt ordine Annulus, duplicatus cernitur, ex duobus, ſed diuerſa ratione à prioribus coheret circulus. Superior enim circulus, in cauerna, quæ ad conuexum ſpectat inferioris, ſenſim, pro Zodiaci vel Calendarij ratione, deprimitur vel extollitur, rãtãque eſt duorum iſtorum connexio, vt niſi præmonitus, vnum, non duos eſſe, putes Annulos. Complexum ex hiſce duobus circulis, deferentem vel ſcalam ſignorum Zodiaci, vocamus. Is qui ad

qui ad conuexum vergit, atque in cauitate infimi Annuli mouetur, lineam habet, quàm fiducia vocant, in cuius lineæ altera parte est dioptra, tenuissimum foramen, ad proiiciendū radium solis, aptatum. Ex opposita eiusdem lineæ parte, est apiculus quidam, siue additamentum oppositum, quod Calendarij notas, vt dioptra superior, signorū rationes, absoluit. Sunt præterea duæ fissuræ in eodē Annulo, vtrinq; circa polorū clauiculus excisæ: eæ faciliē motum, qui per clauos aliās impediretur, præstant.

Quartus & infimus omnium aliorum circularū, est Annulus qui signiferi scalam in altera sui parte circa fissuram, in opposita, Calendarij inscriptionem habet. Signorum Zodiaci, vt & mensium Calendarij omnes notas apponere in paruis Annulis, prohibet spatiorum angustia.



Quare initia duntaxat signorum atque mensium apposita, ductis solum linearum notis, esse vides, vt in hac figura expressa quæque cernes. Ibi in scala signorum ex Cancris atque Capricorni appositus characteribus, sequendo ordinem signorum, facile est videre, cui signo quodque scalæ spatium sit attri-


buendum. In qua re & id observare præstiterit, si angeantur dies, ut tum à Capricorno, ordine signorum scandendo: si minuantur verò, contrario modo à Cancro descendendo, fieri considerationem. Signorum autem crescentium dierum hic est ordo: Capricornus, Aquarius, Pisces, Aries, Taurus, Gemini. Decrescentium verò: Cancer, Leo, Virgo, Libra, Scorpius, Sagittarius. Vel si libet, inscribantur in vna fissuræ parte, crescentis diei signa, & in altera parte decrescentis signa: singulis spatiorum interstitiis, suis signorum characteribus, apposis: Quòd de Zodiaco hætenus dictum, idem, simili opera in Calendarij scala, observandū erit. Vtriusque scalæ suam hic appositam vides figuram.



Quatuor itaque hætenus explicatos Annulos, structura instrumenti nostri, perpetuò recipit. Ad commoditatem verò vtendi, quæ sequuntur addi solent.

Primò, filum, seu capillus quo Annulus ex poli nota, suspendi queat. Deinde, pro diuersis conficiendorum horologiorum generibus, siue plano horizontis, siue perpendiculari planicie, vt sunt murorum atque parietum superficies, inscripturus sis horarium solare, Gnomonis vel regule sphericæ, quæ Meridiani

curuatura
rectissimi
repræsen-
tet, opus



est opera. Gnomonis depictam hic vides figuram.


Præterea adfit necessum est diameter linea, in cuius medio puncto alligatum sit filum, per quod in Annulo notatæ horarum notæ, ad planiciem recepturam horologium, singulæ horæ cen punctis designantur. Verum de his omnibus, in canonum inferius tradendorum vsu, explicatiùs forte mentio fiet.

IOAN. DRYANDRI ANNVLII
QVOMODO APTANDVS
 sit Annulus ad certæ regionis poli
 eleuationem. Cap. II.

IN Annulo nostro, Meridiani circuli
 vnā Quartam, à puncto vbi Ae-
 quator Meridianū interfecat ascen-
 dendo, vsque in punctum interseccio-
 nis eiusdem Meridiani cum Deferente Zodiaci, in
 90. æquales partes, vel vt in paruis, qui digito cir-
 cunferuntur, Annulis, in 30. æqualia spatiola, si-
 ue gradus, quorum tum singuli ternos gradus re-
 præsentant, diuisam esse vides. Numerus ab Ae-
 quinoctiali ad Deferentis axem, qui polus hic cen-
 setur, semper crescendo in 90. vsque augetur, cuius
 rei formam hic vides.

QVARTA POLARIS ELE-
 uationis. Cap. III.

IX tabulis itaque Pro-
 lemaei, vel quocunque
 alio ingenio poteris, pro
 habitationis tuæ loco,
 vbi Annuli vsus exercere velis,
 certam poli eleuationem addisce.
 Eandem eleuationem, in numeris



atque

atque gradibus *Quartæ* altitudinis polaris numerabis: ad finem numeri, filum aut capillum, liberè sese in tali appensione, libranti *Annulo* applicabis. Erítque, perpetuo, ad propositam tuam regionem, eo modo aptatum instrumentum.

ELEVATIONEM POLI ALIA ratione ex solis Meridiana elevatione reperire.

Cap. IIII.



N tertio, atque duplicato circulo (quem deferentem *Zodiaci* supra vocauimus) dioptram, mediante suo circulo, in cauerna infimi *Annuli*, ad verum locum solis, propositi tui diei, moueto. Ad hunc modum instructo dioptræ foramine, *Fidutiæ* lineam, quæ est in prædicto *Annulo*, vel foramen dioptræ ipsum, quod idem est, ad *Meridiani* vocatam *Fidutiæ* lineam, quam coniunctissimè applicato. Deinde, horologio siue solari, siue eo quod campanæ sonitu temporum horas distinguit, rectissimè instructo, Meridiei horam, quæ duodecima semper est, ad vnguem obseruato. Eodem tum momēto temporis, *Annulum* eonúsque, mediante filo apposito in *Quarta* polariū eleuationum, eleua aut deprime, quoad solis radius per dio-

peram in oppositum sui puncti inciderit. Qui tunc gradus, in Quarta poli eleuationis, filo interfecatur, ab Aequatore in fili vsque attactū numerando, eleuationis poli antea incertæ gradus certus esse dinoscitur.

ÆQVATORIS CIRCVLII
eleuationem supra horizon-
tem, reperire.
Cap. V.



Abita eleuatione polari regionis tuæ, numerum notabis, cui tantum numerum adiicies, quo 90. ex vtroque addito numero, resultant. Id quod ad priorem numerū addidisti, Aequatoris est eleuatio. Eiusce rei hoc est exemplū: Offertur mihi poli eleuatio 50. graduum, ad 50. addendi sunt 40. quo nonagenarius excrescat numerus. Quadraginta itaque gradus, eleuatio est Aequinoctialis circuli. Eadem ratione de reliquis poli eleuatibus, erit faciendum.

THEO-

ASTRONOMICI VSVS. 78
 THEORICA DVARVM
 eleuationum Acquato-
 ris atque poli.
 Cap. VI.



D Vcatur in plano circulus, duabus diame-
 tris in quatuor aequales portiones diuisus.
 Erítq; altera diameter, a b c scilicet hori-
 zontis linea, d a e, Verticalis punÉti atque oppositi
 eius, perpendicularis linea, Vterque Quadrans, scili-
 cet a, b in d, & a, c in d, astronomico more in 90.

gradus diuidatur, Poli eleuatio in Quarta, a, b in d notetur: per eius notam atque, a. centrum circuli, ducatur diametralis linea, cuius superior pars Arctico, inferior verò Antarctico polo assignabitur, axisque mundi esse certo comprobatur. Ad Poli lineæ f g in centro circuli. A. orthogonalis ducatur linea. h i, ea Aequinoctiali circulo verū locum designat, semperque rectos angulos cum linea. f g. facit. Iam ad rudimentorum Euclidis rationem singula reuocando, clarum euadet, quantum polorum linea f g supra horizontem b c attollitur, tanto Aequinoctialis linea h i. in altera parte deprimitur. Eruntque ducti circuli portiones b f. & d h, semper numero & quantitate æquales. Similiratione & c h. & d f. perpetuò æquales esse dinoscuntur. Ea omnia explicatius ex anteposita figura demonstrare atque perdiscere potes.

ELEVATIONEM SOLIS MERIDIANAM, quouis tempore reperire.

Cap. VII.

Deferentis dioptram, ad signum atque gradum in quo sol, dato tempore versatur, moueto: Deferentemque circum, ad Meridianum, sic vt dioptra lineam Fidutiæ Meridiani contingat, applicatio: mox

mox reperies in gradibus *Quartæ* polaris altitudinis, quot gradus supra *Aequatorem* abscindantur. Eum numerum graduum, ad *Aequatoris* loci aut habitationis tuæ, eleuationem ex proxima propositione repertum adde, totumque aggregatum, *Meridianam* solis eleuationem demonstrat. Exemplū esto: Sit sol eleuatus supra *Aequatorem* circulum 23. gradibus, *Aequatoris* autem supra horizontem eleuatio sit 40. graduum, adde 23 ad quadraginta, emergunt 63. gradus, ex utroque commixto numero: ea est *Meridiana* solis eleuatio, ubi sol primum gradum *Cancris* permeauerit.

Operatio hæc, in signis *Arietis*, *Tauri*, *Geminorum*, *Cancris*, *Leonis*, *Virginis*, quæ septentrionalia vocantur, locū habet. In reliquis verò *Libra*, *Scorpione*, *Sagittario*, *Capricorno*, *Aquario*, *Piscibus*, *Meridionalibus* vocatis signis, alia supputandi erit ratio, sic scilicet, ut per signū atque eius gradū oppositum operationem absoluas. In septentrionalibus quidem, quantum in numero prius addidisti, tantum in meridionalibus signis demendum erit. Considerandū itaque hic erit, quæ signa atque gradus, inuicem sibi opponuntur: quo cognito, nullius erit difficultatis rem propositam absolvere. Signorum atque graduum in hoc negotio oppositiones, ne quid operantem remorari queat, ascribenda esse duxi.

	<i>Cancer.</i>		<i>Capricor.</i>	
	30 10		30 10	
	20 20		20 20	
	10 30		10 30	
<i>Septētrio naliū si- gnorum, atq; eorū dem gra- dū oppo- sitio.</i>	<i>Gemini. Leo Sagittari. Aquari.</i>			<i>Meri- diona- lium oppo- sitio.</i>
	30 10		30 10	
	20 20		20 20	
	10 30		10 30	
	<i>Taurus. Virgo Scorpūs Pisces.</i>			
	30 10		30 10	
	20 20		20 20	
	10 30		10 30	
	<i>Aries</i>		<i>Libra.</i>	

QVOTA SIT HORA
diei splendēte sole ex An-
nulo addiscere.
Cap. VIII.

Instruēto Annulo ad regionis tuę
polarem eleuationem, vt supra do-
cuimus, dioptrā, mediante suo An-
nulo, quā rectissimē ad signum
Zodiaci, atque eius gradum in inte-
rioris circuli rimula signatum, detorque, eritque ad
dies aliquot, quātum ad Solis locum attinet, instru-
Etum

Etum instrumentum. Pro hora itaque dici inuestiganda, notaueris si meridies nondum sit effluxus, quod tum Deferens Annulus, ad sinistram: si vero elapsus est meridies, in dextram moueatur. Suspecto itaque ex polari loco, quod supra docuimus, Annulo, per filum aut capillum, ebusque moue Deferentem in suo latere, quod solis radius per dioptræ foramen, ad oppositum punctum vel additamentum, in rimula Calendarij repertum, incidat: in tali situ, quam tunc horam atque partem eius in Aequinoctiali circulo, linea Fidutiæ Deferentis absceiderit, ea erit hora quæ sita. Erit autem Aequatoris circuli Fiducialis vocata linea, semper in tali operatione ad Arietis atque Libræ initia, quæ in signorum scala notantur, retorquenda, quò ad rectos angulos cum Meridiano circulo, Aequator instituat.

SOL SIT NE ANTE MERIDIEM, aut post, addiscere. Cap. IX.

S*ol ubi lineam Meridianam attigerit, in maxima, quâ isto die esse possit supra horizontem eleuatione semper existit, mediûmque diei, vel si horarum numero rem metiri velis, inter æquales duodecimam, explanetariis siue in æqualibus vocatis horis,*

sex tam semper horam designas. Priusquam autem sol Meridianam lineam contingat, perpetuo suæ ascensionis incremento numerus augetur, ut pari ratione, post meridiem descrecit. Itaque si sit dubium sol ne præcedat, an sequatur Meridiei lineâ. Primo respice ad radium Solis, per dioptram recte ad Solis signum prius ductam, incidentem: deinde post mediam aut quartam partem horæ, rursus ut antehac, radium solis obseruato: quod si deferens circulus, suo foramine propius, quam ante cum primum solem obseruabas, ad Meridianum circulum tibi ducendus erat, nondum affluxisse meridiem constat. Contrâ, si in secunda solis, per dioptræ radium, consideratione, Deferens deprimendus erat, effluxisse meridiem non est dubium. Eadem enim ratione omnino, ut sol ante meridiem ascendit, ita post descendit. Hinc, in utroque latere æqualiter à Meridiano circulo distantes gradus, signa, siue horæ, æquales vel easdem semper, siue à Meridiano siue ab horizonte numeres, habebunt eleuationes: id quod figura sequens clariùs demonstrabit.

Ante

12	
11	1
10	2
9	3
8	4
7	5
6	6
5	7
4	8
..	

{ Ante meridiē }
 { diē scandūt. }
 { Post meridiē }
 { descendunt. }

QVATVOR PLAGÆ MVN- di, quomodo indagandæ.

Cap. X.

INstruēto Annulo ad Poli ele-
 uationē atque Zodiaci signi verū
 locū, vi iam antea docuimus, cer-
 ta hora diei tibi deprehendenda
 erit. Ad talem situm scilicet, vbi
 horas diei ex Annulo perquiris, nusquam dimoto
 Annulo, considera Meridianum circulum An-
 nuli. Ea enim pars, quæ meridiem versus respicit,
 Meridianam plagam: opposita, à tergo scilicet no-
 tata pars, Septentrionem designat. A sinistris,
 vbi in Aequatore circulo, circa sextam horæ no-

ram rimula no FIGVRA QVATVOR PLA-
tatur, atque in GARVM MVNDI.

re, in dextera, si
diametralē du-
ctā lineam fin-
xeris, in sinistro
Oriētem, in de-
xtero Occiden-
tem, prædicta li-
nea indicabit:
idq; omnium lon-
ge est facillimū
deprehēdere, cū
quatuor mundi
plagæ undiqua-
que horizon-
tem circulum, in quatuor æquas partes diuidunt,
cuius designationis figuram adscripsi.



LINEAM

LINEAM MERIDIANAM

inuestigare ex Annulo.

Cap. XI.



*N*signis est vsus eius lineæ, tū propter Astronomica, tum propter Cosmographica certiùs indaganda, hinc tot eiusdem lineæ reperiendæ excogitatos esse modos puto. Sunt qui ex Vmbrae proiectu, quē certioremodum putat Stöfflerinus.

Meridies.



Septentrio

Sunt qui ex Compasso, horario sic vocato instrumento, Meridianæ inuestigandæ viam sibi struant. Ex Annulo nostro, non adhibito magnetis indice, sic deprehendes. Quod proxime docuimus de assequendis mundi plagis, Meridianam atque Septentrionalem plagam, ducendo vel imaginando lineam ductam, lineam contrahes, quæ Meridianæ certissimū erit filum. Aut si Orientis & Occidentis plagarum notas, protracta linea iunxeris, ad rectos angulos eandem lineam interfecato, sectionis istius lineæ, Meridianæ lineæ indubitatus erit trames. Ad consfcienda diuersa solaria horologia, hæc nouisse maxime profuerit.

IOAN. DRYANDRI ANNVLII
IDEM ALITER REPE-
rire. Cap. XII.



*Obserua in Annulo, quando Sol in ma-
xima eleuatione istius diei fuerit, tum
sole splendente, ex manu tua suspende
perpendicularum aliquod, cuius Vmbra
in plano horizontis, perducta ad Vmbrae vesti-
gium linea, notabis: ea erit perpetuò in hac regione,
Meridiana linea.*

TEMPVS CALENDARIJ
ignotum, quomodo ex Annu-
lo depræhendas.
Cap XIII.



*Ad horologium bene instructum, obser-
ua horã aliquã, siue ante, siue post me-
ridiem ea fuerit, moue Deferētis Fidu-
cialem vocatam lineam, ad obseruatæ
horæ, in Aequatore circulo signaturam. In tali si-
tu, instructo prius Annulo ad eleuationem poli,
per suum filum siue capillum, cõsque dioptræ fora-
men, mediante suo Annulo, aut eleua, aut depri-
me, quod solus radius per foramen dioptræ, ad op-
positum punctum siue additamentum in scala
Calendarij fissura repertum, ceciderit. In tali situ,
punctus*

punctus siue additamentum, qui mensis atque dies eiusdem, præfenti considerationis tuæ tempore, charactere atque distinctione sua indicat. Hic tamen, consideratione de crescentibus diebus superius explicata, rursus opus erit. Crescentibus enim diebus, utere mensibus, ab *XI.* die Decembris incipiendo, ordine reliquos menses, ut Ianuarium, Februarium, Martium, Aprilem, Maium, usque in *XII.* Iunij, numerando. Reliquos menses contrario modo, reliquis decrecentibus diebus, videlicet Iunius, Iulius, Augustus, &c. dicendo, applicato. Hanc rem, apposita mensium atque Signorum Zodiaci rota, rectius absolvit: ducendo filum ad diei certum locum, recta fili linea solus locum indicabit, & e contra.

IOAN. DRYANDRI ANNVLII
FIGVRA LOCI SOLIS,
ATQVE MENSIVM.



SI SOLIS LOCVM NE-
scias, quomodo ex Calendarij
noto loco deprehendas.

Cap. XIII.

Idem absolvere, nullius est laboris
atque negotij, cum vice versa om-
nino additamentum in Calendarij
fissura, ad diem suum detorseris, ex
opposito, dioptræ foramen in Signorum scala, signi
tui characterem atque locum indicat.

DE-

ASTRONOMICI VSVS. 84
DECLINATIONEM SOLIS,
& cuiuscunque gradus Zo-
diaci, addiscere.
Cap. XV.



IN Septentrionalibus Zodiaci signis, id facile quouis tempore percipietur. Duc dioptræ foramen ad Meridianū circulum (detorto tamen foramine, ad Signi atq; gradus tui considerandi locum) ibi tum intercapedo inter Aequatorem, atque dioptræ locum, in Quarta polaris eleuationis, quàm rectissimè tibi declinationem siue solis, siue gradus cuiuspiam certi demonstrabit. In Meridionalibus tamen signis, non eodem modo, sed per oppositionem tam signorum atque quorumcumque graduū, absoluenda res erit: Vt si Sagittarij primi gradus declinationem scire libeat, Geminorum primum gradum, ad Meridianum circulum ducito, eandem enim declinationem vterque gradus occupat, nisi quod hæc Meridiana, illa Septentrionalis, discriminis gratia, vocari solet. declinatio. Simile erit iudicium et in reliquis.

IOAN. DRYANDRI ANNVLII
SIQVIS IN MARI AVT

solitudine errauerit, in quo
mundi climate verse-
tur, agnoscere.

Cap. XVI.



*Vpra diximus Annulum nostrum, ad
Sphaera imitationem factum esse vni-
uersale instrumentum. Quare longius
à patria quis abductus, in qua parte
mundi vel quo climate versetur, ita in Annulo
nostro deprehendes: Si horam diei (vt supra docui-
mus) ex Annulo didiceris, sensim in Poli tibi
ignoti eleuationem deuenies, qua habita ex
apposito abacò climatum, si simile tue
eleuationi polari, numerum quæsie-
ris, quòd tuum sit clima in
quo versaris, de-
prehendes.*

Ca-

ASTRONOMICI VSVS. 85
 Cap. XVII. Elevatio Poli.

		GR.	MI.
<i>Primi climatis per meroë.</i>	<i>Principium</i>	12	45
	<i>Medium</i>	16	40
	<i>Finis</i>	20	30
<i>Secundi, per Sienen.</i>	<i>Principium</i>	20	30
	<i>Medium</i>	24	15
	<i>Finis</i>	27	30
<i>Tertij, per Alexādiam.</i>	<i>Principium</i>	27	30
	<i>Medium</i>	30	45
	<i>Finis</i>	33	40
<i>Quarti, per Rhodum.</i>	<i>Principium</i>	33	40
	<i>Medium</i>	36	24
	<i>Finis</i>	39	0
<i>Quinti, per Romam.</i>	<i>Principium</i>	39	0
	<i>Medium</i>	41	20
	<i>Finis</i>	43	30
<i>Sexti, per Boristhenem.</i>	<i>Principium</i>	43	30
	<i>Medium</i>	4	4
	<i>Finis</i>	47	15
<i>Septimi, per Riphæos.</i>	<i>Principium</i>	47	15
	<i>Medium</i>	48	40
	<i>Finis</i>	50	30
<i>Octavi climatis.</i>	<i>Principium</i>	50	30
	<i>Medium</i>	54	0
	<i>Finis</i>	56	0

IOAN. DRYANDRI ANNVLII
HOROLOGIA SOLARIA,
in quacunque, siue murali, siue ho-
rizontali planitie, adiuumento
Annuli, construere.
Cap. XVIII.



Docent alij cōficiendorū horologiorum
artificium, suo quique tradendi modo,
ex Annulo nostro sic construes: Ad
Aequinoctialem circulum, in ea par-
te vbi in vtroque latere cauea signata est, quæ an-
te & post meridiem, sextæ deputatur horæ, stylum
siue lineum siue ferreum, ita filo vel cera connecte,
ne facile à suo loco moueatur. Stylus is, si recte
Aequinoctiali circulo est iunctus, sua diametro
circulum in duo equalia diuidedo, exacte Aequa-
toris dimetiens linea esse comprobatur. Ad hanc
lineam siue stylum in medio (quod centrum erit
Aequatoris, & per consequens, terræ punctum si-
ue locus est) alligabis filum tenuissimum, vlnæ cir-
citer vnius longitudinem habens, facta prius cre-
na vel rimula in styli medio puncto, ne filum alli-
gatum, extra centrum suum inter operandum ex-
cidat. Mediante hoc filo, omnium horarum, in
plano inscribendarum notabis loca, eo quo sequi-
tur modo: Annulum cum inferiore sua parte, quæ
opposita est Zenith capitis, asseri. vel quadrato li-
gno

gno ob longæ figuræ ita copulabis, ligando, aut cera
 conglutinando, ne facile loco dimoueat. Apta-
 bus prætere. Annulum, vt supra docuimus, ad ve-
 rum lineæ Meridianæ situm, atque ad perpendicu-
 laris suspensionis, iuxta poli adeoque rationem al-
 titudinis, omnibus his obseruatis, quæ ad diei horâ
 inuestigandam, supra diximus esse necessaria. Ad
 murum (singamus enim ad eius planum describen-
 dum esse horologium) prædicto quàm rectissimè cu-
 stodito situ, vna cum asserere Annulum admovento:
 deinde filum, quod ex centro dimetienti Aequato-
 ris ligatum vides, per singulas signaturas siue lineas
 horarias in circulo Aequatore impressas, ducito,
 contactusque singulos ex filo in pariete siue muro
 notabis, idque ne erres, quàm accurate animum
 aduerte: Eruntque semper, tria diuersa puncta, per
 fili lineam vnâ abscissa: primum punctum, in
 diametri Aequinoctialis centro, vbi filum est al-
 ligatum: secundum in Aequatoris horaria interse-
 ctione: tertium in pariete notatur. Vbi singulas
 pro ratione Aequinoctialis circuli, ad murum, hora-
 rum notas signasti, pro duodecimæ horæ puncto, atq;
 futuri tui horologij centro seu indicis loco, res ita vt
 sequitur, instituenda erit. Gnomio quidam spheri-
 cus (vt supra inter recensendum Annuli partes, di-
 ximus) ad Meridiani capacitatem parandus erit.
 Is gnomio siue angulus sphericus, Annulo à priori

sua positura nondum dimoto, ita applicandus erit, ut angulus gnomonis acutior præcise polum in Meridiano circulo contingat. Iam ad gnomonis ex poli puncto ad murum ducta linea, ea ratione qua murum respexerit, cum filo notabis muri attactum, sic ne filum ex acuto gnomonis angulo, qui polo est iunctus, ad murum ductum, ne tantillum à gnomonis linea aberret. Hunc filum in muro contactum, pro centro totius horologij obseruabis. Dimisso itaque per prædictum punctum perpendiculo, ad eius rationem, in muro lineam ducas: ea duodecimæ horæ, inter reliqua prius ducta futuri horologij puncta, accommodanda erit. Ex centro horologij, per reliqua singula puncta duc lineas, quibus suos horarum numeros adscribe, & designatum habes horologium. Indicem horologij, atque eius verum situm deprehendes ex filo per polum ad horologij centrum ducto, quod tibi gnomonis linea monstrabit. Absolutis singulis, à muro remoue Annulum, & constructum habes horologium.

Horizontale.

Simili modo, in plano horizontis describendum erit horologium, nisi quod ex opposito Polo, tum indicis locum, tum centri punctum, inuestigandum erit. Contactus filii, loca quæ antehac in muro, iam
in

in plano notanda erunt.

Annuli canonum atque explanationis finis.

QUum alij alia, post meam de Annulo traditionem, repeterunt, vt inuentus semel, facile, modo adsit ingenij felicitas est addere, hæc meis adiungere ob id maximè commodum duxi, partim quod discipulorum meorum non leuem circa Annuli operationē, industriam lectori commendatiorem reddere, partim quòd explicatiores atque copiosiores instrumenti mei vsus ea ratione futuros existimabam.

Horæ nocturnæ inuestigatio ex
Gemmæ Frisij libello.

VErùm priusquam id expediamus, habenda est cognitio stellæ cuiusdam nō erraticæ, quæ Solis absentis Vices subeat: hanc ab Astrologo quopiam ediscat necesse est, qui alioqui ignarus est. Nam ex descriptione nuda difficilis cognito fuerit. Attamen ne nostro defuisse videamur officio, talem eius descriptionem accipe.

Stella est primæ (vt vocant) magnitudinis, hoc est, maximæ quantitatis inter fixas stellas, distans

ab Aequatore quasi partibus 45. Hircum authores vocant, lucida, rubicunda, nunquam se submergens sub nostrum finitorem. Cum sol fuerit in 11. gradu Sagittarij, quod fit septimo calendarum Decembris, ipsa noctis hora duodecima circa verticem capitis videbitur: quare si tum à stella polari, quam quiniis etiam rusticus cognouit, recta visu processeris versus meridiem, ipsa primum visui occurrit. Item si cum Luna in Geminis constiterit, à Luna versus eandem stellam polarem visu progressus fueris, prima rursus occurret Hirci stella, quam ubi semel videris, per aliarum stellarum situm necesse est memoriae commendes.

Cognita igitur stella, suspende ex manu Annulum, & interiorem orbem circumduc ut superior pinnularum, quas in margine apposuimus, eam partem Aequatoris occupet, quam stella ipsa habet in coelo, scilicet orientalem vel occidentalem, quod quidem noctu facile fuerit cognitu, nam stella polaris siue nautica Septentrionem semper indicat. Demum eousque deprime vel extolle orbem interiore, donec pendente Annulo, ambæ pinnulae ad ipsam stellam ab oculo videantur tendere, quo facto observa diligenter quam horam quantamque partem eius, linea media interioris Annuli indicet, quod quidem absque lumine commodè non feceris. Hæc autem hora inuenta non est
hora

hora vera, quum non ipsius stellæ sed solis officium sit, horas distinguere. Neceſſe erit igitur per distantiam solis à stella horam veram colligere, quod ita fit.

In interiori ambitu orbis secundi quære mensem & diem propositum: simul enim in altera eiusdem orbis superficie horas videbis, quas subducito ex horis prius inuentis, restabit hora vera. Quòd si horæ per stellam inuentæ minores fuerint numero, adde ipsis duodecim horas, atque à collecto horas apud mensis diem inuentas subducito, residuum horam veram indicabit. Exempli gratia: Demus vigesima prima Decembris stellam nobis indicasse horam primam, quia apud diem vigesimum primum Decembris inuenio horas duas, non possum eas ab una subducere, quare addo 12. fiunt 13. hinc aufero 2. restant 11. quæ veram indicant noctis horam.

QVA RATIONE HORAE

nocturnæ faciliùs inueniantur.

NOËte serena suspende ex manu Annulum facie versâ in Septentrionẽ, & distentis omnibus orbibus Annuli, verte meridianum ipsius Annuli ad stellam polarem, ita vt duo poli ipsius

Annuli quàm possunt rectissimè ab oculo in stellam polarem vergant. Deinde circumduc pedetentim orbem interiorem versus duas stellas anteriores vrsæ maioris, quæ secundum vulgi appellationem sunt rotæ postremæ plaustrî. Iam verò considera quotam horam hic orbis interior indicet, ab horis inuentus subduc (vt in capite præcedenti) horas inuentas circa mensis diem in circulo Aequinoctiali, numero horarum hic relicto adicias aut adimas sex horas, ita tibi vera prodibit hora noctis. Hac ergo via faciliùs hora inuenitur, verùm illa præcedenti paulò certius.

De ortu Solis & quantitate diei.

Collocata pinnula, quæ inter rimulam mouetur, ad mensem eiusque diem, quo hæc perdere animus est, circumage interiorem orbem eò usque donec latus illud quod pinnulam eam defert, sit in latere æquatoris collocatum. Occidentali siue pomeridiano. Deinde supputatis hinc inde ab elevatione poli siue latitudine regionis nonagenis partibus in meridiano circulo, aut supputata eadem latitudine ab utroque polorum versus æquatorem, alliga filum ex oppositis per medium Annulum partibus. Deinde altero oculo compresso circumage

age interiorem Annulum donec simul aspicias pin-
nulam in linea quam filum extentum per medium
Annulum describit, & per medios sulcos, qui in
horis sextis oppositis facti sunt, oculi acies transeat.
Nam in tali situ linea media Annuli interioris
horam indicabit, qua Sol oritur, quam si ex 12.
subduxeris, restabit hora occasus: hanc autem du-
plica, emerget quantitas diei propositi. Hæc res sine
demonstratione ad oculum vix intelligi potest.

De horis inæqualibus, siue Planetarum.

DIem Astronomi duplicem assignant, natura-
lem viginti & quatuor constantem horis,
semper ferè æqualem artificialem duodenis com-
plexum horis. At hic cum ab ortu solis ad eiusdem
occasum sumatur, illudque interstitium in omni-
bus regionibus ab orbe medio declinantibus, diuer-
sum sit & inæquale, necesse est horas huiusmodi,
quæ diem hunc in 12. æquas partes diuidunt, in-
æquales esse sæpius. Nam cum dies noctem exce-
dit, necesse est horas diei eadem ratione horas no-
ctis superare. Inuenturus ergo quota sit hora diei
inæqualis, primo quære quantitatem diei, per præ-
missam: inuentam diuide in 12. partes æquas: nam
ita tibi quantitas vnius horæ inæqualis produce-

tur, quæ habita, vide quot sint horæ æquales elapse ab ortu solis ad tempus propositum: tempus illud diuide per quantitatem vnius horæ inæqualis, exhibit demum hora inæqualis temporis præfiniti. Eodem modo per noctem agitur: subducta enim quantitate dici ex 24. horis relinquatur quantitas noctis, quod tempus rursus partire in 12. æquas habebis eo modo quantitatem vnius horæ inæqualis. Demum diuide tempus elapsum ab occasu solis per eam quantitatem horæ, exhibit hora quæsitæ. In his autem partitionibus vtile fuerit horas quantitatis dici ad minuta reducere, quod quomodo fiat, etiam cuius notum est. His autem singulis horis singulum attribuebant veteres dominatorem ex Planetis septem, atque hinc orta sunt nomina dierum apud Ethnicos instituta. Si enim à Luna instituta. Si enim à Luna incœperis in die Lunæ, & cuique Planetarum vnā ex 24. horis dederis, tum vigesima quinta, quæ est prima sequentis dici, accidet Marti. Hinc fit, vt dierum nomina sint interrupta: non enim post Lunæ diem sequitur Saturni, sed Martis, post hunc non Solis neque Veneris, sed Mercurij dies, atque ita deinceps, facile igitur fuerit cuius habita hora inæquali, eius dominatorem reperire. Prima enim hora semper cedit planetæ à quo dies no-

men habet . Deinde per ordinem inceditur Planetarum à superioribus ad inferiores , ab his rursus redeundo ad illos, donec completæ sint 24. horæ Haftenus Gemma.

R*eperiuntur horæ planetariæ faciliori modo ex adposita figura . Eius filum ex centro emissum ducatur in dextra parte ad horam, siue partem horæ in æquinoctialis circuli gradibus atque numerus notatâ. In expanso filo, ubi intersectio fili atque primæ lineæ horarum inæqualium notatur, nodulus moveatur . Is nodus deinceps ducto filo, per optatam horam in Aequinoctiali inter reliquas lineas vel arcus, planetæ horam indicat.*

Q V A N D O O R I A T V R ,
 & quando occidat Sol : ex D.
 Burchardi Mythobij
 traditione.

m ij



IN meridiano numera eleuationem polarem regionis vel loci habitationis tuæ, cuius supputationis gradus extremus diligenter notandus, & pinnula ad gradum Solis mouenda: postea circino accipe in Meridiano mensuram quadrantis 90. graduum, & in vertice tuæ regionis locato circini pede, altero pede mobili describe horizontem, qui ubiq; nonaginta gradibus à pūcto verticis distat. Et ubi pes circumactus, pinnulam etiam circumductam solis videlicet tetigerit, ibidem Annulus pinnulas deferens collocatus, cum linea intermedia, ostendit in Aequinoctiali horam ortus in plaga orientali, & horam occasus in plaga occidentali.

FINIS VSVVM EX ALIENA
TRADITIONE.

ASTRONOMICI VSVS.
DE METIENDIS RE-

91

BVS PARS II.

Cap. I.



Vemadmodum tria apud Geometras, omnis quantitatatis, saltem continuæ, certa statuuntur principia, Linea, Superficies, atque Corpus: sic omnis mensuratio, tribus potissimum absoluitur modis. Aut enim ad Lineam refertur mensuratio, & est ubi secundum altitudinem res metiendæ considerantur. Aut ad Superficiem, eoque modo planitiem, & sic latitudines agrorum, camporum atque hortorum areas dimetimur. Secundum corpus verò dimensionem instituimus, si res profundas, ut sunt fontium continentes muri, atque reliqua eius generis plura mensuramus. In has tres differentias mensurationis, omnes res metiendæ, includantur necesse est. Verum, ut sensus & iudicium, absque instrumentis, quo rerum metiendarum certas quantitates percipias, parum sibi constat atque fallitur: Ita ad indagandam rerum veritatem, quod non tam commode quàm recte Galenus disputat, ingeniosorum hominum exercitata iam olim industria, quædam quasi adminicula & fulcra rationis, per quæ ad

intima Veritatis penetrabilia peruenire liceret, excogitauit. Próque diuersitate rerum metiendarum, diuersa etiam reperta sunt instrumēta: qualia sunt. Vlna, digitus, palmus, pes, cubitus, passus, pertica, stadium, miliarium: leuca, itineris certa Gallis vocata dimensio. Mensurationum hæc & alia diuersa instrumenta, diuerso à diuersis tractantur modo. Annuli nostri mensurationis Vsum, per vocatam aliis scalam altimetram, quam suis punctis in Quarta Meridiani circuli diuisam vides, absoluiimus.

DE SCALA ALTIME- tra Annuli. Cap. II.



Membrarum omnium vt duplex est proiectio: aut enim in planitiæ horizontis orthogonaliter erectum corpus vmbra proiicit: càmque Geometræ rectam vocant, aut planities perpendiculariter erecta (qualia murorum atque parietum sunt plana) infixo sibi gnomone, vmbra, quam versam vocant, reddit: sic quoque duplicem, vmbRARUM ratione ita poscente, punctorum ordinem, hunc vmbRis rectis, illum versis destinatum, in scalæ altimetra designatione, excogitarunt. Vtrasque vmbRAS & earum puncta, paulo quàm in Astrolabio solet, diuersius

uersus in *Annuli Quarta*, assignata vides. Vt illic enim per regulam, pinnacidia atque perpendicularare plumbum, opus perficitur: ita hic nullo præter appposito filo, secundum metiendæ rei rationem, altius atque depressius mouendo, rem omnem penitus absolues. Id qua ratione fiat, sequentes propositiones singulæ, suos vsus explicando absolunt. Noueris tamen vsuum bonam partem, ex *Stofflerini* tum aliorum de *Astrolabio* editis libris ad nostrum *Annulum* esse traductam.

CVIVSLIBET REI ACCES-
sibilis inæquali planitiæ erectæ,
altitudo quomodo sit depre-
hendenda. Cap. III.



Applica filum in *Annulo* ad *Quartam* altitudinis, supra mediani intersectionem totius *Quartæ*, in eo loco, vbi ab utroque eiusdem *Quartæ* latere, numerus duodenarius finitur. Suspende *Annulum* de manu tua, cōtra ipsam altitudinē rei metiendæ: tamdiu progredere, aut retrocede, donec visualis vocata linea per ambo foramina addimetorum transiens, summitati rei occurrat, id est, donec per vtriusq; additamenti foramen, summitatē aut cacumen rei videas. Quo habito, metire spatium quod est à medio pedis tui vsq;

IOAN. DRYANDRI ANNVLII

*ad radicem rei eleuatæ, adiecta tamen quantitate
staturæ tuæ, à planitie terræ vsque in visum oculi,
quam à tergo vbi stateras, adde, & quanta erit
hæc quantitas adequata, tanta proculdubio erit al-
titudo rei eleuatæ. Eius rei picturam appositam
vides.*

IDEM ALIO MODO
deprehendere. Cap. IIII.



Nescio an vnquam rectius, quæ de
mensurandis rebus præcipiuntur, ad
vsu applicari queant, quàm si quo-
ridiano vsu fias exercitior: sic e-
nim fit, vt vel nullo demonstrante, quæ opus
postulat,

postulat, eliciantur. Ad hunc exercendi ingenij modum, & eos quæ nunquam ex præceptoris, sola natura & industria duce, quæ nos alij, vix magno & assiduo studio assequimur, illi nulla cura facillimè tenent. Sic aliquoties ego in fabros lignarios, arbores ad struenda ædificia dimensas cædentes, casu incidi. Vtebantur autem tali mensurandi artificio. Baculum rectissimæ longitudinis, ad staturæ suæ proceritatem signatum, ita terræ plano infigebant quod orthogonaliter stante baculo, ea longitudo, quam habebat mensurator artifex (ab oculo ad pedes vsque cõputando) extra terram eminebat. Tum mensurator aut accessit aut recessit tantum ab cædenda arbore, idque sæpius aliter atque aliter, in diuersis stationibus baculum infigendo, quòd resupinus mensurator in terram procumbens, pedibus baculum infixum in terra cõtìngendo, visuali linea per supremã partem baculi ad arboris cacumen respiciendo, tali visus linea extremam partem arboris cædendæ interfecaret. Quod tamen erat, terrestris intercapedinis, inter arboris primam partem & locum capitis mensurantis, in terram resupine decumbentis, rectissima fuit longitudo eius arboris, quam ad ædificij structurã cædendam proposuerat. Verum in hac, atque reliquis similibus mensurationibus, quæ supra planum aliquod considerantur, notandum erit, vt Planities

IOAN. DRYANDRI ANNULI
neque sit montosa neque vsquam à recta horizon-
tis linea declinet.

ALTITVDINEM MENSUR-

randæ rei, per vmbram
suam obseruare,

Caput V.



Vandocunque & vbiunque Solis al-
titudo est 45. graduum, quod singulis
diebus bis cōtingit, tum maxime quan-
do filum ad Annuli Quartam altitu-
dinis, ad 12. puncti signaturam sit motum libere su-
spenso instrumento, si tum radius solis per vtrun-
que additamentum inciderit, erunt omnes vmbræ
pares suis rebus. Si altitudo solis fuerit minor 45.
gradibus, quod idem te docebit filum, vmbra ma-
ior erit altitudine rei, eritque proportio rei ad vm-
bram quam habet numerus punctorum contacto-
rum à filo, ad 12. Vt si puncta signata à radio solis
6. sunt, vmbræque passuum 100. altitudo turris erit
passuum 50. Si vero solis altitudo excefferit 45. par-
tes, rei altitudo vincet longitudinem vmbræ.

NON

NON MUTATO LOCO,

altitudinem eleuatæ rei per
Annulum addiscere.

Cap. VI.



Vas hætenus siue per vmbra[m] siue absq[ue] vmbra, metitus es altitudines, accedendo vel retrocedendo ad rem mensurandam, diuersis stationibus vtendo absoluta sunt. Quod si idem fixo pede non mutato loco experiri velis: Sume Annulum leuatum contra altitudinē, filum adplicato, sic eleuando aut deprimendo, quousque per vtrunque foramen additamentorum, summitatem altitudinis videas: tūc si filum ceciderit super latus vmbre recte, denotat quod altitudo rei maior est spacio intercepto inter radicē altitudinis & mediū pedem tuū. Et in quantā proportionē se habet 12. ad ista puncta quæ abscindit filum, in tantā se habebit altitudo rei ad spaciū inter te & ipsam, addita quantitate stature tue, vt supra admonuimus. Operatio istius hæc est: Numerum punctorum rectorum per filum abscissorum serua, deinde metire spaciū quod intercipitur inter radicem altitudinis rei mensurandæ, & pedem tuum aliqua mensura tibi nota, puta per pedes vel passus &c. et multiplicetur per 12. et productū diuidatur per numerū punctoꝝ supra seruati,

Et quod ex diuisione exierit, erit altitudo rei addita quantitate staturæ tuæ. Exemplum: Sit altitudo $b.c.$, mensuranda, spaciū à radice altitudinis ad pedem meum. $c.d.$ 5. passuum, statura verò de duorum passuum, puncta Annuli Vmbre rectæ ta-
 cta à filio 6. Duco spaciū 5. passuum in 12. Et procreo. 60. quæ diuido per 6. puncta rectæ, Et habeo 10. passus, quibus addo staturam duorum passuum, Et colligo 12. passus: concludo igitur altitudinem propositam habere 12. passus. Si verò filum ceciderit super latus Vmbre versæ, tunc spaciū inter te Et basim rei eleuatæ cum statura tua est maius altitudine rei eleuatæ. Et in qua proportionem se habent puncta abscissa per filum, ad 12. in eadem se habebit altitudo rei mensurandæ ad spaciū inter te Et radicem altitudinis rei, adiecta tamen semper statura tua. Huius partis praxis, hæc est. Puncta Vmbre versæ per filum ostensa, serua ad partem, deinde mensura distantiam inter te Et radicem rei mensurandæ, aliqua mensura tibi cognita, Et eam multiplica per puncta Vmbre versæ supra seruata, Et quod prouenerit, per 12. partire, Et habebis in quotiente altitudinem rei, adiecta quantitate staturæ tuæ. Vide eius rei ocularem demonstrationem in figura apposita.

In

ASTRONOMICI VSVS. 95
 IN PLANITIE, SI NEGA-
 tur accessus ad rem metiendam,
 quomodo tum vestiganda
 sit altitudo.
 Cap. VII.



*Q*uod si forte fluuij fossæ, aut valles, inter pedem mensoris, & rei mensurandæ radicem obstiterint, hoc modo poteris propositæ longitudinis mensuram inuenire. In loco plano, subleuato Annulo, vtrunque pinnacidium, secundum filirationem in numeris punctorum, contra cacumen rei mensurandæ dispone, donec per vtrunque foramen pinnaci-

dij, summitatem videas, & considera subtilius, super quod latus vmbrae filum cadat. Quod si ceciderit super latus vmbrae versa, vide quot puncta filum abscindat, vt & numerum punctorum diuide per 12. & quotientem serua, postea signato loco in quo stetisti, retrocede vel progredere modicum à priori loco, & rursum in secunda statione, Annulum subleua, & iterum summitatem rei per foramina additamentorum respice, & numerum punctorum per filum abscissorum perpende, per quem iterum diuide 12. & quotientem tunc prouenientem subtrahe à primo quotiente prius seruato si fuerit minor, aut e contra, & serua excessum. Verbi gratia: vt filum in secunda statione cadat super 6. puncta diuide per ea 12. & habebis in quotiente duo, quibus subtractis à prioribus 4. seruatis, est excessus duo, quem serua. Postea metire spacium inter duas stationes quacunque mensura volueris, numerum & mensuram illius diuide per excessum prius seruatum, scilicet 2. & numerus qui ex diuisione exierit, addita longitudine tua, ostendit quod quaeris. Exemplum: Si numerus mensurae spacij tui esset 40. pedum, tunc diuidendo 40. per 2. quae sunt excessus, exeunt in quotiente 20. pedes, qui sunt pars altitudinis rei, quibus adde staturam mensurantem, quam finge esse 7. pedum, & colliges 27. pedes altitudinem rei eleuatae. Ex his regula generalis

alis infertur facta subtractione quotientis supra seruatorum extractorum ex punctis vmbrae versæ duabus stationibus inuentis . Si pro excessu remanserit vnum, stationum intercapedo rei mensurandæ altitudini erit æqualis, addita statura mensurantis, vt sepe iam diximus . Si duo remanserint, erit duplum, si tria triplum &c.

AL TITVDO REI SVPER

montem erectæ, cuius altitudinis terminus inferior & summitas videntur, oculo existenti in valle, quomodo dimetiatur.

Cap. VIII.



Inquiratur in valle aut imo naturalis horizon seu planities, id est, quod habeat aliquam planitiem horizonti æquidistantem, in qua operatio mensurationis perfici queat. Qua habita, considera primo altitudi-

altitudinem montis per duas stationes, secundum doctrinam antecedentem, deinde observa altitudinem turris & montis simul, & per eandem doctrinam, & tunc subtrahe altitudinem montis ab altitudine totius aggregati simul, & residuum erit altitudo turris, quod apposita figura demonstrare videtur.

DE LONGITVDINE, id est, planitie mensuranda. Caput IX.





*H*abitā notitia dictorum, de altitudine rei perpendiculariter stantis, facile intelliges hæc paucula, quæ de mensuratione plani secundum longitudinem subiiciemus. Nam per longitudinem notam, didicisti altitudinem ignotam. Hic contra, per altitudinem notam, cognosces longitudinem planitieii ignotam. Cum igitur planum, cuius terminus videtur, siue sit accessibilis siue inaccessibilis, officio Annuli, secundum longitudinem metiri volueris: Principio omnium dispone Virgam mensuriam, quæ secundum omnem præcisionem, sit tantæ longitudinis quanta est statura ab oculo vsque ad pedem, quam per certam mensuram tibi cognitam diuide, & melior ipsius diuisio est in 12. partes æquales, Quæ disposita, sta in vno termino plani secundum longitudinem mensurandi, et suspensum eleua aut deprime Annulum, mediante filo suo, quousq; per additamentorum foramina, ex aduerso, alterum litem aut terminum plani videas. Quo perspecto, supputa diligenter puncta per filum abscissa, quæ fere semper sunt puncta vmbraë versæ: tunc enim maior est longitudo plani quam Virga mensoris. Per puncta igitur abscissa iam supra inuenta, diuide 12. & numerus quotiens ostendit tibi quanta est pars Virgæ mensoriæ, respectu longitudinis planitieii quam mensuratus es. Si enim filum præcise absciderit

absciderit lineam mediæ vmbrae, id est, supra medium Quartæ altitudinis, erit longitudo plani æqualis virgæ mensoriæ. Si autem filum ceciderit super punctum XI. vmbrae versæ, erit longitudo virgæ semel sumpta cum eius parte XI. longitudo planitie. Si ceciderit super 10. punctum vmbrae versæ, erit longitudo virgæ semel accepta cum duabus decimis virgæ, longitudo spacij plani. Si præterea filum ceciderit super 9. puncta vmbrae versæ, erit virgæ longitudo semel accepta cum tribus nonis, ipsius mensura longitudinis. Si filum ceciderit super 8. puncta vmbrae versæ, longitudo virgæ semel sumpta cum eius dimidio mēsurabit plani longitudinem. Si ceciderit super 7. puncta vmbrae versæ virgæ. i. cum quinque septimis. Si super 6. virga bis sumpta quæsitū absoluit. Si super 5. habebis duas virgas & duas quintas. Si super 4. tres virgas præcisè habebis. Si super 3. puncta, virgas 4. Si super duo, virgas 6. Et demum si filum ceciderit, super primum punctū vmbrae versæ, significat quod spacium longitudinis habet se in proportionē duodecupla, ad virgam. Quare si tandem duodecies sumpseris, plani longitudinem colliges. Vide figuram.

IOAN. DRYANDRI ANNVLII
DE PROFVNDITATE
mensuranda.
Cap. X.



*Rimum addisce quantitatem diametri
latitudinis putei, qua cognita, suspenso
Annulo, eousque subleua aut deprime
Annulum, mediante filo, donec per
vrius-*

Vriusque additamenti foramina, (Annulo ad la-
 brum putei mensurandi ad moto) ab isto latere in
 quo stas, videris terminum in fundo putei lateris
 oppositi, ita quod vno prospectu, terminum supe-
 riorem putei & inferiorem ei oppositum contem-
 pleris. Quo facto, si filum ceciderit super lineam
 Vmbrae mediae, erit profunditas aequalis latitudini
 putei. Si autem linea (vt propemodum semper fit)
 ceciderit super puncta Vmbrae rectae, profunditas
 maior est latitudine. Considera igitur numerum
 punctorum, deinde diametrum longitudinis pu-
 tei mensura aliqua mensura tibi nota, & ean-
 dem multiplica per 12. productumq; diuide per nu-
 merum punctorum Vmbrae iam inuentorum, &
 numerus quotiens profunditatem pueri ostendit.
 Vel aliter & facilius: Per numerum punctorum
 inuentorum diuide 12. & numerus quotiens in
 promptu ostendit quotiens latitudinem putei re-
 cipere debeas pro putei profunditate, & secundum
 hunc modum, age per omnia cum diame-
 tro latitudinis putei, quemadmo-
 dum cum virga mensoria
 super institui-
 mus.

ASTRONOMICI VSVS.
CONCLUSIO
operis.

*S*Vnt hæc obiter de *Vsu Annuli* dicta: quòd si
Seius instrumenti commoda singula indicare
velim, candide lector, mihi laborem, tibi fortassis
legendi tedium citius, quàm operi finem apposue-
ro: tot enim abstrusa Instrumentum hoc nostrum
habet commoda, vt singula vel carptim hic recen-
sere non liceat, quadam etiam lubens, lectoris in-
dustriæ eruenda relinquimus. Vale amice lector,
atque operam nostram bene consule.

FINIS ANNULI DRYANDRI, TAM
COMPOSITIONIS QVAM EX-
PLICATIONIS VSVM,
EIVSDEM INSTRV-
MENTI.

AD BESSARIO-

NEM CARDINALEM NICENVM AD PATRIARCHAM CONSTANTINOPOLITANUM: De compositione Meteoroscopi, Ioannis de Regio monte Epistla.





*O*rganum Ptolemæi, Reuerendissime domine, cuius adminiculo longitudes ac latitudes locorū in superficie terrestri inquiruntur, si recte mentē opificis auguror, in hunc ferme modum componitur.

Sic armilla parvæ quidem profunditatis, sed maioris latitudinis, qualis est armilla horizontalis in machina sphaeræ solidæ. Ea hic quoque horizontis simulachrum gerit, notisque a. b. c. d. inscribitur, & ut grata tibi res fiat, cursim quasi per speciem exempli, structuram hanc comminiscar, quod & Vigiliæ meæ perpetuæ, quibus commentaria Trapezontij exscribere soleo, & hortantur, & vehementer instigant.

Pone igitur ante oculos, dignissime pater, chartam figuris idoneis depictam: & celeritate ingenij tui, calamus scribentis Ioannis tui præverte. Itaque armilla horizontalis notam septentrionis habet a, meridici c. Orientis b. Occidentis æquinoctialis, d. quatuor quadrantes nonagenis gradibus apud puncta aquilonis & austri incipientibus distinguuntur. Hæc armillo incumbit semicirculo, b. r. d. qui columnellæ tribus brachijs innixæ connectitur: consultius enim visum est, horizontem duobus non tribus, veluti in sphaera solida, sustentaculis extolli, qualiberius & expeditius, iter radijs stellarum, præbeat.

Armilla a. e. c. f. Meridianum, ut in Sphæra solida representat, in qua duæ notæ, s. & t. duos mundi polos exprimunt, scilicet quidē Aquiloniū, t. autem Notium. Hæc armilla tribus incisuris immissa, quarum duæ quidem in horizonte apud, a. & c. sunt, tertia verò in semicirculari armilla iuxta f. circumuolui debet, quando opus fuerit, ita ut polus, scilicet Borealis eleuetur supra horizontem, aut deprimatur, prout res ipsa hortabitur: in qua duæ notæ u. & x. situm æquinoctialis circuli insinuāt, à polo utroque nonagenis gradibus remotæ. Ipsos autem gradus à memoratis notis ad polos numerari decebit. Hic meridianus etsi per incisuras se continentes labi possit, fixus tamen non ab re cognominabitur, tum quia neque ad ortum neque ad occasum flecti possit, tum quia si cuiquam habitationi addictus fuerit, nunquam in eius ministerio mouendus est. Nam & alio meridiano mobili opus est, quem 4. notis h. k. l. m. significamus, qui omnino similis est priori, sed minor, ut quando intra alium locatus fuerit, superficies eius connexa pene tangat concauam alterius.

Mobilem autem dicimus, quòd diuersis & longitudine differentibus locis, in vtro instrumenti applicari soleat. Cui conseritur alia omnino equalis armilla, ad rectos angulos facta in vtraque armilla alternis inscissuris, per quas ipsæ armillæ con-

sertæ, sese inuicem quasi mordere videantur. Huic æquinoctialis nomen esto, habetque hic notas quatuor, h. q. u. l. Eius numeri ab h. utroque versum, ad octoginta & centum usque procreant: & si eos ad trecentos & sexaginta adauxeris, facta duplici numerorum serie, mirabilem in locis veris stellarum perquirendis usum adipisceris.

Meridianus, duas quoque polares notas, k. & m. gestare cernitur, ubi, scilicet bini numerorum ordines confluent. Sub eo autem meridiano armilla minuscula constituitur, nusquam quidem ab eo declinare potens.

Circumuoluitur autem liberè ubi opus fuerit: in cuius altera laterali superficie, duæ quadratæ auriculæ exurgunt per diametrum oppositæ ad suscipiendorum radiorum gratiam perforatæ.

Præterea quadrante quodam opus est, qui ex polo horizontis superno demissus ad horizontem, incredibile est quantam in exercitio huius machinæ vim habiturus sit. Eum hic nonagenario graduum numero distinctum duobus sigillis, e. & g. conclusimus.

Postremo apud quatuor notas, s. t. m. & k. duorum meridianorum, quatuor foramina duos teretes cylindrulos receptura fiant, aduersus centra porrigendos. Meridiano igitur mobili intra fixum posito, cocuntibusque binis polaribus notis, huiusce-
modi

modi immitti debent Cylindri, vt meridiani quidem ipsi cohæreant, minor autem intra maiorem libere vltro citrôque prolabi queat.

Hæc hæctenus de fabrica quàm breuissimè. Nunc ad vsum instrumenti venire libeat. Nolim autem hic expectes omnem huius organi fructum, sed cum solum, & quidem paucissimis verbis, qui ad longitudes latitudinésq; locorū terrestrium accommodari queat: siquidē ad alia opera merapit fortuna mea fluctuabunda, cuius profecto ludibria propediem explodendæ, nisi negetur mihi reditus, excutiam, ac prorsus pessundabo.

Si itaque latitudo cuiuspiam loci nota fuerit, libeatque inuestigare longitudinem latitudinēque alterius loci: longitudinem non ab oriente aut occidente, sed respectu loci, cuius latitudo nota supponitur, quem discretionis gratia primum agnominabimus: reliquus, enim cuius tam latitudo, quàm longitudo quaeritur, secundus accipietur.

Exploratum prius sit spatium terrestre inter duo loca comprehensum, quot verbi gratia miliaria talis intercapedo contineat. Nam per eam, quum in circulo magno terrestri accipi soleat, cognoscatur arcus circuli magni, qui per puncta verticalia duorum locorum concluditur. Item situs siue positio secundi loci respectu primi præsupponatur, qui quidem intelligitur per angulum

quem continet linea itineris cum linea meridiana primi loci. Hunc autem angulum determinat arcus horisontis ab altera notarum, a. & c. prout positio secundi loci exposcit, numerandus. Qui idcirco arcus positionis nuncupatur, sicut & arcus cœlestis circuli ad duo puncta verticalia desinens, arcus itineris ritè agnominari potest.

Pone itaque pedem quadrantis ad finem arcus positionis, quo illic firmato, traduc meridianum mobilem ad finem arcus itineris: tunc enim arcus quidem meridiani mobilis, inter æquinoctialem & quadrantem conclusus, latitudinem secundi loci patefaciet: arcus autem æquinoctialis circuli inter eundem meridianum mobilem, & meridianum fixum deprehensus, longitudinem exhibebit quæsitam.

Quod ut liquidiùs constet, accipe meridianum primi loci, a. e. c. t. in quo punctus verticalis, e. sitq; positio secundi loci occidentalis & septentrionalis. In medietate igitur occidentali armillæ horizontalis, sit arcus a. g. positionis, ad cuius finem g. pone pedem quadrantis, ita ut situs quadrantis arcu e. g. repræsentetur, arcus itineris qui sit, e. i. Ita ut i. intelligatur punctus verticalis secundi loci super quem posito meridiano mobili, s. h. t. arcus quidem, h. i. latitudinem, h. q. autem longitudinem secundi loci depromet. Nam dimidium æquinoctialem,

Etialem, v. q. x. exprimere volumus.

Iam satisfecisse venerationi tuæ videor quàm paucis, quamuis etiam illius ingenium tuum perspicax, non eguerit. Veruntamen ne tardiusculus ad iussa tua viderer ac obseruantia imo verius tuæ erga me beneuolentiæ contemptor, aut neglector dici possem, hoc breue monumentum literis mandare decreui, & eò libentiùs, quo rem tibi gratam futuram arbitratus sum. Si autem, quod haud suspicor, cæteros huius organi vsus per te ipsum reperire non confidas, sed ex me summopere cupias, non pigebit ampliori membranæ calamum applicare. Vale.

BONETI DE

LATIS HEBRÆI ME-

DICI PROVENZALIS ANNULI

Astronomici vtilitatū liber ad Ale-
xandrum sextum Pontificem ma-
ximum.



*Idetur mihi compositio istius Annuli
multò facilior Astrolabij cōpositione,
& quadrati Israelis, & aliorū instru-
mētōrū astrologia, & minus tædiosa,
maximè quia est ornamentū nobile, ac semper vi-
sibile in manibus, ad sciendū necessaria, & est in-
strumentū nouum, ideo adaperire debeo suos vsus
& vtilitates, quia plures sunt. Imprimis autem
deo creatori cœli gratias agimus.*

DE

ASTRONOMICI ANNVLII. 104
DE DECLARATIONE
Annuli. Cap. I.



NOTA quod Annulus debet fieri de auro, vel argento, aut alio genere metalli ad modum sigilli ad portandum in digito, & eius declaratio talis est. Super circuitu Annuli sunt 12. signa in suis characteribus. Primum est Aries, secundum Taurus, & ita deinceps: quodlibet signum continet 30. gradus, diuidendo de quinque in quinque gradibus per quæ libet puncta. Item sunt duodecim menses in literis, Martius in ista litera m. Aprilis verò in ista litera a. & sic de aliis. Et quilibet mensis diuiditur de 5. in 5. dies per puncta, & initium Martij est in 20. gradu signi Piscium, & per istos menses, & characteres signorum, sciatur locus solis omni die. Intra Annulum sunt 90. gradus de 5. in 5. lineis, ad inueniendum altitudinem solis & stellarum. Et initium numeri istorum 90. graduum est in linea medijs foraminis, in quod intrat radius solis ad cognoscendum eius altitudinem. Item in superficie Annuli recta, & plana (quæ est super Annulum) sunt tres circuli, quorum primus est minimus, & est circulus Cancræ, Medius æquinoctialis, Maximus vero eorū, circulus Capricorni, qui est vltimus in

circumferentia illius superficiei rectæ & planæ.
 Postea sunt almicanarat qui sunt in medietate cir-
 culi superioris descripti, quorum quidam integri
 apparent, quidam imperfecti, quorum primus ho-
 rizon in duo diuiditur hemisphæria, & dicti cir-
 culi almicanarat continent 10. gradus, & sunt
 in summa 90. gradus à primo vsque ad centrum
 inferioris eorum, quod Zenith capitis nominatur.
 Post sunt 4. erraticæ horæ infra almicanarat.
 Postea linea mediæ coeli, quæ est linea descendens à
 cruce, cuius pars à centro in quo est foramen, dici-
 tur linea meridiei, & alia dicitur angulus terræ,
 & linea mediæ noctis. Postea in circuitu super-
 ficiei in spissitudine eius, sunt 4. horæ signatæ in li-
 neis. Postea sequitur rotula mobilis posita super il-
 lam superficiem, in qua sunt signa 12. characte-
 ribus cum Zodiaco constituto, & dicitur rotula
 zodiaci. Item sunt in dicta rotula zodiaci 4.
 puncta, quæ 4. stellas fixas significant. Primus
 punctus significat Aldebaram, & est in secundo
 gradu signi Geminorum. Secundus significat cor
 Leonis, & est in 23. gradu signi Leonis. Tertius
 significat cor Scorpionis, & est in secundo gradu
 signi Sagittarij. Quartus significat candam Capri-
 corni, & est in 15. gradu signi Aquarij. Item in
 rotula zodiaci sunt 28. lineæ, quarum septem 3. si-
 gna continent & significant 28. mansiones Lu-
 næ: deinde

ne: deinde sequitur foramen, quod est in medio lineæ rotulæ Zodiaci, quod transit per caput Arietis & Libræ, in quo est axis continens rotulam cum Annulo, & restringens eam. Postea sunt duo foramina, vnum est in medio Annuli ad suspendendum Annulum ante solem cum filo, alterum foramen est in summitate Annuli pro introitu radij solis, ad sciendum altitudinem eius. Postea est baculus perforatus, qui intrat in foramen altitudinis solis, tum est mobilis & non est semper cum Annulo nisi de nocte per altitudinē stellarum. Postea est filum ad suspendendum Annulum.

AD INVENIENDVM LO- cum solis in omni die.

Cap. II.



I Velis scire locum solis in quo signo est & in quo gradu eius in illa die, pone filum super diem quem habes, & nota super quem ex gradibus signorum cadat filum, ille denotat locum solis in illa die. Exemplum: hodie est 10. mensis Martij. Pone ergo filum super decimum mensis Martij, & quia super primum gradum Arietis cadit filum, in illo gradu est sol hodie.

AD SCIENDVM DIEM
ignotum. Cap. III.

SI diem ignotum inuenire desideras, scias in quo gradu est sol, & in illo gradu in quo est pone filum, & nota super quem ex diebus mensium cadat filum, ille designat diem mensis ignoti. Exemplum: Hodie sol est in primo gradu signi Arietis, pone filum super illum gradum, & cadet super diem 10. Martij. Et si ignoraueris locum solis, fac sicut dicetur in capitulo 15.

AD INVENIENDVM AL-
titudinem solis. Cap. IIII.

SI altitudinem solis scire desideras, suspende Annulum de manu tua dextra per filum eius, & pone eum ad solem donec per foramen transeat radius solis, & in superficie intrinseca Annuli, vide in quo gradu ex 90. gradibus cadat radius: & illa est altitudo solis.

AD INVENIENDVM GRA-
dum ascendentis & signum ascen-
dentis. Cap. V.

SI certitudinem ascendentis volueris scire, scias primo locum solis: post scias altitudinē solis: post
quere

quære gradum in rotula zodiaci in quo est sol, & pone super almicantarat altitudinis ex parte Orientis, si fuerit ante medium diem, aut ex parte Occidentis, si post medium diem accepisti altitudinem: & ille gradus qui ceciderit super lineam horizontis (quæ est prima linea almicantarat) est gradus ascendens, & signum illius gradus, est signum ascendens, id est, Oriens: quod vero in occidentali, occidens: quod autem ceciderit in linea mediæ cœli, est in medio cœli, & eius nadair in angulo terræ.

Exemplum. Hodie locus solis est: in primo gradu Arietis, & altitudo solis ante meridiem est 30. graduum: pone primum gradum Arietis ex parte orientali super almicantarat 30. graduum, & super primum almicantarat cadet secundus gradus signi geminorum: ille gradus secundus geminorum, est gradus ascendens, & signum geminorum est signum ascendens.

AD INVENIENDVM

duodecim domos cœli.

Cap. VI.

CVm duodecim domos cœli volueris adæquare, quære primo gradum ascendens: & ille gradus qui ceciderit super lineam horizontis, est prima domus, post signa graduum qui ceciderit super

lineam mediꝝ cœli, in qua linea, voluendo rotulam
 zodiaci, pone gradum nadair illi gradui mediꝝ cœli,
 & postea vide in parte lineæ occidentis gradū cor-
 respondentem horæ primæ erraticæ, & ille gradus
 est initium secundæ domus, deinde immota rotula
 zodiaci, vide gradū correspondentem horæ errati-
 cæ secundæ, & ille gradus est initium tertiæ domus:
 postea vide gradū correspondentē lineæ mediꝝ cœli,
 & ille gradus est quarta domus: postea vide gra-
 dum correspondentē horæ erraticæ tertiæ, & ille
 gradus est initium quintæ domus: postea vide gra-
 dum correspondentem horæ quartæ erraticæ, &
 ille gradus erit initium sextæ. Initium autem se-
 ptimæ domus, est nadir ascendentis: Et initium o-
 ctavæ, est nadir secundæ: initium quoq; nonæ, est
 nadir tertiæ: Et initium decimæ est nadir quartæ:
 Et initium undecimæ, est nadir quintæ: Et initium
 duodecimæ, est nadir sextæ. Exemplum. Gradus
 ascendentis est secundus gradus signi Geminorum
 sicut dictum est, & est prima domus, & gradus
 qui cecidit super lineam mediꝝ cœli, est 14. Aqua-
 rij. Volue rotulam zodiaci & pone 14. Leonis gra-
 dum super lineam mediꝝ cœli, & gradus correspon-
 dens horæ primæ erraticæ, est 26. Geminorum, &
 est secunda domus: & gradus correspondens horæ
 secundæ erraticæ, est 20. Cancrī, & est initium
 tertiæ domus: & gradus correspondens medio cœli,
 est 14.

est 14. Leonis, & est initium quartæ domus: & gradus correspondens tertiæ horæ erraticæ est 13. Virginis, & est initium quintæ domus: & gradus correspondens quartæ horæ erraticæ, est 14. Libræ, qui est initium sextæ domus: gradus nadair primæ domus, est 2. Sagittarij, & est septima domus: & gradus nadair secundæ domus est 26. Sagittarij, & est octava domus: & gradus nadair tertiæ est 20. Capricorni, & est nona domus: & gradus nadair quartæ est 14. Aquarij, & est decima domus: & gradus nadair quintæ est 13. Piscium, & est undecima domus: & gradus nadair sextæ est 14. Arietis, & est duodecima domus.

AD SCIENDVM QVOT

sunt horæ, ex horis XII. sicut est
in Gallia. Cap. VII.



Um scire volueris quot sunt horæ de horis duodecim, scias primo solis altitudinem, & pone gradum solis super almicantharum altitudinis ex parte Orientis si fuerit ante meridiem, & pone super illum gradum solis filum, & vide in circulo horarum, super quam horam ceciderit filum, & numera à linea anguli terræ quæ est mediæ noctis, vsque ad illam horam in qua filum cadit, & habebis quot

sunt horæ de horis 12. Exemplum. Hodie locus solis est in primo gradu Arietis, & altitudo eius est in 30. gradu: pone primū gradum Arietis Zodiaci super almicantrat 30. gradu ex parte Orientis, super hunc gradū pone filum & cadet in circulo horarum super horam 9. numerando ex linea mediæ noctis, & si fuerit post meridiem pone gradum solis ex parte Occidentis & numera à linea mediæ cœli quæ est meridies, & scies quot sunt horæ post meridiem, sicut est in patria Gallicana, in qua natus sum.

AD SCIENDVM QVOT

sunt horæ ex horis viginti quatuor. Cap. VIII.

SI scire volueris quot sunt horæ ex horis 24. pone gradum solis super lineā horizontis ex parte Occidentis, & fac signum in circulo horarū cum filo, post volue rotulam Zodiaci versus angulum terræ & pone illum gradum solis super almicantrat altitudinis ex parte Orientis, si fuerit ante meridiem: aut ex parte Occidentis, si post meridiem accepisti altitudinem: deinde fac signum cum filo in circulo horarum, & numera in eodem per viam anguli terræ, ab illo signo primo vsque ad signum secundum, & habebis quot sunt horæ de 24. sicut est

est in Italia. Exemplum. Hodie locus solis est in primo gradu Arietis, & eius altitudo 30. gradus, pone primum gradum Arietis supra lineam horizontis ex parte Occidentis, & fac ibi signum in circulo horarum cum filo, & illa hora est prima: post volue rotulam zodiaci & pone gradum primum Arietis super almicantaratus 30. gradus ex parte Orientis, quia nunc est ante meridiem, & fac signum cum filo, & numera à primo signo quod est prima hora per viam anguli terræ vsque ad secundum signum 1. & erunt 15. horæ: & si est post meridiem, pone gradum illum 30. gradus in almicantaratus ex parte Occidentis, & erunt 21. horæ.

AD SCIENDVM QVOT

sunt horæ ab ortu solis.

Cap. IX.

SI scire volueris quot horæ æquales transferunt de die, accipe gradum solis, & eius altitudinem, & pone eundem super almicantaratus altitudinis, & tunc signa locum in circulo horarum: postea volue retro gradum solis, vsque ad primum almicantaratus ex parte Orientis, & secundo nota locum eiusdem in dicto circulo, postea numera ab illo signo primo vsque ad secundum, & habebis quot sunt horæ ab ortu solis: etsi est post meridiem

pone illum gradum solis ex parte Occidentis super
almicantarat altitudinis, & numera ab illo signo
primo vsque ad secundum per viam medij coeli.
Exemplum. Hodie locus solis est in primo gradu
Arietis, & altitudo eius est in 30. gradu, pone il-
lum gradum 30. gradus super almicantarat ex parte
Orientis, quia est ante meridiem, post pone illum
gradum super horizontem, & fac signum & nu-
mera à primo signo vsque ad secundum, & erunt 3.
horæ æquales, quæ transierunt de die, & si est post
meridiem, pone illum gradum ex parte Occidentu,
& erunt 9. horæ ab ortu solis quæ transierunt de die.

AD SCIENDVM QVANTI- tatem diei & noctis. Cap. X.

SI volueris arcum diei cognoscere, pone gradum
solis super primū almicantarat ex parte Oriētis,
& fac signum in circulo horarum. Postea volue
rotulam zodiaci per viam medij coeli, & pone illū
gradum in linea horiZōtis ex parte Occidentis, &
nota eius in locum in circulo horarum cum filo, &
horæ & partes earum, quæ sunt ab vna nota in
aliā, est arcus diei, reliqua vero pars circuli,
est arcus noctis, quia totus circulus continet
24. horas & quantitatem diei & noctis.
Exemplum. Hodie sol est in primo gradu Arie-
tis, pone primū gradum Arietis super horizontem

ex parte Orientis, postea pone illum gradum ex parte Occidentis super horizontem, & numera partes horarum per viam mediꝝ cæli quæ sunt ab vna nota in aliam: & sunt 12. horæ. Ergo 12. horæ est quantitas diei hodie.

AD SCIENDVM QVANTITATEM HORÆ ERRATICÆ DIEI.

Cap. XI.

SI volueris scire arcum horæ inæqualis diei, scias primo arcum diei, sicut dictum est, & horas illius quantitatis multiplica per 15. & illam summam diuide per 12. & habebis numerum graduum horæ inæqualis diei, quæ si subtraxeris à 30. remanebit numerus graduum horæ nocturnæ, quia hora inæqualis diurna cum hora inæquali nocturna, facit 30. gradus in omni die, quæ sunt duæ horæ æquales. Exemplum. Hodie quantitas diei est 14. horæ, multiplica eas per 15. & erunt 210. quem numerum diuide per 12. & erunt 17. gradus, & 5. minuta, ergo 17. gradus & 5. minuta est arcus horæ erraticæ diei: deinde subtrahe dictum numerum à 30. & remanebunt 12. gradus & 55. minuta, & est numerus graduum horæ erraticæ nocturnæ. Et hoc caput est apprime necessarium, in Astrologia ad sciendum dominũ horæ, vt dicitur in capite 24.

BONETI DE VSV
AD SCIENDVM QVAN-
tatem horæ æqualis.
Cap. XII.

SI volueris scire arcum horæ æqualis, diuide
360. per 24. horas quæ sunt in circulo horarum,
& habebis numerum graduum horæ æqualis de
die, & de nocte, quia illæ horæ circuli horarum
sunt æquales & quælibet continet 15. gradus.

AD REDVCENDVM HO-
ras erraticas ad æquales:
Cap. XIII.

CVM volueris reducere horas inæquales ad ho-
ras æquales, scito gradus horarum inæqua-
lium quot sunt, & diuide gradus earum per 15. &
habebis horas æquales. Exemplum. Quantitas ho-
ræ erraticæ est 17. gradus & 5. minuta & sunt
12. qui sunt 210. gradus: diuide per 15. & erunt 14.
horæ æquales.

AD SCIENDVM ALTITV-
dinem solis in meridie.
Cap. XIII.

CVM scire volueris altitudinem solis in media
die, quæ est initium recessions, pone gradum
solis

solis supra lineā mediꝝ cœli, & numerus graduum
 almicantarat à loco solis in horizonte, est altitudo
 eiusdem mediæ diei dummodo Annulus sit factus
 ad altitudinem climatis, in quo quæris altitudinē.
 Exemplum. Hodie sol est in primo gradu Arietis,
 pone primum gradum Arietis supra lineam mediꝝ
 cœli, & numera ab Oriente vsque ad almicanta-
 rat in qua applicatur ille gradus super lineam me-
 diꝝ cœli, quot sunt gradus, & erunt 48. Ergo alti-
 tudo solis in media die illius diei, est 48. gradus,
 Ante scito quod circulus signorum diuiditur in
 duos semi circulos, quorū vn⁹ est à capite Capricor-
 ni, in caput Cancrī. et alius à capite Cācri, in caput
 Capricorni. Et caput Capricorni est solstitium hye-
 male, & caput Cancrī æstiuale. Scito etiam quod
 omnes æquē distantes gradus ab aliquo horum sol-
 stitiorū sunt. vnius declinationis versus septentrio-
 nem vel meridiem, & dies eorum vel noctes sunt
 æquales, & vmbra, & altitudines æquales in me-
 dia die.

AD SCIENDVM LOCVM

solis sine notitia diei.

Cap. XV.

CUm scire volueris gradum solis ignoto die, po-
 ne notam super altitudinē mediæ diei in me-

dietate quam sumpſiſti prius per foramen, quod eſt ad ſciendum altitudinem ſolis, deinde volue rotulam zodiaci, cadentque duo gradus ſuper ipſam notam, quorum vnum ſcies eſſe gradum ſolis, quo cognito ſcies diem menſis. Exemplum. Hodie altitudo ſolis eſt 48. in media die, volue rotulam & vide gradum ſignorum zodiaci cadentem ſuper almicanarat altitudinis graduum, & erit primus gradus Arietis, vel primus gradus Libræ: & quia eſt tempus hyemale, ergo ſol eſt in primo gradu Arietis. Pone filum in circulo meſium ſuper primum gradum Arietis, & cadet ſuper decimum menſis Martij & per hoc caput habebis locum ſolis, & diem ignotum.

AD SCIENDVM QVÆ

dies ſit æqualis alteri.

Cap. XVI.

CVm volueris ſcire quæ dies alteri ſit æqualis, ſcias hoc per gradus æquè diſtantes à ſoſtitijſ, quia eorum dies ſunt æquales ſicut dictum eſt. Exemplum. Dies 30. menſis Nouembris eſt æqualis die 25. menſis Decembris, quia ſoſtitium hyemale eſt quando ſol eſt in capite Capricorni, quod eſt in die duodecima menſis Decembris, & ſic de alijs.

AD

AD SCIENDVM DECLI-

nationem signorum ab æqui-
noctiali linea.

Cap. XVII.

SI scire volueris declinationem cuiuscunque gra-
dus signorum, pone eum super lineam medij coeli
& scito eius altitudinem ab horizonte. Postea sci-
to altitudinem capitis Arietis, vel Libræ in eadem
linea, & differētia huiusmodi altitudinum est de-
clinatio huius gradus ab æquinoctiali. Si autem
fuerit gradus septentrionalis, septentrionalis est de-
clinatio, si meridionalis, meridiana. Exemplum.
Pone primum gradum signi Cancrī super lineam
medij coeli, & numera ab horizonte vsque ad al-
micantarā altitudinis eius, & erunt hic Romæ
72. gradus, & altitudo primi gradus Arietis est
48. ergo declinatio primi gradus Cancrī ab æqui-
noctiali linea est 24. gradus, qui sunt differentia
vtrarumque ipsarum altitudinum.

AD SCIENDVM LA-

titudinem ciuitatis.

Cap. XVIII.

SI volueris scire latitudinem ciuitatis quæ est di-
stantia Zenith capitis ciuitatis eius ab æquino-

Etiali linea, considera altitudinem solis in media
 die, quam minues de 90. si fuerit sol in initio Arie-
 tis, vel Libræ quæ est in 10. die Martij vel Septē-
 bris, & residuum est latitudo ciuitatis: tunc enim
 erit motus solis in æquinoctiali linea. Si vero in a-
 lio gradu fuerit sol, & in alia die, tunc eius gradus
 considera declinationem per cap. præcedens, quam
 minues de altitudine solis in media die si fuerit
 Septentrionalis, vel adde eidem si fuerit meridia-
 na, & habebis altitudinem initij Arietis in illa ci-
 uitate, quam subtrahas (sicut prius dictum est) à
 90. & quod remanserit erit distantia regionis ab
 æquinoctiali linea. Exemplum. Quando sol est in
 primo gradu Arietis, vel Libræ, altitudo solis tunc
 est 48. in media die, quam minues de 90. & rema-
 nebunt 42, ergo 42. est latitudo ciuitatis Romæ.
 Exemplum. In alijs diebus quando sol est in alio si-
 gno sicut in Cancro, considera declinationem pri-
 mi gradus eius, quæ est 24. & minue illam decli-
 nationem ex altitudine eius quæ est 72. & rema-
 nebunt 48. vel adde super altitudinem primi gra-
 dus Capricorni quæ est 24. & erunt 42. sub-
 trahes 48. à 90. & remanebunt
 42 Ille numerus 42. est
 latitudo huius ciui-
 tatis Romæ.

AD SCIENDVM AD

quam latitudinem Annu-
lus factus est.

Cap. XIX.

SI vis scire ad quam latitudinem factus est An-
nulus, vide quot almicanthararum sunt in circulo
equinoctiali, usque ad Zenith, vel ab axe ad hori-
zontem, ad Septentrionem & super tantam latitudi-
nem factus est Annulus, hæc enim sunt equalia,
hic factus est ad latitudinem Romæ, facies tamen
tibi unum ad latitudinem quam volueris cum mu-
tatione superficiem almicanthararum, ve patet in tabu-
lis Astrolabij instrumenti.

AD SCIENDVM ASCEN-

siones signorum in cir-
culo directo.

Cap. XX.

SI ascensiones signorum in circulo directo scire
desideras, initium cuiusvis signi super lineam
meridianam pone, & fac signum in circulo hora-
rum cum filo, & moue rotulam Zodiaci, donec fi-
nis signi sit super lineam meridiei, & hoc iterum
signa in circulo horarum, & horas quæ erunt inter
duas notas multiplica per 15. & habebis numerum

graduum ascensionum eiusdem signi, & similiter facies ad quamlibet partitionem circuli quia quælibet hora continet 15. gradus sicut dictum est.

Exemplum. Pone initium signi Arietis, super lineam meridionalem, & post moue rotulam Zodiaci, & fac signum in illis duobus locis, & horæ quæ sunt inter duo signa sunt vna hora & quatuor partes vnius, multiplica per 15. & sunt 27. ergo ascensiones signi Arietis in circulo directo sunt 27. gradus.

AD SCIENDVM ASCENSIONES signorum in circulo obliquo.
Cap. XXI.

SI hoc scire volueris, moue rotulam Zodiaci ab initio signi ad finem eiusdem super primum almicantarar, & gradus horarum in circulo horarum, erunt ascensiones signi in illa regione quia quælibet hora continet 15. gradus.

AD

AD SCIENDVM IN

quo signo sit Luna sine
altitudine eius.

Cap. XXII.

Cvm hoc scire volueris, scias primo locum solis, postea scito diem in quo fuit coniunctio Lunæ, et numerabis à loco solis super rotulam zodiaci per lineas quæ signant 28. mansiones lunæ, tot quot sunt dies quæ transierūt à die cōiunctionis lunæ, & illud signum quod inuenies per dictum numerum, ostendet lineam in qua erit Luna. Exemplum. Hodie sol est in primo gradu Arietis, & à die coniunctionis lunæ vsque ad præsentem diem sunt dies 23. numera à loco solis lineas 23. & pone filum super lineam 23. & inuenies lineam in fine signi Capricorni, in qua est locus Lunæ hodie.

AD INVENIENDVM

Ascendens reuolutionis anni
natalis vel mundi.

Cap. XXIII.

Cvm scire volueris hunc gradum Ascendentis anni transacti, super horizontem in Oriente pone gradum solis & in circulo horarum fac notam cum filo post hoc illum gradum moue ab eo-

dem loco per horas 6. & quintam partem vnius horæ quæ sunt 93. gradus, & gradus qui ceciderit super horizontem, est gradus Ascendentis eiusdem Anni. Si autem plures fuerint anni, pro vnoquoque anno deduces illum gradum per sex horas, & quintam partem quæ sunt nonaginta tria. Et gradus existens in parte Orientali est ascendens ipsius. Exemplum. Ascendens reuolutionis istius anni est 8. gradus signi Capricorni, pone eum super horizontem in Oriente, deinde moue ipsum per 6. horas & quintam partem vnius, & primus gradus Genitorum erit Ascendens anni futuri.

AD INVENIENDVM DOMINUM
horæ de die &
de nocte.
Cap. XXIII.

SI hoc scire desideras scias horam erraticam notis illius diei per caput 11. quia qualibet hora erratica habet suum dominum vnum ex 7. planetis secundum ordinem eorum, in coelo, videlicet in die sabbati dominus primæ horæ est Saturnus: dominus secundæ est Iupiter, & sic per ordinem vsque ad 12. quia quæcunque dies sit vel nox longa vel brevis, continet 12. horas inæquales & super quantitatem illius horæ erraticæ inuentæ, domi-

natur

natur vnus planeta. Et hoc amplius apparet in tabula inferius descripta.

	1	2	3	4	5	6	7	8	9	10	11	12
Nox dominicæ	M	L	S	I	m	S	V	M	L	S	I	m
Dies dominicæ	S	V	M	L	S	I	m	S	V	M	L	S
Nox lunæ	I	m	S	V	M	L	S	I	m	S	V	M
Dies lunæ	L	S	I	m	S	V	M	L	S	I	m	S
Nox martis	V	M	L	S	I	m	S	V	M	L	S	I
Dies martis	m	S	V	M	L	S	I	m	S	V	M	L
Nox mercurij	S	I	m	S	V	M	L	S	I	m	S	V
Dies mercurij	M	L	S	I	m	S	V	M	L	S	I	m
Nox iouis	S	V	M	L	S	I	m	S	V	M	L	S
Dies iouis	I	m	S	V	M	L	S	I	m	S	V	M
Nox Veneris	L	S	I	m	S	V	M	L	S	I	m	S
Dies Veneris	V	M	L	S	I	m	S	V	M	L	S	I
Nox sabbati	m	S	V	M	L	S	I	m	S	V	M	L
Dies sabbati	S	I	m	S	V	M	L	S	I	m	S	V

M, Mercurius. L, Luna. s, Saturnus. I, Iupiter, m. Mars. S, Sol. V, Venus.

AD SCIENDVM ALTI-
tudinem stellarum.
Cap. XXV.

C*vm hoc scire volueris, suspende Annulum de manu tua dextra per filiũ, & per baculũ per-*
p ij

foratum vide stellam, & in superficie intrinseca
Annuli vide in quo gradu de 90. gradibus cadat
baculus, & ille stellarum est altitudo.

AD SCIENDVM GRA-
dum Ascendentis
de nocte.

Cap. XXVI.

CUm hoc scire desideras, accipe altitudinem v-
nius stellæ fixæ, de illis quatuor quæ sunt in
punctis in rotula zodiaci, & pone gradum in quo
est illa stella fixa in almicantarar suæ altitudinis,
ex parte Orientis si stella est in Orientis parte, vel
ex parte Occidentis si est in occidente, & ille gra-
dus qui ceciderit super lineam horizontis quæ est
prima linea almicantarar, est gradus ascendentis.
Exemplum. Hodie locus cordis Leonis stellæ, est in
gradu. 23. signi Leonis, & altitudo eius stellæ in par-
te Orientis est 30. gradus, pone gradum. 23. Leonis
super almicantarar. 30. gradus, & super horizon-
tem cadet 20. gradus signi Virginis. Ille
gradus 20. Virginis est gradus
Ascendentis.

AD

ASTRONOMICI ANNALI. 115
AD SCIENDVM QVOT
sunt horæ de nocte.

Cap. XXVII.

SI ad illius notitiam peruenire volueris, accipe al-
titudinem vnus stellæ fixæ ex illis quatuor quæ
sunt in rotula zodiaci, & pone gradum in quo est,
in almicantaræ suæ altitudinis ex parte Orientis,
si est in Oriente, vel ex parte Occidentis, si est in
Occidente. Postea pone filum supra gradum solis,
& fac signum in circulo horarum. Post volue ro-
tulam zodiaci, & pone dictum gradum solis su-
per primum almicantaræ Occidentis, & fac si-
gnum cum filo in circulo horarum, & numera ho-
ras quæ sunt inter duas notas, tantæ erunt horæ no-
ctis. Et si volueris scire quando erit media nox, vi-
de quot sunt horæ ex primo signo ad lineam mediæ
noctis. Et si volueris scire quot sunt horæ de 12. nu-
mera ex linea mediæ cœli vsque ad gradum solis in
circulo horarum per viam lineæ Occidentis, si gra-
dus solis est ante lineam mediæ noctis, & si est
post, numera à lineam mediæ noctis per viam Orien-
tis vsque ad lineam mediæ cœli. Exemplum. Gra-
dus cordis Leonis est 23. Leonis, & eius altitudo
30. in Occidente, & sol est hodie in primo gradu
Arietis. Pone 23. Leonis super almicantaræ suæ
altitudinis, & fac signum super primum gradum

Arietis: post volue rotulam zodiaci, & pone primum gradum Arietis super almicantarat primum Occidentis, & numera horas quæ sunt inter duas notas, & erunt horæ 7. & 45. minuta, & post mediam noctem erit vna hora, & 45. minuta, de horis 12.

AD SCIENDVM GRADVM

Ascendentis sine latitudine &
stellis de nocte, & sine
sole de die.

Cap. XXVIII.

SI ad illius notitiam peruenire volueris, scias quot sunt horæ. Postea pone gradum solis in illo puncto horæ in circulo horarum, & ille gradus signorum zodiaci qui ceciderit super primum almicantarat in parte Orientis, est gradus ascendentis. Exemplum. Hodie sol est in primo gradu Arietis, & nunc sunt tres horæ post meridiem, pone gradum solis correspondentem illi horæ in circulo horarum, & cadet super primum almicantarat 10. Geminarum, & hic est gradus Ascendentis.

AD SCIENDVM IN QVO

gradu signi sit Luna sine noti-
tia coniunctionis.

Cap. XXIX.

Cum hoc cognoscere cupis, considera altitudi-
nem Lune, & eam nota in almican-
tarat in qua parte fuerit: deinde aliquam quatuor stel-
larum quæ sunt in rotula Zodiaci tibi notam po-
ne super suam altitudinem in eadem hora cum al-
titudine Lune accepta in parte in qua fuerit, &
gradus circuli Zodiaci, qui ceciderit in almican-
tarat super notam altitudinis Lune, erit gradus
eius. Si autem apparuerit in die, idem facies cum
altitudine illius & altitudine solis, considera igitur
cuius signi sit gradus ille. Exemplum: Nunc
altitudo Lune est in Occidente 30. gradus, & al-
titudo stelle cordis Leonis in Oriente est 40. pone
23. gradum Leonis in quo est stella, super almi-
cantarat in Oriente 40. gradus, gradus,
& quia sex gradus Piscium cadit super
almicantarat altitudinis lune,
quæ posita est 30: in illo igitur
gradu est Luna.

BONETI DE VSV
AD INVENIENDVM
locum planetarum.
Cap. XXX.

CVM volueris scire locum planetarum, facias
sicut dictum est in capite precedenti ad sciendum
locum lune: sic etiam altitudines earum in
nocte poteris elicere.

AD SCIENDVM QUAN-
do Planeta sit australis
vel septentrionalis.
Cap. XXXI.

SI id deprehendere volueris, vide altitudinem pla-
netæ, quando erit in linea meridiana, & si est
æqualis altitudini gradus solis, tunc est in via solis.
Si autem fuerit maior altitudine gradus solis, tunc
planeta est Septentrionalis, à via solis. Si minor,
Australis, & tantum declinat à via solis, quan-
tum altitudo fuerit maior, vel minor.

AD SCIENDVM AN PLA-
neta sit Retrogradus vel
Directus.
Cap. XXXII.

Vtrum autem planeta sit retrogradus, aut di-
rectus si cognoscere velis, quare eius altitudi-
nem

nem cum altitudine stellæ fixæ, & ambas commenda memorie: deinde post tertiam noctem, vel quartam insensibilis est qua stellæ motus expecta, quousque stella habeat eandem quam prius altitudinem: & tunc rursus altitudinem planetæ considera, quæ si fuerit minor altitudine sua prima, erit planeta directus, si fuerit in parte orientali, & si fuerit in parte occidentali, erit retrogradus: si verò secunda altitudo planetæ fuerit maior prima, est retrogradus, hora acceptæ altitudinis consistente in parte orientis: etsi fuerit in parte occidentis, erit directus: & oppositum est de Luna.

AD SCIENDVM ALTI- tudinem turris vel aliarum rerum. Cap. XXXIII.



Pone baculum perforatum super gradum 45. in numero 90. qui est pro altitudine solis, & stellarum, & accipe altitudinem turris non dimouendo baculum ab illo gradu 45. tanta enim est altitudo turris cū altitudine tua, quanta est latitudo quæ est inter te & radicem rei. Et si est impossibile mensurare illam latitudinem quæ est inter te & rem, vide sine mutando locum in terra, & mensura à loco tuo vsque ad locum terræ quem vi-

disti, & tanta est altitudo rei.

BONETVS DE LATIS PRO-
uenzalis Alexandro VI. Ponti-
fici Maximo.

HAEC sunt beatissime pater, *Annuli Astro-*
nomici puncta peregregia, vna mecum ad
sanctos tuos pedes humillime oblata, quæ positis su-
perciliis hilari vultu, vt spes fouet, recipias. Nec
mirum si grammaticæ metas qui hebræus sum la-
tinitatis expers nonnunquam excefferim, nolens
vtile per inutile viciari. Malui tibi rosulas in vili,
quàm vrticas aut lolium in preciosa offerre spor-
tula, vt quæ ad salutem tuam totiusque Reipub.
cōmodum omniumque rerum opificis laudem vti-
lia comperta sunt, ob humilem contextum voca-
bulorum, non omitterentur. Quin potius sub sum-
ma tua maiestate atque authoritate ab omnibus
amplius cognoscerentur.

Parce precor, rudibus quæ sunt errata latino.
Lex hebræa mihi est, lingua latina minus.

BONETI DE LATIS HEBRAEI
ANNVLI ASTRONOMICI
FINIS.

COM-

COMPOSITIO

ALTERIVS ANNULI


NON VNIVERSALIS, SED AD CER-
tam polarem eleuationem instructi
Authore. M. T.



DVC lineam a.c. longam quantum ma-
ximum velis Annulum, super quam
constituas duos triangulos æquilateres
ex vtraque eius parte, eruntque duo
trianguli a.d.c, c.e. a, habentes eandem basim a.
c. æqualiter æquianguli, quare si ab angulo, d. ad
angulum, e. rectam duxeris per vtrunque trian-


gulum decussabis basim in puncto b. Deinde diuide semibasim a. b. vel b. c. in 90. gradus, adiectis numeris ab a. versus b. aut ab c. versus idem b. punctum medium. Satius est tamen multo, si aliam lineam extra triangulos, vt dictum est, diuidas, æqualem tamen lineæ, a. b. vel b. c. ex qua diuisa, horarum omnium eleuationes diligenter tam in minutis quàm in gradibus supputas, ad lineam, a. b. vel b. c. transferens.

Antequàm tamen transferas, præstat lineæ a. c.



basim vtrunque parallelas lineas applicare, duas quidem equaliter ab ea distantes, quarum vna Arieti & Libræ, altera vero Cancro & Capricorno datur: ipsa aut media habebit 4. signorum principia, nempe Tauri & Virginis, Piscium & Scorpionis. Restat nunc alia linea inuenienda quæ reliquorum 4. signorum contineat principia, nempe Geminorum & Leonis, Aquarij & Sagittarij. Hæc ita inueniri debent: Pes circini ponatur in linea Arietis & Libræ a. b. altero in lineam Cancro & Capricorni c. d. deducto: describe semicirculum super lineam Arietis & Libræ ac reseruata semidiametro in circini pedibus, quorum alter ponatur in eadem linea vbi eam peripheriæ arcus secat, alter eandem semicirculi circumferentiam; notabit in duobus punctis, per quæ tangentem ducenda est

est dictorum signorum linea, prius ductis parallelus, angustissimum spaciolum inter se & lineam Cancri & Capricorni relinquens, fere enim subtriplum est ad spaciolum proxime sequens, cum quo simul iunctum tertio est æquale, ut facile cuius sequentem figuram intuenti patebit, linea a.c. triangulorum basis est, 4. signa continens, reliquæ li-



neæ sua quæque signa tenent, quorum loco rudiorum gratia, mensium dies, quibus solem singula signa ingredi comperimus, ponere consuevimus, id quod latius in *Annuli* usu dicetur quàm ut hic modo referendum sit, ubi solum *Annulorum* typum tracto, quo commodissimè fieri possit ut non opus sit pro cuiusvis digitorum quantitate aliam atque aliam diuidere lineam, quod sanè difficillimum in hac arte foret atque si ex eadem linea, aut maiorem aut minorem ea (*Annulum* signaueris) toto nimirum aberras cælo necesse fit.

Porrò in hoc te præmoneo, ne putes me vno isthoc typo, ad omnium regionū latitudines diuersos *Annulos* designaturum esse, imò dico *Annulos* statim

differre in ostensione horarum, si vel vno tantum gradu mutaueris horizonta, à meridiano in septentrionalem profectus, aut ex contrario. Nihil tamen different, sicut nec alia quæque horologia si ab ipsis etiam insulis fortunatis in extremam Indię partem perrexeris, sub eodem semper parallelo, aut saltem secunda ab eo vtrunque non excesseris. Differunt enim omnes paralleli inter se per quartam partem horæ, præsertim in quantitate diei solstitialis, eandem etiam horarum differentiam Annuli sentiunt, tamen in aliis horis tum in primis in meridiana quoniam ob angustiam linearū circa meridianam horam, facile vel totam horam (si verum liceat fateri) aberrabunt Annuli vbi vno, vt dixi gradu mutaueris horizonta.

Ceterum vt ad fabricam typi redeam, lineas b. c. & b. d. in partes aliquotas diuide vel 20. vel 30. siue plures siue his pauciores: per puncta diuisionum producito lineas singulas ad latera vsque triangulorum basi æquidistantes adiectis vtrobiq; numeris, ab ipsa basi sumpto numerorum initio, vt prima vnius trianguli æqualis fiat primæ lineæ alterius, secunda secundæ, tertia tertiæ, & sic continuo progressionis ordine obseruato.

Proderunt hæ lineæ signandis Annulis quibuslibet, atque quantæcunque magnitudinis Annuli futuri sint æqualem inter has æquidistantes reperias

rias lineam antequam Annulos signes, qua reperta in vno triangulo numerus eius alteram ei equalem in triangulo altero indicabit. Has duas Annulo equidistanter applica, vt extremitates eius occupent, quatuor signorum indices erunt, videlicet Aries & Libra vna, altera verò Cancer & Taurus, quarum media quæ producitur 4. signorum principia obtinebit, vt paulo superius dixi. In vtroque triangulo parallelam lineam primam punctis affice, supputatis numeris horarum eleuationum trium circularum, videlicet: Cancri Tauri & æquinoctialis, in linea pari diuisa extra triangulus ad hunc modum.

TABVLA HORARVM LI-
neunculis inscribendis inseruiens,
ad eleuationem poli quinquaginta & vnus gradus
Marpurgi.


M. T. COMPOS. ANNVLII

Horæ		G	M	G	M	G	M
12		62	30	39	0	16	30
11	1	60	9	37	26	14	20
10	2	54	4	33	2	10	56
9	3	45	53	26	25	5	38
8	4	30	46	18	21	Capricorni elevationes.	
7	5	27	17	9	19		
6	6	18	3	0	1		
5	7	9	18	Arietis & Librae.			
4	8	1	13				
Ante meri- diem.	Post meri- diem.	Cancr.					

Maximam Solis eleuationem meridianam quæ est in Cancro diligenter in linea tua extra notata supputa, atque in finem supputationis extende pedem circini, altero in initio lineæ stante: hanc pedis distantiam ita ad basim triangulorum transfer, ut dum vnus pedis steterit in b. altero notabis lineam a. c. versus c. in puncto d. atque eodem modo posito pede vno in b. notabis eandem lineam c. b. a. versus a. in puncto, e. eruntque puncta d. & e. Annuli foramina per quam angusta.

Per


*Per puncta eadem ducantur lineæ transversæ æ-
quidistantes quidem intra limites annularis latitu-*



dinis, quæ ex vtraq; parte æquè absunt à media linea, in qua est b. punctus, relinquētes spatia signorum, scribendis characteribus apta, quorū quisque quem sibi locum vendicet, supra est expositum.

Reliquarum horarum in Cancro eleuationes accurate in linea numeratas ac similiter acceptas per circinum transferes ad lineam Cancri, vbi intersectatur à linea transeunte per punctum d. posito pede vno, altero signante lineā Cancri pro singulis horis, fac notulas in eadem linea Cancri.

Similiter captis eleuationibus in Capricorno sin-



gularum horarum translatisque per circinum ad lineam Tauri ponendo pedem; in altera transversali linea, quæ transit per foramen e. fac itidem notas.

Tandem accipe eleuationes æquinoctiales pro singulis item horis binas notas, facies, alteram quidem in lineam Arietis posito pede in linea d. alteram vero in linea Libræ pede tunc consistente in linea e. Quas omnes cum in tribus illis circulis signaueris linea recta semper binas coniunge, primam scilicet notam in linea Arietis, quam dedit meridiana eleuatio, coniungendam intellige cum extrema parte

parte lineæ Cancrī, in qua est linea transversa, quæ transit per, a. c. & secundam in Ariete cum secunda in Cancro, sicque deinceps ductis lineis per Annuli latitudinem, donec ventum fuerit ad septimam notam in Cancro, quam coniunges Annulo quæ sit ex linea Arietis & transversali per d. ducta.

At quia dies solstitiales pluribus horis, quàm æquinoctiales constant in omni climate, exacte cognoscendum est in quo signo septima hora à meridie Sol occidere soleat: eius signi gradum in arcu suo antea ducto, inuestiga, per quem ducta linea, puncta in transversalibus pandet, ad quæ lineæ duarum horarum, scilicet septima & quinta postmeridiana, ducendæ sunt, illa quidem ex linea Cancrī, tempore æstatis, hæc vero ex linea Libræ tempore hyemīs. Gradus illarum horarum æquedistant à solstitiis.

Vnde fit ut altero inuento non sit necessarium laborare pro inuentione alterius, cum alteruter vtriusque punctum in lineis transversalibus, quæ sunt d. & e. facile indicet, si rectam & parallelam lineam signorum principiis per arcum, ubi gradus fuerit inuentus, duxeris occultum tamen, ad nihil enim aliud utilis erit hæc linea, quàm ut puncta illa prodat, pariter autem ductus lineis

à punctis quæ sunt in *Libræ* linea ad puncta illa quæ sunt in linea *Capricorni*, ita quod prima primis, secunda secundis copuletur, & cæteris deinceps pari modo coniunctis, horarum numeros singulis lineis (præter primæ in vtraq; parte quæ meridiana est) binos inquam numeros adscribe, quemadmodum & tabella elevationum geminas semper connectit horas æqualiter à meridiæ distantes. Eorum etiã tu numeros iis lineis applica, ex quibus puncta fuerint nata.

Parum quoque refert, Vtrum latus antemeridianæ aut pomeridianæ sibi vendicent, quamuis commodius videtur si hæ ab æquinoctiali, illæ vero à solstitiali linea, statim comperiantur.

Tandem ex singulis punctis quotquot in linea *Arietis* & *Libræ* fuerint, protrahe rectas lineas per omnes parallelas in angulum vsque e. qui æquinoctiali lineæ aptus est, similiq; modo ducantur ex omnibus punctis *Cæcri* & *Tauri* lineæ per alterius trianguli parallelas lineas in angulum vsque d.

Quare cum parallelas ita secent, non erit operæ precium, ut supra dictum est, pro quolibet Annulo iuxta tabulam, distinguere lineam, atque in partes totidem secare quot hic vnus quidem typus suppetat: per has enim lineas, quæ parallelas secant, horarum altitudines secundum proportionem ad quemlibet vtriusque magnitudinis Annulum signandum, circino transferre potes, vbi aliquam inter parallelas

lelas Annulo æqualem prius inueneris, quæ locum obtinebit æquinoctialis lineæ, si sit in triangulo a. d. c. parémq; Vbi inueneris in triangulo a. e. c. hanc pro solstitiali habeto, quas Annuli extremitates in se recipiant, in reliquis, superius scripta repetantur. Istarum rerum hunc accipe typum, quem non nisi in re solida ac dura, quale fuerit metallum, describe semel, vt perpetuo vsui esse possit.

DE ANNULI VSV.



Ntequam horas per Annulum agnoscere possis, lineas & characteres in ipso prænoscas, oportet. Sunt itaque in primis 4. circuli, ambientes totā concauitatem Annuli, quorū primus æquinoctialis seu Arietus & Libræ, inter quem & secundū amplissimum spatium interiacet, duplum enim est ad reliqua duo spatia, simul inquam sumpta. Secundus circulus Tauri & Scorpio. Virgi. & Pesci. Tertius Geminorū & Leonis Sagit. & Aquarij. Vltimus autē solstitiorū circulus est, tam æstiuū quàm hyberni, hoc Capricorni, illud Cancri efficit. Sunt itaque hi quatuor circuli signorū huiusmodi initia à quibus sibi nomina vendicant, spatia vero signorum longitudo est, quæ trigenos gradus, & fere totidem dies continet: vnde manifestum est in circulis horas

fere non ultra biduum triduū de signari, sed secundum proportionem graduum, & dierū numerum, spatia diuidenda esse, maxime quidem circa æquinoctia, minus vero circa solstitia, in causa est minor signorum solstitialium declinatio maiorque æquinoctialium. Declinationē hic voco nō ab æquatore, sed cuiuslibet signi à suo principio ad finē suū distantia in meridiano, vt in figura supra patebat.

Eadem arte & in Annulo, qui in hac figura, signa describuntur, nisi quod suprema lineola transversa, austrina à nostris signis disiungit.

Sunt quidam qui ob faciliore vsum, partes anni signorū vice inscribi malunt, ij tamen iuxta dictā artē circulos inscribant necesse est, quos deinde mensum initialibus literis designant, vt quotusquisque dies signorū initis respondeat. Id vt nō perpetuum esse potest, ita minus improbat: concedendum nihilo minus arbitror quorundam ignauia, qui loci solis semper expertes sunt.

Admitto quidem ex ephemeride alicuius anni, tabellam aliquam extrahi posse, qua solis introitus in singula quæq; signa cognoscantur, ea tamen non multorū seculorū esse poterit. Ratio in prōptu est, quia 4. anni solares, 4. annos communes pauxillo quopiam excedunt. Id et si à principio paruum censeatur, attamen successu multorū annorū, paruis paruo si addas, quemadmodum Lyricus ait, superad-

dāsque

dâsque pusillum, Erit & hoc magnum.

Hinc est quod non mediocris quibusdam anni paschalis celebrandi suboriatur differentia, ob vnicum æquinoctium (vernum intelligo) non exacte cognitum, aut saltem ecclesiasticis viris neglectum, pusilli temporis discrimen, verum longius paulo ab instituto digressus ad menses redeo, quibus subiunctam tabulam dico.

Gemini. 12.	Maij	Cancer. 12.	Iunij
Taurus. 10.	April.	Leo. 12.	Iulij
Aries. 11.	Mart.	Virgo. 12.	August.
Sagitta. 11.	Novemb.	Capricor. 11.	Decemb.
Scorpi. 12.	Octob.	Aqua. 10.	Ianuar.
Libra. 12.	Septemb.	Pisces. 9.	Februa.

Sunt præterea in Vtraque Annuli parte breuiusculæ lineæ, circulos, & spatia intersepta, ad angulos impares secantes, quæ horariæ dicuntur, quarum quælibet præter primam in Vtraque parte binis horis inseruit, quemadmodum & numeri apposti declarant, infirma autem in Vtraque parte existente meridiana, reliquæ quæ succedunt & horæ primæ ante meridiem, & secundæ quæ æqualiter à meridiæ abest, accommodantur.

Quum itaque horas lubet cognoscere, oppone foramen vnum soli, per quod radius Solis (qui horarum ostensor nominari meretur) transiens ad spa-

cium illud incidat, quod tunc solari loco dictum est, ut si sol fuerit in solstitio æstiuo, cadat radius eius super quartum circulum quem solstitialem Cancrī appellauimus, qui plurimis horarum lineis, propter longitudinē dierum circa id solstitium interseſctus est. Tunc autē lineam vnā horariam designabit radius, quæ quotæ horæ sit, numeri manifestant, aut inter duas horarias cadat necesse est, horarūq; tum fluentem significat. Et si ante meridiem id fuerit, inferior linea horam declarabit, si autē post meridiem, superior idem facit. Nam ut ante meridiem sol perpetuo ascendit, ita post meridiem tandem descendit. Radius verò contrario sese habet modo. Hic liquet breui cognosci horas, an antemeridianæ sint necne. Nam si radius in Annulo descendat sol ipse ascendere signatur: ante meridiem igitur per consequens probatur. Pomeridianæ autem sunt horæ, si radius ascendat sole tum descendente ad occasum.

SVNT HVIVS ANNVLII AD-
huc vsus varij, quos lectoris indu-
striæ eruendos, breuitati studen-
tes, consulto prætercun-
dos duximus.

FINIS ET HVIVS ANNVLII.

AN-

ANNVLI CVM

SPHÆRICI TVM MA-

THEMATICI VSVS ET STRV-

ctura, opera D. Burchardi Mit-

hobij Neapolitani, celeberrimi

mæ academix Marpur-

gei mathematici.



D. BURCH. MITHOBI
CLARO AC ERVDITO
VIRO GEORGIO A BOM-
melberch, legum doctōri, & consiliario
illustrissimi principis Hessiæ peritissi-
mo, Burchardus Mithobius. S. D.



Non profecto quod qui ante
nos de annulis scripserunt,
eorum aliquid, quod inuē-
tum tam faustum exorna-
re posset, prætermiserint,
hanc qualemcunque ope-
ram, tibi Georgi clarissi-
me exhibere aggressus sum: sed ut ea quæ illi circa
vsum longioribus typis tradiderunt (multum id
amicis efflagitatibus) minutioribus characteribus
transcriberem, *quædæmque & quædæmque*: Et ut nimis
subtilis & conscissa structura, aliis formulis &
demonstrationibus facilior quam antea reddere-
tur. Nam hætenus nihil ab iis qui sibi hoc inuen-
tum arrogant, in compositione quod enigmatum
inuolucris careat, animaduerti. Quamuis apud
Podaliriæ artis insignem D. Ioannem Dryan-
dram singularem & fautorem & collegam meum
(is ante sexennium mihi materiale[m] machinam
primum exhibuit) liber absolutus meliore fide, de
annulo

annulo astronomico supprimitur. In aliis pleraque ob operosam prolixitatem & sumptus maiores non commendantur. Bonetus de Latis Hebraeus medicus à quo non temere primum, (ut olim ab Anaximene. Sciotericum horologium, & à Prometheo annulum) nostra ætate annulos solares inuentos & instructos existimo. Nam ne erga Promethæum Iupiter parum gratus, quod indicasset, quicumque Thetidi connubio iunctus eius filium patris gloriam superaturum, vinculis eum liberauit. Et ut liberationis perpetua memoria foret, facto ex utraque re, hoc est saxo, ad quod alligatus fuerat, & ferro ex quo catena constabat annulo, digitum eius sinistra manu minimo proximum, cinxit: quæ perpetua inuentio annuli memoratur. De Boneto medico, Carolus Bouillus eximius in mathematicis disciplinis, sic scribit: Vixit anno Millesimo quingentesimo septimo, taceo ple-ròsque gloriosulos, simulantes non quod pueri clāmitant se in faba reperisse, nuper æditis libris, annulorum machinas nō agnoscentes autorem, suum inuentum somniasse: quibus quod olim corniculæ Aesopice accidit, futurum metuo. Bonetius eo ingenio, ea industria, ut Bouilli verbis utar, & annulum fabrefactum ædidi. Quanquam digito circumferri posset, non pauciora tamen

quàm ex astrolabio circa cœlestes literas sydera &
syderalem scientiam, valeant deprehendi. Quanto
tamen certitudinis gradu id iudicanti relinquo, tã-
to enim mathematica instrumenta sunt certiora,
quanto maiora & ampliora fuerint. Non placuit
itaque ex muscâ elephantem, vt est in proverbio,
trāsformare. καὶ τῷ δακτύλῳ δοῦναι, τὸ διὰ τῆς ὀφθῆς
μὴ φεεῖσθαι, cum à venerāda antiquitate, alia ma-
gis absoluta instrumenta, fœlici studio ad alias de-
monstrationes quas prætergressi sumus, sint inuen-
ta. Annulum enim, non cingulum describimus,
& ea tantum machinæ nostræ intexere libuit, de
quibus studiosi in cœnis, & vulgus disputat. Di-
cis quot manus atteruntur, quot folia conscribun-
tur vt vnus niteat digitus? Habent nostri annuli
vtilitatem honestæ voluptati coniunctam. Docui-
mus ex vniuersali, siue sphaericio primo ex mathe-
matico, siue speciali (vt loquuntur) secundo, quo-
modo horæ interdum inuestigandæ sint. Quacunque
mundi parte poli elevationem, tempus ante vel po-
meridianum, solus ortum & occasum, diei & no-
ctis longitudinem, æquinoctia, solstitia, solis cur-
sum, plagarum mundi discrimen, rerum altitudi-
nes & mensuras, quomodo in deserto via ab er-
rantes in rectum iter sint reducendi, & hæc om-
nia tam breuiter quam aperte, ita quod spero non
solum philosophiæ sacris initiatos, sed profanam
turbam

turbam ex presenti muto magistro singula intelligere posse. Hunc itaque libellum, mei animi quasi symbolum ad te mittere non erubui doctor ornatissime, tibi enim nihil non debeo, qui me amando, demerendo, quidvis perpetuo feceris, ceterosque amicos meos (quorum precibus victus sum) tuo nomine, quod animus hisce instrumentis & studiis assuetus ad maiores conatus ferendos fit vegetio. Vale & hac nostra opera cum ceteris meis amicis fruiere. Apud Marpurgum in Heflia ex collegio Leonis, ultimo April. Anno 1536.


D. BURCH. MITHOBII
STRUCTURA ET VSVS
annuli sphaerici per Burchar-
dum Mithobium.

Describe circino annuli ambitum in su-
perficie planam, quam *ἐπίπεδος* Græ-
ci dicunt, quem ex linea super lineam
cadente, & vtrinque, altrinsecus duos
inuicem æquales angulos faciēte, diuide: & quar-
tam huius circuli partem vnā, quadrantem sci-
licet, in 90. partes subdiuide, iuxta communem cu-
iusque circuli diuisionem in secundo nostræ Geo-
metriæ traditam. Primum in tres partes æquales,



iterum quamlibet in duas, denuo quamlibet in tres, postremo si fieri potest singulas in quinas. Gradibus siue partibus circuli sic distinctis, subtende alium circulum ad inscribendos numeros diuisionis maiores à quinario ad quinarium, vel à denario ad denariū, ut 5 10 15 20 25 30 35 40 45 50 55 60 65 70 75 80 85 90, vel 20 40 60 80 90, ex hac diuisione circulorum fabraë factorum instituitur partitio.

FIGVRA MERIDIANI ET
AEQVINOCIALIS.



Superiori superfitie, ut diximus, diuifa circanum cardinem, duo annuli in vnum corpus componantur equalis magnitudinis, qui ad angulos rectos & sphaerales distracti aperiantur ex metallo, argento vel auro fabrefacti, in vnum & idem corpus concurrant, quibus arte congestis, transferenda graduum (prioris quadrantis) distinctio, cum numeris in quartam ascendentem circuli qui usque Græcis, Latinis meridianus dicitur: ita quod 90 verticem, id est, a, contingant. Primus denarius b, id est, huius circuli cingulum, siue æquinoctialem ille semper per polos mundi & punctum verticis transiens, meridiem & aquilonem indicet. Est autem punctus verticis, qui recte supra rem ipsam ponitur, velut in perpendiculo videmus. Zenit vulgo dicitur: Aequinoctialis omniquaque suis partibus æquè polis distat, sic dictus quoniam cum sol in eo, nox diei omnino æquatur, & contra dies nocti, & diuiditur in 24 horas æquales, quibus dies naturalis cõstituitur, & vtraque duodecima meridiano applicatur. Porro si peripheria horarum suscipit exactiorem diuisionem, quælibet in quatuor quartas distinguitur, & singulæ horæ numeris suis designantur. 1 2 3 4 5 6 7 8 9 10 11 12, 1 2 3 4 5 6 7 8 9 10 11 12, iuxta horologium minus.

ANNVLI SPHAER. VSVS. 129
 AEQVINOCTIALIS CIRCVLIV
 DIVISIO.




Est in eadē quarta primi circuli a & b numerā
 da maxima solis declinatio quæ est 24. ferme
 graduū. hæc duplicata bis est circino in laminā ter-
 tij & quarti circuli transferenda, sed vt æqualiter
 altera ab altera distet. Sunt etiam hi duo circuli
 quasi vnus circulus interior, qui Zodiacus dici po-
 test; continet duodecim signa cœlestia, cum suis
 characteribus, secundum suas ab æquatore decli-
 nationes.

D. BURCHAR. MITHOBII
C H A R A C T E R E S
S I G N O R V M.

<i>Ver</i>	3 II	☿ 4	<i>Aestas</i>
<i>Gemini</i>	2 8	♊ 5	<i>Cancer</i>
<i>Taurus</i>	1 III	♈ 6	<i>Leo</i>
<i>Aries</i>			<i>Virgo</i>
<i>Hyems</i>			
<i>Pisces</i>	12 X	♐ 7	<i>Autumnus</i>
<i>Aquarius</i>			<i>Libra</i>
<i>Capricornus.</i>	II ♐	♏ 8	<i>Scorpio</i>
	10 ♏	♐ 9	<i>Sagittarius.</i>

Vel utranque laminam bracteasue aurichalceas, argenteas vel aureas, in 15. partes æquales diuide, & differentias numeris inscribe, primā vnitatē, secundam 2 tertiam 3, & sic de reliquis. Inde quartam & quintam leuiter excauabis, sic alteram vndecimā partem duodecimā & decimā tertie alteram partem, ita vt postera pars vndecimā & prima pars decimatertie cum duodecima faciant duo spatia prioribus æqualia, differentiam siue spacium interceptum inter duas excauationes, deinde in vtrisque laminis æqualiter & terebro perforato foramina fiant, quæ sunt deoptæ loco. Nam hic circulus pinnulas deferens dicitur quæ sua circumactione ostendunt signum & gradum Zodiaci

Zodiaci diebus singulis tribuendum, foramen vero contra pinnulam positum Nadir solis ostendit. Nos non incommode hunc punctum oppositum solis gradui apeare possumus.



Per cetera foramina interioris annuli clauus diuititur, qui meridiano super declinationem exca-

D. BURCHAR. MITOBII
 uatam Zodiacum annectit, & hoc laminis con-
 conclusis, ut duæ ortum & occasum, id est, b & c
 reliquæ meridiem & septentrionem a & d demon-
 strent, pinnulæ b c a d clauorum loco.

FORMA ZODIACI.



Duplicatæ declinationis longitudinē, in superfi-
 ciē extende seorsim, quā in duas æquales par-
 tes diuide: ex puncto inter medio circulum descri-
 be, ut utrinque diameter longitudinis ad circumfe-
 rentiā circuli pertingat. Et hæc diameter per aliam
 rectam

re \acute ctam lineam ad aequales angulos diuidatur, vt superiori circulo demonstraui \acute mus, inde dimidius circulus in partes sex scindatur, & ex pun \acute ctis proximis a re \acute cta linea describatur, pro C \acute acro & Geminis sic super sequ \acute etia alia re \acute cta ducatur, pro Tauro & Leone linea per centrum circuli transiens, dimetiens huius locum & interuallum arietis & Virginis exhibet. Non secus agas cum binis & binis pun \acute ctis semicirculi alterius versus d porre \acute ctis, & indicabit regula super prima duo pun \acute cta spatium piscium & libr \acute e, sequens locum aquarij & scorpij, vltimum spatium capricorni & sagittarij continet.

Signorum spatiis notatis, poteris facillime quodlibet signum distribuere in vltiores diuisiones, de denario in denarium, & tr \acute ansfer eadem spatia cum characteribus in laminam interiorem, & si characteres signorum commode non poteris exprimere, satis est cancerum & capricornum annotasse; sic sunt parat \acute e lamin \acute e, duorum circulorum Zodiaci, Nemo tamen intelligat totum hunc circulum Zodiacum, vt in sphaera depingitur, sed solum partem quam sub coluris describit in accessionum & declinationum pun \acute ctis, quorum hic tropicum cancri, ille tropicum capricorni demonstret, reliquum est loco coluri, quod spatia illa in coluro describantur, nunc laminas artificiose componas, interior sit

D. BURCH. MITHOBII

Zodiacus, exterior pinnulas deferens, Zodiacus vel colurus qui Zodiacum sustinet, habeat duos limbos qui instar alvei deferentem pinnulas sustinet. Postremo puncto a & d interiore Zodiacum continentem colurum composito, ut duo superiores artificiose eum comprehendant.



ANNVLI SPHAER. VSVS. 132
TABVLA LOCI SOLIS.

	Ianua.	Februa.	Martius.	Aprilis.	Maius.	Iunius.
Dies	Capr.	Aquari	Pisces	Aries	Taurus	Gemi.
1	21	22	20	21	21	21
2	22	23	21	22	22	22
3	23	24	22	23	23	23
4	24	25	23	24	24	24
5	25	26	24	25	25	25
6	26	27	25	26	26	26
7	27	28	26	27	27	27
8	28	29	27	28	28	28
9	29	Pisces	28	29	29	29
10	Aquari	1	29	Taurus	30	30
11	1	2	Aries	1	Gemi.	Cancer.
12	2	3	1	2	1	1
13	3	4	2	3	2	2
14	4	5	3	4	3	3
15	5	6	4	5	4	4
16	6	7	5	6	5	5
17	7	8	6	7	6	6
18	8	9	7	8	7	7
19	9	10	8	9	8	8
20	10	11	9	10	9	9
21	11	12	10	11	10	10
22	12	13	11	12	11	11
23	13	14	12	13	12	12
24	14	15	13	14	13	13
25	15	16	14	15	14	14
26	16	17	15	16	15	15
27	17	18	16	17	16	16
28	18	19	17	18	17	17
29	19		18	19	18	18
30	20		19	20	19	19
31	21		20		20	

D. BURCH. MITHOBI
CLARO AC ERVDITO

VIRO GEORGIO A BOM-
melberch, legum doctōri, & consiliario
illustrissimi principis Hessiæ peritissi-
mo, Burchardus Mithobius. S. D.



Non profecto quòd qui ante
nos de annulis scripserunt,
eorum aliquid, quod inue-
ntum tam faustum exorna-
re posset, præterniscent,
hanc qualemcunque ope-
ram, tibi Georgi clarissi-
me exhibere aggressus sum: sed ut ea quæ illi circa
vsum longioribus typis tradiderunt (multum id
amicis efflagitātibus) minutioribus charaēteribus
transcriberem, ἀπαρίσκειν ἀναρίσκειν. Et ut nimis
subtilis & conscissa structura, aliis formulis &
demonstrationibus facilior quam antea reddere-
tur. Nam hætenus nihil ab iis qui sibi hoc inuen-
tum arrogant, in compositione quod anigmatum
inuolucris careat, animaduerti. Quamuis apud
Podaliriæ artis insignem D. Ioannem Dryan-
dram singularem & fautorem & collegam meū
(is ante sexennium mihi materiale[m] machinam
primum exhibuit) liber absolutus meliore fide, de
annulo

annulo astronomico supprimitur. In aliis pleraque ob operosam prolixitatem & sumptus maiores non commendantur. Bonetus de Latis Hebraeus medicus à quo non temere primum, (ut olim ab Anaximene. Sciotericum horologium, & à Prometheo annulum) nostra ætate annulos solares inuentos & instructos existimo. Nam ne erga Prometheum Iupiter parum gratus, quod indicasset, quicumque Thetidi connubio iunctus eius filium patris gloriam superaturum, vinculis cum liberauit. Et ut liberationis perpetua memoria foret, facto ex utraque re, hoc est saxo, ad quod alligatus fuerat, & ferro ex quo catena constabat annulo, digitum eius sinistra manu minimo proximum, cinxit: quæ perpetua inuentio annuli memoratur. De Boneto medico, Carolus Bouillus eximius in mathematicis disciplinis, sic scribit: Vixit anno Millesimo quingentesimo septimo, taceo ple-rósque gloriosulos, simulantes non quod pueri clauitantes se in faba reperisse, nuper æditis libris, annulorum machinas nō agnoscentes autorem, suum inuentum somniasse: quibus quod olim corniculæ Aesopice accidit, futurum metuo. Bonetus eo ingenio, ea industria, ut Bouilli verbis utar, & annulum fabrefactum ædedit. Quamquam digito circumferri posset, non pauciora tamen

quàm ex astrolabio circa cœlestes literas sydera &
 syderalem scientiam, valeant deprehendi. Quanto
 tamen certitudinis gradu id iudicanti relinquo, tã-
 to enim mathematica instrumenta sunt certiora,
 quanto maiora & ampliora fuerint. Non placuit
 itaque ex musca elephantem, vt est in proverbio,
 trāsformare. καὶ τὸ δακτύλῳ θύραι, τὸ δὲ τῆς ὄλης χεῖρὸς
 μὴ φεῖσθαι, cum à venerāda antiquitate, alia ma-
 gis absoluta instrumenta, foelici studio ad alias de-
 monstraciones quas prætergressi sumus, sint inuen-
 ta. Annulum enim, non cingulum describimus,
 & ea tantum machinæ nostræ intexere libuit, de
 quibus studiosi in cœnis, & vulgus disputat. Di-
 cis quot manus atteruntur, quot folia conscribun-
 tur vt vnus niteat digitus? Habent nostri annuli
 vtilitatem honestæ voluptati coniunctam. Docui-
 mus ex vniuersali, siue sphericio primo ex mathe-
 matico, siue speciali (vt loquuntur) secundo, quo-
 modo horæ interdiu inuestigandæ sint. Quacunque
 mundi parte poli eleuationem, tempus ante vel po-
 meridianum, solus ortum & occasum, diei & no-
 ctis longitudinem, æquinoctia, solstitia, solis cur-
 sum, plagarum mundi discrimen, rerum altitudi-
 nes & mensuras, quomodo in deserto via ab er-
 rantes in rectum iter sint reducendi, & hæc om-
 nia tam breuiter quam aperte, ita quod spero non
 solum philosophiæ sacris initiatos, sed profanam
 turbam

turbam ex presenti muto magistro singula intelligere posse. Hunc itaque libellum, mei animi quasi symbolum ad te mittere non erubui doctior ornatissime, tibi enim nihil non debeo, qui me amando, demerendo, quiduis perpetuo feceris, ceterosque amicos meos (quorum precibus victus sum) tuo nomine, quod animus hisce instrumentis & studiis assuetus ad maiores conatus ferendos sit vegetio. Vale & hac nostra opera cum ceteris meis amicis fruiere. Apud Marpurgum in Hesse ex collegio Leonis, ultimo April. Anno 1536.


D. BURCH. MITHOBII
STRUCTURA ET VSVS
annuli sphærici per Burchar-
dum Mithobium.

DEscribe circino annuli ambitum in su-
perficiem planam, quam ^{enim dicitur} Græ-
ci dicunt, quem ex linea super lineam
cadente, & vtrinque, altrinsecus duos
inuicem æquales angulos faciēte, diuide: & quar-
tam huius circuli partem vnā, quadrantem sci-
licet, in 90. partes subdiuide, iuxta communem cu-
iusque circuli diuisionem in secundo nostræ Geo-
metriæ traditam. Primum in tres partes æquales,



iterum quamlibet in duas, denuo quamlibet in tres, postremo si fieri potest singulas in quinas. Gradibus siue partibus circuli sic distinctis, subtende alium circulum ad inscribendos numeros diuisionis maiores à quinario ad quinarium, vel à denario ad denariū, vt 5 10 15 20 25 30 35 40 45 50 55 60 65 70 75 80 85 90, vel 20 40 60 80 90, ex hac diuisione circulorum fabre factorum instituitur partitio.

FIGVRA MERIDIANI ET
AEQVINOCTIALIS.



Superiori superficie, vt diximus, diuisa circum-
 num cardinem, duo annuli in vnum corpus com-
 ponantur equalis magnitudinis, qui ad angulos
 rectos & sphaerales distraeti aperiantur ex metal-
 lo, argento vel auro fabrefacti, in vnum & idem
 corpus concurrant, quibus arte congestis, transfe-
 renda graduum (prioris quadrantis) distinctio,
 cum numeris in quartam ascendentem circuli qui
 μασον Γενος Græcis, Latinis meridianus dicitur: ita
 quod 90 verticem, id est, a, contingant. Primus
 denarius b, id est, huius circuli cingulum, siue æqui-
 noctialem ille semper per polos mundi & punctum
 verticis transiens, meridiem & aquilonem indi-
 cet. Est autem punctus verticis, qui recte supra
 rem ipsam ponitur, velut in perpendiculo videmus.
 Zenit vulgo dicitur. Aequinoctialis omniquaque
 suis partibus æquè polis distat, sic dictus quoniam
 cum sol in eo, nox diei omnino æquatur, & con-
 tra dies nocti, & diuiditur in 24 horas æquales,
 quibus dies naturalis cōstituitur, & vtraque duo-
 decima meridiano applicatur. Porro si peripheria
 horarum suscipit exactiorem diuisionem, qualibet
 in quatuor quartas distinguitur, & singulæ horæ
 numeris suis designantur. 1 2 3 4 5 6 7 8 9 10
 11 12, 12 3 4 5 6 7 8 9 10 11 12, iuxta horolo-
 gium minus.

ANNVLI SPHAER. VSVS. 129
AEQVINOCTIALIS CIRCVLIV
DIVISIO.




Est in eadē quarta primi circuli a & b numerā
da maxima solis declinatio quæ est 24. ferme
graduū. hæc duplicata bis est circino in laminā ter-
tij & quarti circuli transferenda, sed vt equaliter
altera ab altera distet. Sunt etiam hi duo circuli
quasi vnus circulus interior, qui Zodiacus dici po-
test, continet duodecim signa cœlestia, cum suis
characteribus, secundum suas ab æquatore decli-
nationes.

D. BURCHAR. MITHOBII
C H A R A C T E R E S
SIGNORVM.

Ver	3	II	♈	4	Aestas
Gemini	2	8	♊	5	Cancer
Taurus	1	7	♉	6	Leo
Aries					Virgo
Hyems					
Pisces	12	X	♐	7	Autumnus
Aquarius					Libra
Capricornus.	11	9	♏	8	Scorpio
	10	6	♐	9	Sagittarius.

Vel utranque laminam bractæasue aurichalceas, argenteas vel aureas, in 15. partes æquales diuide, & differentias numeris inscribe, primâ unitate, secundam 2 tertiam 3, & sic de reliquis. Inde quartam & quintam leuiter excuabis, sic alteram vndecimæ partem duodecimam & decimæ tertie alteram partem, ita vt postera pars vndecimæ & prima pars decimæ tertie cum duodecima faciant duo spatia prioribus æqualia, differentiam siue spacium interceptum inter duas excuaciones, deinde in vtrisque laminis æqualiter & terebro perforato foramina fiant, quæ sunt deoptæ loco. Nam hic circulus pinnulas deferens dicitur quæ sua circumactione ostendunt signum & gradum Zodiaci

Zodiaci diebus singulis tribuendum, foramen vero contra pinnulam positum Nadir solis ostendit. Nos non incommode hunc punctum oppositum solis gradui apeare possumus.



Per cetera foramina interioris annuli clauus di-
mittitur, qui meridiano super declinationem exca-

D. BURCHAR. MITOBII

natam Zodiacum annectit, & hoc laminis con-
conclusis, ut duæ ortum & occasum, id est, b & c
reliquæ meridiem & septentrionem a & d demon-
strent, pinnulæ b c a d clauorum loco.

FORMA ZODIACI.




Duplicatæ declinationis longitudinē, in superfi-
cie extende seorsim, quā in duas æquales par-
tes diuide: ex puncto inter medio circulum descri-
be, ut utrinque diameter longitudinis ad circunse-
rentiā circuli pertingat. Et hæc diameter per aliam
rectam

rectam lineam ad æquales angulos diuidatur, ut superiori circulo demonstrauimus, inde dimidius circulus in partes sex scindatur, & ex punctis proximis a, recta linea describatur, pro Cæcro & Geminis sic super sequentia alia recta ducatur, pro Tauro & Leone linea per centrum circuli transiens, dimetiens huius locum & interuallum arietis & Virginis exhibet. Non secus agas cum binis & binis punctis semicirculi alterius versus d porrectis, & indicabit regula super prima duo puncta spatium piscium & libræ, sequens locum aquarij & scorpij, vltimum spatium capricorni & sagittarij continet.

Signorum spatiis notatis, poteris facile quodlibet signum distribuere in vltiores diuisiones, de denario in denarium, & trāsfer eadem spatia cum characteribus in laminam interiorem, & si characteres signorum commode non poteris exprimere, satis est cancrum & capricornum annotasse; sic sunt paratæ laminæ, duorum circulorum Zodiaci, Nemo tamen intelligat totum hunc circulum Zodiacum, ut in sphaera depingitur, sed solum partem quam sub coluris describit in accessionum & declinationum punctis, quorum hic tropicum cancri, ille tropicum capricorni demonstret, reliquum est loco coluri, quod spatia illa in coluro describantur, nunc laminas artificiose componas, interior sit

D. EVRCH. MITHOBII

Zodiacus, exterior pinnulas deferens, Zodiacus vel colurus qui Zodiacum sustinet, habeat duos limbos qui instar aluci deferentem pinnulas sustinet. Postremo puncto a & d interiorum Zodiacum continentem colurum componito, ut duo superiores artificiose eum comprehendant.



ANNVLI SPHAER. VSVS. 132
TABVLA LOCI SOLIS.

	Ianua.	Februa.	Martius.	Aprilis.	Maius.	Iunius.
Dies	Capr.	Aquari	Pisces	Aries	Taurus	Gemi.
1	21	12	10	21	11	21
2	22	13	21	22	22	22
3	23	24	22	23	23	23
4	24	25	23	24	24	24
5	25	26	24	5	25	25
6	26	27	25	26	26	26
7	27	28	26	27	27	27
8	28	29	27	28	28	28
9	29	Pisces	28	29	29	29
10	Aquari	1	29	Taurus	30	30
11	1	2	Aries	1	Gemi.	Cancer.
12	2	3	1	2	1	1
13	3	4	2	3	2	2
14	4	5	3	4	3	3
15	5	6	4	5	4	4
16	6	7	5	6	5	5
17	7	8	6	7	6	6
18	8	9	7	8	7	7
19	9	10	8	9	8	8
20	10	11	9	10	9	9
21	11	12	10	11	10	10
22	12	13	11	12	11	11
23	13	14	12	13	12	12
24	14	15	13	14	13	13
25	15	16	14	15	14	14
26	16	17	15	16	15	15
27	17	18	16	17	16	16
28	18	19	17	18	17	17
29	19		18	19	18	18
30	20		19	20	19	19
31	21		20		20	

D. BVRCHAR. MITHOBII
TABVLA LOCI SOLIS.

	Ivlius.	August.	Septem.	Octob.	Novemb.	Decemb.
Dies	Cancer	Leo.	Virgo	Libra	Scorp.	Sagit.
1	26	20	20	19	20	20
2	21	21	21	20	21	2
3	22	22	22	21	22	22
4	23	23	23	22	23	23
5	24	24	24	23	24	24
6	25	25	25	24	25	25
7	26	26	26	25	26	26
8	27	27	27	26	27	27
9	28	28	28	27	28	28
10	29	29	29	28	29	29
11	30	30	30	29	Sagit.	Capr.
12	Leo.	Virgo	Libra	Scorp.	1	1
13	1	2	1	1	2	2
14	2	3	2	2	3	3
15	3	4	3	3	4	4
16	4	5	4	4	5	5
17	5	6	5	5	6	6
18	6	7	6	6	7	7
19	7	8	7	7	8	8
20	8	9	8	8	9	9
21	9	10	9	9	10	10
22	10	11	10	10	11	11
23	11	12	11	11	12	12
24	12	13	12	12	13	13
25	13	14	13	13	14	14
26	14	15	14	14	15	15
27	15	16	15	15	16	16
28	16	17	16	16	17	17
29	17	18	17	17	18	18
30	18	19	18	18	19	19
31	19	20	19	19	20	20

Tabulam

*Tabulam hic depictam, si Annulus medio-
cris fuerit, poteris in extrema duorum circularum
supremorum superficie describere, & ex eadem mo-
tum solis in vsum Annuli supputare, vel huius lo-
co, dorso Astrolabij, in inquirendo solis motu si-
gno, vel gradu vero viciniorē vti, vt Stoflerinus
in Astrolabio, aliisque disciplinis commendatissi-
mus tradidit in compositione sui Astrolabij.*

APPENDIX COMPOSI- tionis pro hora noctis.

POteris huic Annulo diuersas alias machinas in-
texere, gnomonem horarium, Directorium, si-
derale horologium, pro Zodiaco duplici simplicem
fabricare. Et pro foraminibus duobus, vno tan-
tum vti: sic etiam Annulo complicato, pinnulas
loco dioptræ insculpere: atque id genus alia, vt ple-
rique ante nos fecerunt. Scripsit enim ad me hisce
diebus Georgius Harthmannus Noricus, scioteri-
corum instrumentorum, totiusque matheſeos im-
pense studiosus se vidisse huiusmodi fere Annu-
lum, qualem nos extruximus, à Ioanne germani-
co Regiomontano fabrefactum: & doctorem Io-
annem Stabium, Maximiliani Caesaris quondam
Astronomum, eiusdem formæ Annulum sepe
amicis suis ostendisse, cum gnomone Horario, ma-

gna arte descripto, & hunc gnomonem, arcum vel
 virgulam, ut ille scribit, tanto plures horas indica-
 se, quāto magis diductus volubilis meridianus fue-
 rat. Sic Ioannē Buchner Constātiensem musicum
 ex Constantia, sibi eiusdem figuræ Annulum, cum
 siderali horologio nocturno transmississe, qualem
 etiam mihi Gerhardus Geldenhaurius Novioma-
 gus (Iudaicum appellatū) sacræ paginæ apud Mar-
 purgenses professor eximius, prudēs & pius descri-
 psit, quo ille ante multos annos usus est. Possem e-
 tiam alios recensere, qui alia quæpiam adieccere, nisi
 adulationis nota prohiberet. Pro illa tandem side-
 rali cōtemplatione, cōpone orbem quem superficies
 circuli concava suscipiat, in eundem, signiferum,
 orbes mensium, ut in dorso Astrolabij, aliisque in-
 strumentis sideralibus depinguntur, depinge, tribus
 foraminibus ibidem collocatis: primum circa deci-
 mum virginis gradum, secundum in centro, tertium
 in decimo piscium fiat, extremis foraminibus in-
 strumentum recte eleuatur. pisces in superiorem,
 virgo in inferiorem partē (instrumento ad ora ele-
 uato) disponitur, & horam duodecimam Annuli
 mobilis, ad solis signū colloca, & polaris stella, al-
 tero oculo perquiratur: qua suscepta, Index ad po-
 stremam stellam Vrsæ maioris dirigatur: hic in
 Annulo ostendit horam noctis.



VSVS ANNVLI.

Extructo Annulo, ad cognoscendas horas, necesse est Solis motū cognoscere, quē facillime ex tabula subiecta, vel diariis vulgarib⁹, & certius, quā hoc instrumento, deprehendas. singulis enim mensibus, maioribus, vel saltē coloratis literis, motus solis inscribuntur. Supputabis itaq; à signo proximo ad diem consideratū singulis diebus, ab initio signi gradum vnum tribuens. Nam quodque signum triginta gradibus perficitur, & die naturali gradū vnum Zodiaci sol fere percurrit: minuta omittimus cum hic observari nequeant.

D. BVRCHAR. MITOBII
SOLIS LOCVM VERVM
quocunque die anni ex tabula
suprascripta indagare.

AD hoc inuestigandum sic operaberis: *Mensem* propositu quære in fronte tabulæ huic negotio intitulatæ, & in latere sinistro descendendo, diem eiusdem tui propositi: in angulo enim communi, occurret tibi gradus quem Sol eo die occupat, eius quidem signi quod proximè supra positum conspicitur. His prælibatis, ac bene intellectis, nulla prorsus operanti tibi difficultas subrepere poterit.

Explica tandem Annulum, & numera eleuationem polarem in meridiano, ab æquatore incipiendo, ad vltimum gradum iuncto filo, suspende Annulum. Latitudinem regionis vel poli eleuationem, quære ex primo libro arithmetices nostræ, circa exercitium quadratæ radicis, ibidem inuenies regiones & ciuitates nominibus expressas, gradibus adiunctis. Subiungemus tamen aliquot loca, & canonem, ad inueniendam cuiusque loci latitudinem, ne sit, quod possit studiosum adolescentem remorari in hac parte.

DE SOLIS MOTV
alius canon.

Cognita hora diei, siste Zodiacum ad horam
Æquino-

Aequinoctialem antemeridianam, vel pomeridianam inuentam, & circulum foramina deferentem, sursum vel deorsum moue, donec Solis radij per vtrunque foramen decidant, signifero immobili: stationis locum, foramine altero locum & signum Solis demonstrare certum est.

PRO HORA DIVRNA.

Motu solis cognito, necesse est pinnulā exterioris Annuli, dirigere ad gradū vel locū Solis, quam poteris exactissimè. Deinde filum Meridiano, cui gradus inscripti sunt, ad latitudinem siue eleuationem polarem tuæ regionis, ita annecte, vt filum Annulum ab ea parte subleuet, qua gradus nonaginta inscribuntur. Quæ autem sit latitudo regionis, ex canone videbis sequenti. Deinde voluendus Annulus interior, vt foramen eam partem Annuli inspiciat, quam eodem tempore Sol occupet, scilicet ante meridianam vel pomeridianam.

Postremo suspende Annulum ex manu per filum: æstiuæ partis foramen cui Cancer inscribitur, Soli obiiice secundum conuexam superficiem: perpetuo enim vere & æstate ab Ariete ad Taurum & Geminos ascendimus, à Cancro, Leone, ad Virginem descendimus, foraminis directione. |

Autumno & hyeme à Libra ad Scorpionem & Sagittarium in altera parte sub Aequinoctiali per Capricornum, Aquarium & Pisces, directionem continuamus, per contrariam, Solem suscipimus: quòd huius lateris pinnula, Soli non obiiciatur cum per opacum ex hemisphærio inferiore, Sol radios suos ad nos non demittat, sed radios Solares per æstivale foramen suscipimus. Nam Cancri latus semper manet supra Aequinoctialem. Sic Capricorni latus sub Aequinoctiali, & hoc ne sphaera ratio turbetur, cum omnes circuli & demonstrationes sphaerae caelestis, Zona cœli, plagæ mundi, primi mobilis motus, dierum decrementum & incrementum, anni tempora, velut in speculo hic demonstrantur. Nam ante diximus tropicum Cancri, per maximam Solis declinationem ostendi: sic per accessiōem in eam tropicum Capricorni: sic per strias vel sulculorum terminos iuxta polum a, & c, arcticum, qui ab Ursa nomē habet, & antarcticum, tandem eousq; circulum interiorem aut versus ortum aut occasum circumducimus, donec Solis radij per foramen utrunq; proiiciantur. Quo viso linea imaginaria vel sculpta, quam eclipticam appellare non est inconueniens, per mediam latitudinem deferentis pinnulas monstrabit horas diei optati, & quanto hoc frequentius feceris, tanto certius per mensæ horæ agnoscantur.

ANNULI SPHAER. VSVS. 136
 PRO ELEVATIONE
 polari.

ELeuatio poli, vel latitudo regionis ignota, sic
 inuenitur, cognita tamē hora & pinnula tra-
 cta, super locum Solis. Pone Annulum interiorem
 super horam propositam, eo sic fixo, filum adhibe
 circulo meridiano: quod sursum ac deorsum in qua-
 drante dispone, donec Solis radij per foramen in-
 trantes pinnulam obiectam aspiciant. Quo facto,
 filum inter gradus nonaginta, eleuationem poli si-
 ue latitudinem regionis exprimet, super qua appli-
 candum est filum, quandiu in illa regione agis, &
 hoc non nisi saepius tentanti succedit: & quanto
 propius sol meridiem accedit, tanto melius & ex-
 actius istud fiet. Poteris etiam hac ratione, si me-
 dio mari aberraueris, regionem in qua fueris de-
 prehendere.

QUANTVM DISTET
 Zenith à polo.

DEinde, facile videbis distantiam Zenith, à
 polo arctico, numerando prius latitudinem à
 Zenith versus polum arcticum, quod spatium
 etiam aequale eleuationi Aequinoctialis cir-
 culi.

D. BVARCHAR. MITHOBII
AN SIT HORA ANTE ME-
ridiem, vel post meridiem.

SI dubitas sit ne hora inuenta ante meridiem vel post meridiem: relinquo ad tempus annulū interiore[m] supra suam horam: deinde paulo post, vide si Sol per idem foramen radios immittens nunc super & pinnulam: certum est, eo quod Umbra crescit esse post meridiem: Si vero radij sub pinnula apparent, tempus est ante meridianum.

QUANDO ORIATUR ET
quando occidat Sol.

IN Meridiano numera elevationē polarē, regionis vel loci habitationis tue, cuius supputationis gradus extremus, diligenter notandus, & pinnula ad gradum Solis mouenda, postea circino, accipe in Meridiano mensuram quadrantis 90. graduum, & in vertice tue regionis locato circini pede, altero pede mobili, describe horizontem, qui vbiq[ue] nonaginta gradibus à puncto verticis distat. Et vbi pes circumactus, pinnulam etiam circumducat. Etam Solus videlicet tetigerit, ibidem Annulus pinnulas deferens collocatus, cum linea intermedia, ostendit in Aequinoctiali horam ortus in plaga orientali, & horā occasus in plaga occidentali.

LON-

NVmera horas, inter punctum ortus & occasus, habes longitudinem diei, in horis: quas subtrahes à 24. numeri residui ostendunt tempus nocturnum.

DE PLAGIS MVNDI
inuestigandis.

MEminerint adolescentes quatuor mundi plagas esse, Orientem, Occidentem, Meridiem & Septentrionem, præter quinque, quæ à Zonis cœli sumuntur. Annulus horas indicans, & ex manu dependens, si intrepidus servatur, indicabit quatuor mundi plagas. Nam circulus Meridianus, Austrum & Aquilonem, Aequinoctialis per horam sextam ex utraque parte strius notatam, ortum & occasum: hinc lineæ Meridianæ cognitio haberi potest: hinc in errore existenti, quorsum sit eundum, perquirere licet. idem quoque cœlo nubo, ex arborum contactu in sylva interdum noctuque cognoscimus, quoniam cortices spectantes Aquilonem, duriores sunt plerunque, atque rimas altiores agunt: ob id Columella arbores prius quàm transferantur, rubrica notandas præcipit, ut

Ut easdem cœli partes aspiciant, ne aut insolitus calor pristinum dissoluat rigorem, aut mollitiem Austrinam Aquilo ledat. Demonstratio Zonarum cœli & plagarum mundi facile habetur, si quis sciat distantiam quinque circulorum parallelorum. Nam 24. ferme gradus, totum negotium versant, vel ex manu idem demonstratur, teste Probo grammatico, si laeuam contra ora nostra, in ortum Solis versam digitis expansis introspexerimus: ubi pollex, ibi Arctica nimio rigore inhabitabilem: index temperatam nostram: medius torridam: minimo proximus temperatam Australem: minimus Antarcticam ostendit. Et sicut in cœlo sunt quinque Zonæ, ita sua proportionem, quinque in terra plagæ. Id nemo exquisitius, atque Ouidius descripsit primo Transformationum:

Utque duæ dextra cœlum, totidemque sinistra
 Parte secant Zonæ, quinta est ardentior illis:
 Sic onus inclusum numero distinxit eodem
 Cura Dei: totidemque plagæ tellure premuntur.
 Quarum quæ media est, non est habitabilis æstu.
 Nix regit alta duas, totidem inter veranq; locauit,
 Temperiemque dedit, mixta cum frigore flamma.

QVOMO-

QVOMODO ALTITVDI-

nes per Annulum dimeti-
ri liceat.

Annulus erit suspendendus, in polo *Arctico* precise, foramina intimi *Annuli*, *Meridia-*no applicāda, ita tamen, vt locus sit radio *visuali*, qui per ea penetrabit, subiectus. Deinde quemadmodum *Sole* 45. graduum altitudinem habente, omnes omnium rerum *Umbrae*, suis rebus sunt æquales: Et si *Sol* altior fuerit 45. gradibus, *Umbra* decrescit, si autem inferior, accrescit: ita etiam in *Annulo*, polo suspenso, qui vt punctus verticis est intelligendus, si summitate rei, per vtrunque foramen perspecta pinnula steterit in 45. gradu, in quarta altitudinum spatium à pedibus mensoris, est æquale altitudini, addita longitudine mensoris ab oculo ad pedes. Si pinnula hunc numerum transcendit, animaduertendum, quòd spatium interceptum est breuius mensurato, quanto plures superfuerint gradus: Et contra si foramen fuerit infra gradus 45. spatium est tanto longius: ita artificiose vel est addendum, vel subtrahendum spatio stationis, pro ratione gradus, in quem pinnula ceciderit.

Suspenso *Annulo*, ex polo *Arctico*, elige tibi locum conuenientem, foraminibus applicatis

Meridiano, tandem sursum ac deorsum moue, donec assequaris radius visualibus cacumen rei: quo inuento, vide gradum Meridiani.

Si est supra 45. tertia parte, adde 45. 15. sic adde spatium, quod est à pedibus, & hoc quod est ab oculo simul addendum, & habes rei altitudinem.


Si superat gradus 45. quarta parte, adde spatium, quod est à pedibus quartam partem eius spatij, & ita deinceps ascendendum vel descendendum.

Si foramen fuerit infra 45. gradus, tertia parte, subtrahe tertiam partem spatij.

Si dimidia parte, subtrahe alteram partem spatij, quod est ab oculo mensoris.

Si spatium fert accessum, certius est ut pinnulam ad 45. gradum dirigas, accedas vel recedas, donec per utranque pinnulam assequaris rei verticem: tunc enim spatium ab oculo est æquale altitudini, ad lineam rei perpendicularem.

DE



Veteres, vt Plinius cap. 47. secundi meminit,
ventos omnino quatuor seruaere, per totidē mun-
di plagas. ideo nec Homerus plures nominat Ili-
dos ε.

Συνδ' ἐν εἰς τε νότος τ' ἔπειτα ζεφυρός τε διουσις,
καὶ βορέης αἰθρηγενέτης μέγα κύμα κυλινδων.

Hoc est, A sūmo Boreas, Not^o imo spirat olym-
po, Occasum insedit Zephyrus, venit Eurus ab ortu.
De hac re sunt hęc Manilij carmina:

Asper ab axe ruit Boreas, fugit Eurus ab ortu,
Auster amat medium solē, Zephyrúsq; cadentem.
Secuta ætas octo addidit. Sunt ergo bini singulis

cœli partibus adiecti. Quod ad loca ventorum at-
tinet, notandum in quouis finitore, quatuor plagarum
regiones principales intelligi posse, quibus v-
trunque binas adiungere oportet: sic erunt tres ab
ortu venti, tres ab occasu, totidem à Septentrione
& meridie. Socios ventos à tropicis imaginamur,
& vtrunque ab arcticis. B. sit Oriens Aequino-
ctialis: inde Subsolanus, is ad Septentrionem, col-
lateralem ab ortu solstitiali habet Helleston-
tium: ad meridiem, id est, ortum brumalem, Eu-
rum. A. Auster, in sinistris Euronotum, in dex-
tris Libonotum. C. occasus Aequinoctialis, ab oc-
casu brumali Africum: Corum, ab occasu æstiuo.
Ventus huius cardinis Zephyrus. à Septentrioni-
bus in puncto D. Septentrio, inter eum & exor-
tum solstitionalem, Aquilo, ab altera Britannicus
vel Circius. E. itaque sit locus habitationis tue, &
Zodiacus in horizontem inclinatus ventorum lo-
ca demonstrabit.

Tropicum Cancræ & Capricorni, diuide in 12.
partes æquales, singulis intersectionibus singulas
lineas adscribe, ostendunt linearum differentie in-
strumenti sequentis horas inæquales: sic primis tri-
bus sanguis dominatur, senis sequentibus cholera,
postremis tribus diurnis melancholia: & primis tri-
bus in nocte melancholia, sequentibus senis phleg-
ma, vltimis tribus sanguis.

ORIENS •
Subsolarius •

TROPICVS

$$FeQVI =$$

TROPICVS. 26.
JUNIVS.

३

TROPICVS. 26

CACIAS.

НОСТІА

SEPTENTRIO.

Boreas, Septentrio, Circius.

MERIDIES •

Euroauster, Norris, Libonorris.

HYEMS -

Libs.

VER

Id

STAS. Zephyrus -
OCCIDENS

OCCIDENS

CVS

SANWAL
Corus

४२

D. BURCHAR. MITHOBII

Ignifer æquoreis Titan cum surgit ab undis,
 Quaque suos sero lumine flectat equos,
 Astraque signiferi qua parte ferantur olympi,
 Hac velut in speculo picta tabella docet.
 Horrentes tenebras monstrat solémque cadentem,
 Qui fuscet rutilum vectus ab orbe diem.
 Quo signo gradibusue me et sol, inde diei
 Et noctis spatium, solstitiique vices,
 Aurca conuexo surgant quæ sidera mundo,
 Quove cadant varia præcipitata vice.
 Ventorum volet vnde cohors & corpora quali
 Humores liquidi conditione regant.
 Cur Boreas calido pugnet contrarius Euro,
 Aeolus æquoreis cur fremat ætus aquis.
 Climate sic nostro poteris cognoscere semper
 Fatorum quicquid stelliger orbis habet.

VENTI ORIENTALES.

Cecias vel Hellepontius: diurnus.
 Subsolanus vel Apeliotes: salubris.
 Eurus, Vulturius: siccus, tepidus.

Meridionales.

Euroauster, Euronotus: calidus.
 Notus, Auster: pestifer, æstuosus.
 Libonotus: tepidus.

Occidentales.

Libs, Africus: humidus, non diurnus.
 Zephyrus, Fauonius: tepidus, humidus.

Corus,

Corus ἀπὸ τοῦ οὐλῦμ. fulmi. grandinant, in salu.

Septentrionales.

Circius, Gallicus, Britan. Frigl.

Septentrio: ἀπὸ τοῦ τῆς frigidus, grandinat.

Boreas, Aquilo, nivalis, salubris.

EX ÆOLIA IOAN- nis Camerarij.

N Anque aquilonares desiccant aëra venti,
 Est autor pluviae nubilus Auster aquae:
 Eurvs Apollineis vbi sol primum ignibus exit,
 Vrit agros, Zephyri mollior aura venit.
 Qui loca septenum ventus colit alta trionum,
 Purus ab imbriferis nubibus ire solet.
 Ni tamen aut mollem graue denseat aëra frigus,
 Illius aut sæuo turbine flabra ruant.
 Quod cum fit, mare fulgurea tum grandine cõplet,
 Et crebram aërea ventilat arce facem.
 Hoc thracea facis, faciunt tua flamina Caure,
 Quique meres positus dicere voce tui.
 Africus est nimbis creber, creberque procellis,
 Hocque ipso gaudes Cæcia nube magis.
 Ipse Notus feruet, Zephyr⁹ reper, Eurvs adurit,
 Sic Boream à strepitu, lingua pelasga vocat.

NE longior sim quàm institui, alios canones ob
 causas antedictas omittere visum est, quòd

mathematica à certitudine tantum laudentur, & quòd antea à Boneto 35. & à Dryandro fautore in primis nostro plures descripti sunt in Annulum astronomicum, vnum tamen annectere libuit, nempe Ausonij carmen, de nominibus stellarum, quòd nostri studiosi rebus cœlestibus passim delectentur, qui olim si modo rectè sequantur, intelligant, quantum splendoris, quantum lætitiæ hæc contemplatio allatura sit: quorum studia vt iuuarem, hæc opera cœpta est. Fateor plerosque esse, qui tantas res non capiant, ob ingenij sterilitatem vel pigritiem, quorum animus non latius peregrinatur, quàm in domibus vbi habitant, & nihil præter quotidianum mouent, parua considerant, parua imitantur, & omnia magna, vt ille dixit, existimant, quia nihil maius vident.

Molliter hi viuunt, nati consumere fruges,
Lychnobijs ventres, Penelopesque proci.

CARMEN AVSONII de imaginibus cœli.

AD Boreæ partes, arcti iunguntur & anguis.
Post has, Arctophylax pariterq; corona, geniq;
Prolapsus, lyra, auis, Cepheus, ac Cassiopea.
Auriga, & perseus, Deltorò, & Andromedastrum,
Pegasus, & delphin, telum, aquila, anguitenensq;.

Signifer

Signifer inde subest, bis sex & sidera complet,
 Hic aries, taurus, gemini, cancer, leo virgo,
 Libraq; scorpius, arcitenens, capricornus, & vnā
 Qui tenet, & pisces, hi sunt in partibus Austri.
 Oryon, procyon, lepus, ardens hyrius, Argo,
 Hydrus, Chiron, thuribulum quoq; piscis, & ingēs
 Hunc sequitur pistrinx, simul Eridanūque fluenta.

INSTRVMENTVM HO- rarum inæqualium.



Centro faciei, filum sericum cum gemmula in-
 fige, & considera ortum solis eiusdem diei in

latere dextro, cui filum applica, & gemmulam ad extremam lineam vnitae designatam dirige. Inde horæ per annulum cognitæ filum superpone, indicabit gemma horam diei propositi in æqualem.

PLANETAM HORÆ TEMPORALIS per annexam tabulam inuenire.

Horam temporalem, per præcedentem repperitam, quære in tabula hic apposita, ex directo tui diei, inter numeros horarum, & statim si fuerit hora diei, videbis in superiori ordine planetarum, planetam tuæ horæ dominantem.

Si autem nocturnæ temporalis horæ gubernatorem quæris, aduerte ordinem planetarum in fine tabulæ.

Mars 12 11 10 9 8 Saturnus

Iupiter 12 11 10 9 8 7 Luna

Saturnus 12 11 10 9 8 7 6 Mercurius

Luna 11 10 9 8 7 6 5 Venus

Mercurius 10 9 8 7 6 5 4 Sol

Venus 9 8 7 6 5 4 3 Mars

Sol 8 7 6 5 4 3 2 Iupiter

Mars 7 6 5 4 3 2 1 Saturnus

Iupiter 6 5 4 3 2 1 Luna

Saturnus 5 4 3 2 1 Mercurius

Luna 4 3 2 1 12 Venus

Mercurius 3 2 1 12 11 Sol

Venus 2 1 12 11 10 Mars


Sol 1 12 11 10 9 Iupiter

Tabula Gubernationis planetarum.

Nocturnarum horarum Gubernatores.


Solis
Veneris
Mercurij
Lunae
Saturni
Iouis
Martis

13




inæquales, hac ratione. Pone circini pedem alterū in
a, punctum alterū in c, describe lineam altero circini
pede ex c in subtenſam lineam a, itidē in b & d fa-
cito, verūque quadrantē a & c, b & d, in tres par-
tes æquales ſecato, punctis adiectis ſingulis: poſitu
regulæ ſuper primis punctis, c & d proximis, rectā
lineā ducito, pro capricorno & ſagittario, in bru-
mali parte, pro cancro & geminis in æſtiua oppo-
ſita. Secundam lineam ſuper alia duo puncta ſe-
quentia inſcribito: prima differentia reſert in parte
hyberna a & c aquarium, & ſcorpionem, in oppo-
ſita

fit a *æstiu*a leonem & taurum. Vltima compre-
hēdit signa quatuor sequētia, in a pisces & libram,
in b arietem & virginem, quod spatium maius
est, vt capricorni & cancri minus. Inde a & b,
c & d, vtrunque diuide in partes aequales, & per
puncta diuisionis describenda linea, quæ diuidat la-
titudinem laminæ in partes aequales duas, quarum
a c, ad hyemem, d b ad *æstatem* referenda. Inscri-
bitur c spatium hyems, a autumus, b ver, d *æstas*:
literis quatuor, *Æ. V. H. A.* *æstas*, ver, hyems,
autumnus.



INde seorsum alteram tetragoni partem ab a ad
e in nonaginta partes diuide, quemadmodum in
prima astronomici Annuli figura quadrantis di-
uisionem instituiimus. Et hæc diuisio est transfe-
renda in eandem laminam, vel prædurum lignum,
ex quo lineæ horariæ per tabulam eleuationis si-
gnorum subscriptam inscribendæ, ex nonaginta
partibus seorsim depictis: vel poteris tantum gra-
dibus eleuationis cancri in hac diuisione vti, reli-

D. BURCHAR. MITHOBII
quos tanquam inutiles relinquere.



His omnibus sic instructis, collige ex tabula,
quam ad elevationem signorum qualibet ho-
ra diei horologiographiæ, ut dicunt, per totam Hes-
siam, Thuringiam, Coloniã, fere inseruientem sup-
putauimus, signorum elevationes ad quancunque
diei horam: eandem circino metire in ligno seorsum
extructo, & mox transfer in laminam annula-
rem, & hoc quidem per initia omnium signorum,
punctis singulis adiectis. Ante alia maximam
solis altitudinem meridianam solstitij æstiu, quæ
est graduum 62. & triginta minutorum, ab e ad
a, & f c. transfer, producantur g h, sic ab e ad b, ab
f ad d, proueniunt i k. Fac igitur a c parallelam g
h, sic b d parallelam i k, quæ postremæ duæ lineæ in
medio circunferunt duo foramina, quæ sunt pinnu-
larum loco, per quæ sol radios suos in superficiem
Annuli concavam demittit. Sunt eadem lineæ ho-
rizontis vice, quemadmodum duodecima chara-
cteristica meridiani circuli existit: sic eadem recta
linea, quæ signum Arietis sequitur in linea a c, d
& b, contexturis suis describit tertium foramen,
quod est loco armillæ suspensoriæ: per hoc enim
annulus suspenditur, linea recta circa Libram &
Arietem, representat æquinoctialem. Alterius
lateris

Quicumque Astronomica disciplina, & coelestium rerum peritiam perquirere altius cupit, tanto studio, tantis laboribus à veteribus nostris exco-
gitatam et inuentam, quos merito faelices Ouidius appellat, cum inquit,

Faelices animæ quibus hæc cognoscere primum

Inque domos superas scandere cura fuit.

Credibile est illos pariter vitiisque iocisque,

Alius humanis exeruisse caput.

Non Venus & vinum sublimia pectora fregit,

Officiumque fori, militiæ ve labor:

Nec levis ambitio, perfusaque gloria fuco

Magnarumque fames sollicitauit opum.


Admouere oculis distantia sidera nostris

Aetherique ingenio supposuere suo.

Mensurasque rerum diligentius rimari conatur, certissimasque quorumlibet horologiorum rationes in nostra regione extruere studet, is solerti indagatione, tabulam hæc perquirat inspiciatque, hinc nulla circa hanc rem difficultas eum suspensum habere potest. Poteris etiam ex priore nostræ eleuationis structura, diuersas colligere Annulorum magnitudines, si vel circulo laminam incluseris, ut nos olim Erfodiæ eam rem docuimus, vel iuxta Orontij Finæi descriptionem, in hunc modum extendas, utrobique rectas piramidales lineas in quantum longitudinem ab utraque parte, & in-

Star prioris laminæ, longiorem laminam interponito, signis, lineis, horarijs, in priorem formam annotatus. Quo facto, cum se offert Annuli longitudo, primum in superiori parte, hanc figuram longitudini respondentem aptabis, punctis à lineis singulis translatis in laminam annuli tui: dein idem in parte inferiore facito, singulis diuisionibus inscriptus, tandem horarias lineas describito, cum characteribus signorum, & horarum, ut subiecta figura hoc demonstrat, & est parata lamina, pro quocunque Annulo.

ANNULI SPHAER. VSVS. 147
 FIGVRA ANNULI HORA-
 rij in planeto descripta, ad colligendas
 quascunque Annulorū magnitudines.



POteris etiam interuallum cancri e, f, iuxta cylindi rationem in 24 interualla equalia diuidere, & numeris à quinario ad quinarium inscribere, & habes annulum instructum sciotericum, id est, quo per umbram cuiusdam rei equaliter supra horizontem eleuatae altitudinem inquirere licet, Vsum videbis in epiphanometria.

VSVS ANNULI MATHEMATICI.

PRO cognoscendis horis equalibus, necesse est perquirere solis gradum, ex superiori Annulo in tabula propria de motu solis, vel diariis vulgaribus: inde suspendas annulum per foramen medium, & per latus signo solis oppositum, demitte radios solares, in eam lineam parallelam, quae signum solis indicat, & videbis ex horariis lineis quota sit hora dici

QVO TEMPORE ORIA- tur vel occidat sol.

VIDE horizontalem lineam signi solaris, eadem ante meridiem, ortum, post meridiem occisum ostendit.

LON.

ANVLI SPHAER. VSVS. 148
 LONGITVDO DIEI ET
 noctis quomodo inuestiganda.

IN eodem signo solis, inuenta spatia ab horizon-
 te ad horam duodecimam, cum suis partibus, si
 quæ sint, duplicabis: productus numerus ostendit
 quantitatem diurnam, eam subtrahere à 24. quod re-
 liquum est, ostendit quantitatem nocturnam.

TABVLA QVANTITATIS
 longioris diei æstiu, cum adiectis
 regionibus, potissimum Germa-
 niæ, iuxta recentiores obser-
 uationes. Primi numeri
 horas indicant, secun-
 di minuta.

<i>Heluetia, Suitia, Stiria, Hungaria.</i>	15	42
<i>Sueuia, Bauaria, Austria.</i>	15	52
<i>Bohemia, Morauia, Alsatia.</i>	16	0
<i>Franconia, Ringeæ pars.</i>	16	10
<i>Hessia, Thuringia, Colonia, Vestrualdia, Misnia, Slesia, Polonia.</i>	16	20
<i>Saxonia, Brabantia, Vestualia, Ciliua, Marchia,</i>		

<i>Utraque Masonia.</i>	16	42
<i>Holandia, Frisia, Meggelburgum, Prussia, Pomerania.</i>	16	54
<i>Holsatia ducatus, Prussia pars.</i>		
<i>Anglia.</i>	17	8
<i>Danmarchia, Selandia, Insula Frisia, Liunia.</i>		
	17	22
<i>Scania, Danmarchia.</i>	17	52
<i>Vinonia, Gotia meridionalis pars, Aecades insula.</i>	18	32
<i>Suetia minor, Noruegia, Suetia maior, Russia.</i>		
	18	54
<i>Engronelandia.</i>	19	50
<i>Vviutlandia, Vermelandia.</i>	20	26
<i>Lapponia</i>	21	13
<i>Islandia.</i>	24.	
<i>c. in parte meridionali, in medio dies ad aliquot menses extenditur.</i>		

Hanc nos (ut Zieglerus excellens mathematicus in Schondia sua multis rationibus comprobatur) Thulen existimamus, de qua hæc Vergilij carmina, quibus inuocat Cæsarem,

Geor. I.

An deus immensi venias maris, an tua nautæ

Numina

Numina sola colant, tibi seruiat vltima Thyle.
 Nos Glaciem terram dicimus. Est celebris insula,
 insolitis miraculis, vt nautæ Hamburgenses præ-
 dicant, idem multi scribunt. Aiunt ibidem esse
 promontorium, quod perennibus (vt Aetna in Si-
 cilia) ignibus aestuat. Et comperiuntur illic spiri-
 tus se exhibentes manifestos humanis ministeriis:
 submersorum, siue alio casu eneëtorum spectra
 sese offerunt congressibus notorum hominum, tam
 manifesta, vt tanquam viuentes accipiantur ab
 ignaris mortis illorum, dextris datis, nec deprehen-
 ditur error, priusquam spectrum disparet. Idem
 fere de scopulis Noruegiæ prædicatur à nautis &
 mercatoribus Rostochensibus, vbi ego cum primū
 philosophiæ & medicinæ operam nauare cœpi, non
 semel ante quindecim annos eadem magna admi-
 ratione audiui, quæ etiam non minus vera, quàm
 quòd Causus fluius Pythagorā (vt est in historiis)
 salutauerit, existimo.

EPILOGVS.

Habes hic candide lector, nostras de *Annulis*
demonstrationes, faciliores & pinguiore (ut
aiunt) quàm vnquam editæ, quas vtinam tam gra-
tas tibi esse sentiam, quàm sunt promptè ad com-
munem iuuentutis, amicorùmque vsum collectæ.
Quòd si fœlicem hanc qualencunque diligentiam
videro, dabo operam, vt meliora quandoque edā-
tur, quæ studiosis non inutilia fore putamus.

VSVS

ANNULI SPHAERICI VSVS. 150
 VSVS HOROLOGII
 Tetragonalis.

Necesse centro tetragoni perpendicu-
 lum, cum duabus gemmis, & vide in
 tabula motus solis, in quo signo &
 gradu sol sit eo die, cum horam diur-
 nam inquiris, cognito gradu solis, eundem in late-
 re a c, Zodiaci supputa, quàm præcise hoc fieri po-
 test: mox margaritam infimum, ad repertum gra-
 dum submitto, inde tandem ad 12 horam collo-
 ca, & superiorem vnionem ad sextam, id est, vl-
 timam lineam horarum inæqualium dirigito (nā
 superiores sex inæquales horas, inferiores equi-
 noctiales & æquales representant) quibus omni-
 bus sic perfectis, obtutu dioptræ, demittantur ra-
 dij solares per vtrunque foramen, & animaduer-
 te in quas lineas vniones ceciderint: hæ tibi horas
 æquales à cynocephalo ortas, & inæquales ante
 vel à prandio indicabunt. Si scire velis quantita-
 tem diurnam, vnionem dirige in latus a b, &
 indicabit tibi ortum, quem antiqui reges Ory-
 gi animali assidentes observabant, tanquam
 gnomonis vmbra, & occasum solis, id est,
 longitudinem diurnam spatii horarij dupli-
 catus, productum subtrahe, à 24. & habes
 spatium noctis. Quando perpendiculum ma-

gis in *c* declinat, est ante meridiem, quando à *c* in *b*, est pomeridianum tempus. Solis vel alterius astri altitudinem supputa in linea *b e*, conspecto per dioptram sidere vel radius demissus, & numerum inuentum multiplica per 15. & habes quot miliaribus ab horizonte sol vel aliud sidus distet.

VSVS HOROLOGII columnaris, & cyathi.

Circa cylindri pedem, vide in quo signo & gradu sol sit, vel ex aliis tabulis ad id confectis discerne: signo & gradu solis inuento, gnomonem lineis parallelis idem signum referentibus, & gradui, si fieri potest, impone, filo instrumentum eleua, vt libere pendeat, hinc terminus vmbre solis, in lineis, non parallelis horariis diei horam ostendit. Idem signum repertum duplicatis spatius, ostendit quantitatem diurnam, quibus subtractus à vicenis quaternis, residuum ostendit noctis longitudinem. Circa labrum eiusdem signi obseruabis ortum & occasum solis, vmbre incrementum ante-meridianum, decrementum postmeridianum tempus ostendit. Solis altitudinem numera in gradibus altitudinis, & multiplica vt in tetragono iam dictum est, sic in cyatho labrum loco solis oppositum, eadem indicat vmbra sua.

VSVS

ANNULI SPHAER. VSVS.
VSUS HOROLOGII
federalis.

151

Dispone denticulum duodecimæ horæ ad diem institutum, & per centrum instrumenti polarem stellam observa: indicem rotulæ ad postremas stellas vrsæ maioris, scalenum cum polari stella delineantes dirige, quibus omnibus in hunc modum instructis, à sinistra numera ad primum denticulum 4. ad secundum quinque, donec ad contactum indicis perueneris, & indicis denticulus horas nocturnas referet.

PRO HOROLOGIO
absoluto nocturno.

Moue 24. horam parvæ rotulæ ad tempus ortus vel occasus, & index secundum rationem antedictam in perfecto horologio, horas demonstrabit, ab ortu vel occasu.

PRO HOROLOGIO
vniuersali Ptolemæi.

Brachiolum eleuationi regionis tuæ affige cum perpendicularo & vnione: extremitatem bracholi mobilem ad signum & gradum solis in eadem eleuatione applica: vnionem gradui & signo solis in latere superpone, & instrumentum eleua, vt radij solares per vtriusque foramen demittan-

tur: inde in lineis horariis parallelis videbis quota sit hora diei, vñione ancillante.

Altitudinem, latitudinem, profunditatem cuiusque rei metiendæ, accessibilis vel etiam inaccessibilis per vñbram, & absque vñbra deprehendere.

Si scire voles per puncta vñbræ rectæ vel versæ cuiusque rei, sume altitudinem solis, dum est 45 graduum: æquatur tunc puncta gnomoni, & vñbra & res inumbrata sunt eiusdem longitudinis.

Si solis altitudo maior 45 fuerit, erit vñbra breuior re inumbrata, cadetque regula in latus vñbræ rectæ, siue extensæ: puncta quæ à regula interceptiuntur, & diametrum in 144 diuide, & exeunt puncta vñbræ versæ.

Si minor fuerit altitudo, vñbra est longior quam res, & cadet regula in latus versum: diuide ergo puncta abscissa in 144. & erit vñbra recta. Hæc Iacobus Lateranus. Sole per pinnulas cõcepto, vide partes quadrantis abscissas, quam habent proportionem ad 12, eandem habebit altitudo quesita ad vñbram in plano. Scilicet duæ partes ad 12 habent proportionem sescuplam, 3 quadruplam, 4. triplam, 6. duplam, 7. super quinque partientem septimas, 8. sesquialteram, 10. sesquiquintam, 11. sesquiundecimam: si omnes, equalis est res & vñbra.

AEQVATIO VMBRAE AD REM.

Elige de Umbra, quam Voles partem, hinc Virgulam æqualem in terram defige, Umbramque ex ipsa decidentem metire palmo vel pede, & quantum Umbra Virgulam exceſſerit, tantum à ſingulis ſectionibus æquatæ Virgule ſubtrahas, quātum autem Virgula Umbram exceſſerit, tantum Umbræ ſectionibus Virgam æquantibus adicias, & quod accreſcit vel decreſcit, meſura fuerit.

DE ALTITVDINE

rei metienda.

Conſidera per pinnulas altitudinem rei, vt regula cadat in angulum gnomonis, nota ſtationem cui adicias ſtaturam tuam, ab oculo in pedes: erit ſpatium inde in pedem uſque rei meſurata, æquale altitudini.

DE RE INACCESSI-

bili metienda:

Viſa ſummitate rei, notatur puncta, quæ fuerint abſciſſa: ſint exēpli cauſa 3, quæ in 12 quater cōtinentur: ſignato ſtationē. Hinc retro eas, vidensq; ſecūdo ſummitatē rei, ſintq; puncta abſciſſa duo, quæ ſexies in 12 habetur: ſignato hāc ſtationē. His conſtitutis, minus cōtinens ternarij, id eſt, 4. de maiori cōtinēte binarij, id eſt 6 ſubtrahere, ſeruiās id

D. BVRCH. MITH. ANN. SPAE. VSVS.
*quod remanet, habe tunc intervallum stationum:
quod ex proportionione habetur binarij, duplum alti-
tudini rei inacessibilis.*

DE METIENDO profundo.

*S*uperficies profundi labro erit æqualiter ampla.
*Hinc mensor per foramina profundum despi-
ciat, ex aduerso puncta abscissa comparētur ad 12.
earum, proportio diametri ad profundum propor-
tionem indicat.*

DE PLANO metiendo.

*C*onsidera limitem plani aduersum, gradusque
*abscissi, ad 12. comparatio staturæ metientis,
ad planum proportionem indicat.*

F I N I S.

ORONTII FI-

NÆI DELPHINATIS, RE-
gij Mathematicarum professoris
compendiaria tractatio de fa-
brica & vſu Annuli
Aſtronomici.





ABRICENTVR in primis binæ circularæ armillæ, similes atque inuicem æquales, pro libera futuri annuli siue brachioli magnitudine: sintq; ABCD, & BEDF. Hæ circa puncta B & D, è diametro sumpta, tali conclauentur industria: vt in vnam cum volueris, armillam componantur, cum autem fuerit operæpretium, ad rectos sphaerales aperiantur angulos. In qua re plus valebit ingenij tui dexteritas, quàm importuna verborum multitudo. Harum porrò armillarum alteram, vtpotè ABCD, Meridiano deputabis: & propterea vnicum eiusdem armillæ quadrantem, scilicet AB, in 90 partes inuicem æquales de more separabis, inscriptis à puncto B versus A earundem partium numeris. Reliquam autem, videlicet BEDF, in horarium conuerteres Aequatorem: diuides igitur quanlibet eius medietatem in 12 æqualium horarum intervalia, earundem horarum numeris à puncto B, per E, versus D, rursumq; ab ipso D per F, versus idem punctum B, ab 1 vsque in 12 ordinatis. Facies rursum aliàm armillam itidem circularem, forinsecus excavatam, volubilem quandam circumferentem armillulam, intra prædictam excauaturam subtiliter coaptatam: velut AGCH. Quæ quidem armilla AGCH, intra prædictas facile recipiatur, ac cum eisdem simul iunctis ad amussim ex omni parte

parte conueniat, vniformem quandam armillam integrans. In hac igitur armilla AGCH, inscribes Zodiacum circa punctum G, priori haud dissimilem, sex signis vltra mediam ac volubilem armillulam, totidemque citrà delineatus: vti figura pro parte manifestat. Memento tamen, in eadem armilla principali geminas prius faciendas esse scis-



suras: alteram quidem in longum ipsius Zodiaci, paulò longiorem eo: reliquam autem priori equalē ex aduersa seu diametrali parte H. Per has siquidē scissurās, patebit aditus ipsis radius solaribus, volubilis armillulæ foramina conuessuris. Hāc demum armillā, circa duo puncta è diametro, atque ab ipsis

G & H æquè distanter assumpta, cum punctus A & C ipsius armillæ ABCD, prominentibus clauiculus ita coaptabis: vt quaquauersum inflecti, & cū eadem ABCD iungi rursus facile possit. Vnde opus erit, in ipsa armillula volubili binas rursus efficere scissuras, pro clauorum magnitudine, inuicem æquales, pauloq; lōgiore Zodiaco. Item & in eadē armillula volubili duo pertusabis foramina, admodum quidem subtilia, atque è diametro interpretatas scissuras coassumpta: per quæ, loco pinna-cidiorū, Solaris radius (vt infra videbis) ingreditur.

Per hunc igitur vniuersalē annulū, horā æqualē, lucente Solē, ita deprehēdes. Aperiātur in primis armillæ, sic vt BEDF, ad rectos angulos cum ipsa ABCD cōstituatur. Dein supputetur datæ regionis polaris altitudo in AB quadrante, ab ipso quidem B versus A: & per supputationis terminū, suspendito annulū filo quopiā tenuissimo. Postea collocato foramē G ipsius volubilis armillulæ, super locū Solis in circūscripto Zodiaculo notatū. Tādē vertito partē ad Austrū, Zodiacū verò ad lucēre Solē: & tādū huc vel illuc flectito armillā AGCH, quatenus radius Solaris trāseat per vtraq; volubilis armillulæ foramina. Tūc enim pars ipsi Zodiaco opposita, in respōdenti Aequatoris horarij medietate, propositam indicabit horā. Cætera ex supradictis respondenter decerpito.

LOCO-

LOCORVM A-¹⁵⁵

LIQVOT INSIGNIVM

latitudines cum longitudinibus,
priori numero has, posteriori
illas, partibus ac scrupulis
indicante.

EVROPÆ LOCA.

Hispaniæ ciuitates.

C ompostella	6. 0:44. 20.
Portogalla	5. 48:41. 35.
Lisibona	5. 10:39. 38.
Hispalis	6. 36:37. 0.
Corduba	8. 0:37. 30.
Toletum	10:39. 56.
Salmantica	8. 32:40. 15.
Cæsaraugusta	16:41.
Barsalona	10. 0:41. 35.
Pintia	10. 10:40. 0.

Galliæ ciuitates.

B urdigalia	18. 30:46. 0.
Rodes	24. 0:45. 15.

γ iij

<i>Nantes</i>	19.5:48.12.
<i>Aurelia</i>	22.35:47.15.
<i>Turonis</i>	20.55:47.30.
<i>Rothomagus</i>	21.15:49.0.
<i>Bizantium</i>	28.20:47.36.
<i>Lugdunum</i>	24.45.10.
<i>Vienna</i>	24.15:44.48.
<i>Parisijs</i>	23.20:47.55.
<i>Geneuora</i>	28.16:45.52.
<i>Marsilia</i>	25.15:43.6.
<i>Monspessulanus</i>	24.56:42.5.
<i>Tolosa</i>	21.15:43.30.

Angliæ ciuitates.

I <i>nsula medium</i>	20.30:54.30.
<i>Cantuaria</i>	21.25:52.8.
<i>Oxonium</i>	18.20:52.41.
<i>Londonum</i>	19.50:52.30.

Scotiæ ciuitates.

E <i>ius medium</i>	26.30:57.0.
<i>Etenburgum</i>	25.48:57.13.
<i>Efaguenfis ciuitas</i>	26.47:57.33.
<i>Eboracum</i>	24.30:57.0.
<i>Brabantia</i>	

Brabantia ciuitates.

L ouanium	27.8:50.58.
Antuerpia	26.35:51.28.
Mechlinia	26.50:51.12.
Bruxella	26.42:51.0.
Buscunducis	27.10:52.10.
Lira	27:51.16.

Flandria ciuitates.

G andauum	26.8:51.24.
Brugæ	25.6:53.30.
Tornacum	25.15:51.40.
Caletum	26.2:51.44.

Hollandia ciuitates.

A msterdama	27.34:52.40.
Traiectum	27.22:52.30.
Dordracum	26.26:52.16.
Campeua	27.52:52.50.
Leiidis	27.17:52.44.

Zelandia Belgica ciuitates.

M iddelburgum	25.26:51.48.
Ziriczee	26:52.0.
	V iiij

Variorum Ducatum
ciuitates.

V Alencenis	26.29:50.10.
Leodium	28:50.51.
Aquisgranum	28.52:51.5.
Bonna	29.53:50.47.
Iuliacum	29.45:51.5.
Geldria	29.2:51.42.
Cleuia	29.35:51.58.
Lucenburgum	31.30:50.0.

Superioris Germaniæ
ciuitates.

C Olonia	29.0:51.0.
Moguntia	30.32:50.8.
Argentina	30.4:48.45.
Basilea	29.50:47.40.
Constantia	30.30:47.30.
Spira	31.4:49.20.
Vormatia	30.43:49.44.

Magnæ Germaniæ
ciuitates.

V Ima	32.0:47.22.
Ratisbona	33.30:49.24.
	Norim-

<i>Norimberga</i>	33.0:49.24.
<i>Augusta</i>	33.0:47.32.
<i>Brunsviga</i>	32.30:52.34.
<i>Luneburgum</i>	35.0:54.0.
<i>Ingolstadium</i>	33.0:49.0.
<i>Lips</i>	34.30:51.0.
<i>Tubinga</i>	30.53:48.38.
<i>Bretta</i>	30.27:49.5.
<i>Francophordia</i>	30.18:50.12.
<i>Monachum</i>	33.31:48.0.
<i>Vienna Panonnica</i>	37.45:48.0.
<i>Vitenberga</i>	37.40:51.50.
<i>Lubecum</i>	36.0:51.48.
<i>Erfodia</i>	34.0:51.10.
<i>Praga</i>	37.30:50.4.
<i>Vratislavia</i>	42.0:51.0.
<i>Craconia</i>	46.0:51.0.
<i>Caschouia</i>	46.0:50.0.
<i>Buda</i>	44.30:46.0.
<i>Sagina</i>	39.0:44.45.
<i>Dantiscum</i>	46.0:55.0.
<i>Mons regalis</i>	48.36:54.17.
<i>Saltzeburgum</i>	35.0:48.0.
<i>Ludeburgum</i>	35.0:47.0.
<i>Villachum</i>	35.15:46.23.
<i>Brixia</i>	34.0:46.6.

Frifia ciuitates.

G <i>Roninga</i>	29.24:53.16.
<i>Thama</i>	29.34:53.22.
<i>Synolis</i>	28.38:52.47.
<i>Emde</i>	29.46:53.42.
<i>Dockena</i>	28.56:53.42.

Italiae ciuitates.

P <i>Apia</i>	28.22:44.50.
<i>Tridentum</i>	30.30:45.18.
<i>Padua</i>	34.30:48.0.
<i>Ferraria</i>	32.15:44.23.
<i>Mantua</i>	33.0:44.28.
<i>Cremona</i>	31.0:44.42.
<i>Venetia</i>	34.30:44.50.
<i>Ancona</i>	35.40:43.42.
<i>Roma</i>	36.20:41.50.
<i>Capua</i>	49.0:41.0.
<i>Sulmo</i>	40.30:40.0.
<i>Brundisium</i>	42.30:39.40.
<i>Neapolis</i>	40.10:41.0.
<i>Florentia</i>	34.30:43.4.
<i>Mediolanum</i>	32.0:44.30.
<i>Taurinum</i>	31.30:43.0.
<i>Genua</i>	30.30:43.50.
	<i>Bono-</i>

Bononia

33.5.43.54.

Parma

42.0.43.30

Græciæ ciuitates.

C*Hilia*

54.30:45.45.

Adrianopolis

52.30:42.45.

Stridona

43.30:44.30.

Dirachium

45.0:40.55.

Constantinopolis

55.30:43.0.

Philippis

50.30:41.40.

Thessalonica

49.50:40.20.

Ambracia

48.0:28.20.

Anticyra

50.30:37.30

Corinthus

51.15:36.30.

Thebæ

51.10:38.30.

Nisæa, quæ & Megara

52.0:37.30.

Athenæ

52.45:37.15.

Africa ciuitates.

T*ingis*

6.30:35.30.

Fessa

5.30:34.40.

Ciffa

15.45:32.50.

Hippon

30.30:32.15.

Vtica

32.0:32.45.

Thunetum

33.0:32.30.

<i>Cartago</i>	34.40:32.40.
<i>Melota</i>	38.0:45.35.
<i>Garama</i>	43.0:21.30.
<i>Cyrene</i>	50.0:31.15.
<i>Alexandria</i>	60.30:31.0.
<i>Bubalus, nunc Chayrum</i>	61.50:29.30.
<i>Thebæ</i>	62.30:29.30.
<i>Tanis</i>	62.45:30.50.
<i>Syene</i>	62.0:25.50.
<i>Meroe insula</i>	61.30:16.25.

Asiæ ciuitates.

N <i>Icomedia</i>	57.30:42.30.
<i>Casarea</i>	56.40:41.40.
<i>Nicæa</i>	57.0:41.40.
<i>Ilium, olim Troia</i>	55.50:41.0.
<i>Ephesus</i>	67.40:37.40.
<i>Smyrna</i>	58.25:38.25.
<i>Pergamus</i>	57.25:39.45.
<i>Patera</i>	60.30:36.5.
<i>Nogardia</i>	66.0:62.0.
<i>Antiochia</i>	70.15:37.20.
<i>Tarfos</i>	67.40:36.50.
<i>Damascus</i>	69.0:33.0.
<i>Sidon</i>	67.0:33.30.
<i>Tyrus</i>	67.0:32.20.

Ioppen

<i>Ioppen, olim Ioppa</i>	65.40:35.5.
<i>Cæsarea Stratonis</i>	66.15:32.30.
<i>Iulias aut Bethsaida</i>	67.5:31.15.
<i>Hicrosolyma</i>	66.0:31.40.
<i>Edeffa</i>	72.30:37.30.
<i>Babylon</i>	79.0:35.0.
<i>Orchoe Abrahami patria</i>	78.30:32.40.
<i>Niniue, olim Ninus</i>	78.0:36.40.
<i>Mecha</i>	71.45:22.0.

F I N I S.







